

Sises Ekareei Isaan N#menuka'p# Ekamanin

Sises Ekareei Isaan N#menuka'p# e'menukasa' ennin nan uya apurito' pe, Sises esi ekamasa' r#p# pika'tinin wann# pe, Papa Mumu, apuri t#uya'nokon wini t#uko'manto' kon epoto' pe to' uya (20:31).

Ekama t#po siyaro' pe ri Papa Maimu pe Sises e'to', iye'sara'tito' wini wak# itekare uya ekama tu'kan ni eke, Papa t#rawasooi e'ku'sa' r#p#, Sises esi ekamasa' r#p# pika'tinin wann#, Papa Mumu pe iyesi tukai' enpoikanin pe. Miri pikiri si i'ri enpoikanin pe eke, Papa t#rawasooi e'ku'sa' tawon. Seri airi kareta uya ekama ka'pon am# uya Sises apuri'p#, miripan kon ena'p# ipikiron kon pe, t#ron kon uya ri ewa'noma koro'tau, anapuripai p#ra ri niri. 13 awonsi'ki, 17 p#k# pona isekamato' airi ita'sisa' kusan pe ri a'ko pe a'sam#t# pe t#poitor# ton pokon pe iyesi'p# ta'si ewarup#i tau, imaimu to' koneka pe to' pori'mapit# pe isaurok#p# r#p# kurusu' pona t#pokapi'to' rawiron ko'mamiri yau. Iu'mat# winik#i'no isekama to' airi iyesi Sises a'si'p# r#p# i'tupit#p#, kurusu' pona ipokapit#p# miri awonsi'ki iye'm#sa'ka'p# terik#p# apai, miri t#po isenpoikapit#p# t#poitor# ton piya'.

Isaan uya kuru ekama tiwi ri uko'man nito' epoto' Sises K#rai poro, epoto' epiya'ti seri pe

ri kamo Sises pi' ewai' tawon nu'san, ite'ma pe, i'napairon pe miri awonsi'ki uko'man nito' pe iyese pi', piya' iyepu. Isaan uya enpoikato' iwini tensen ton wai kaisa ri yai a'kwaru eseru ton ekamato' iya yai esi'pu, tuna, paretu, iweyu, karimeru amu' pa'simanin miri awonsi'ki itikun non, miri awonsi'ki kure' e' miri awonsi'ki iteperu ton.

Iyawon Ekamanin

Isara'tinin (1:1-18)

Isaan Pa'tes miri awonsi'ki wapiyaro' kon Sises poitoru ton (1:19-57)

Annau Sises e'turawasoma'pu (2:1–12:50)

Iweyu u'matu ton Surusiran po miri awonsi'ki ipiyau (13:1–19:42)

Iteperu e'mu'sa'kasa' miripan usenpoikapitu'pu (20:1-31)

I'ma'kanin: Turon ni kanan isenpoika'pu Kiyarari po (21:1-25)

Main Ni Ena'pu Ka'pon Pe

¹ Iyepiya'ti yau Main esi'pu, Papa piyau Main esi'pu, Papa pe ri Main esi'pu.

² Miri ri esi'pu iyepiya'ti pe Papa piyau.

³ Tanporon ni ekoneka'pu iporo; iri ri ekonekasa' pu'ra iyese ipu'ra iye'tane.

⁴ Uko'man nito' esi iyau,* uko'man nito' esi ka'pon amu' weyu pe.

⁵ Miri iweyu e'wei'ti'pu ewarupi yau, e'tane ewarupi uya ito'ka'nuku'pu pen.†

* **1:4** *Uko'man nito' esi iyau; miri pe pu'ra, Iri ri ekonekasa' pu'ra iyese ipu'ra iye'tane, apu'ne pu'ra uko'man nito' esi pi' iyau* † **1:5** *ewarupi uya ito'ka'nuku'pu pen; miri pe pu'ra, ewarupi esi'pu pen itentai.*

6 Moro ka'pon esi'pɛ Papa nennoko'pɛ, Isaan itese'.

7 Kɛri ri uyee'pɛ iweyu enpoikai' tanporon kon uya apurito' pe tɛporo.

8 Iweyu pe iyesi'pɛ pen, e'tane iweyu ekamanin pe enno'sa' pe iyesi'pɛ.

9 Miri esi'pɛ i'napairon iweyu, tanporon kon ka'pon amɛ' non pon kon wei'tinin pe iyepɛ esi'pɛ.

10 Non po iyesi'pɛ, non ni ekonekasa' e'tane iporo, e'tane non pon kon uya i'tu pɛra iyesi'pɛ.

11 Tɛtonpa ton piya' iyee'pɛ, e'tane itonpa ton uya isanoma'pɛ pen.

12 E'tane kamoro tɛsanomanin nɛ'san, tapurinin nɛ'san repasa' iya merunti ke, Papa munki pe to' enato' pe.

13 Mɛre amɛ', entu eseru yau iyentusa' kon pen, ipun eseru awiri pen, warawo' eseru awiri pen ni niri, e'tane Papa iwano' pe kuru.

14 Miri Main enasa' esi'pɛ ka'pon pe, miripan uko'mamɛ'pɛ ina piyau. Ina uya a'kwa ene'pɛ, tikin nan nɛ'kwi kuru ri imu a'kwarii, Ikɛipɛnɛ wini iye'sa', eke pe ri wakɛ nonkasa' miri awonsi'ki i'napairon esa' pe.

15 Isaan uya ekama'pɛ eke pe tɛuki'pi'nɛnse, "Pɛse ri si kɛri ri unekama'pɛ, 'Kɛri ri si uye'ma'pɛ tau tɛuye'ton esi miri eke uyentaino, penaro' uwapiyaro' ru'pɛ ri, " ta'pɛ iya.

16 Eke pe wakɛ nonkasa' esa' pe e'ni wini wakɛ ke upɛremasa' iya 'nokon eporo ise'ma'pɛ tau'ne ri.‡

1:6 Ma'siu 3:1; Ma' 1:4; Ƴru' 3:1-2 ‡ 1:16 eposa'nokon si'kiri ri wakɛ ton eporo ise'ma'pɛ tau'ne ri; miri pe pɛra, eposa'nokon wakɛ ton tɛron ni ton ensimapi'ɛ iya ke isipata'pɛ ya'ne wakɛ ton ke.

17 Main e'tur_u'p_u Mosi' poro, e'tane wak_u nonkasa' miri awonsi'ki i'napairon uyee'p_u Sises K_urai poro.

18 In_u' uya Papa ensa' p_ura iyese; tiki_n nan kuru ri Papa Mumu, tuk_uip_un_u enau te'sen k_uri ri uya riken enpoikasa' i'tuto' pe.

*Isaan Pa'tes Uya K_urai Pen Uri Ta'p_u
(Ma'siu 3:1-12; Ma' 1:1-8; Uru' 3:1-18)*

19 Ser_i esi Isaan maimu r_u'p_u, Esuwer_u am_u' epuru ton Surusiran pon kon uya Esuwer_u am_u' use'mato' turawasomanin nan miri awonsi'ki Ripai am_u' enno'sa' Isaan ekama'pose'na a'taino, in_u' pe iwesi tukai'.

20 Iye'wapu'ti'p_u pen, e'tane isekama'p_u, “K_urai§ pen uri,” tukai'.

21 To' uya ekama'po'p_u, “In_u' pe ken iwesi? Iraisa pe?” ta'p_u to' uya.

“Kane,” ta'p_u iya.

“Pu'kena' kati?”* ta'p_u to' uya.

“Kane,” ta'p_u iya.

22 Miripan kon uya ta'p_u ipi', “In_u' pe ken iwesi, ina enno'nin n_u'san pi' ina uya ekamato' pe. In_u' pe iwesi ta auya ken?” ta'p_u to' uya.

23 Isaan uya eik_u'p_u pu'kena' Aisaya maimu yai, “Uri k_uri ri rimonon' tau ka'pon uki'pi'n_unpit_u, “To'sa ri Itepuru e'ma ikonekati',† tawon,” ta'p_u iya.

§ 1:20 K_urai (Kiri' maimu), miri pe p_ura Me'saya (Ipuru maimu), Papa Nan_um_u'p_u ta e'kwa pe; v. 25, 41 yau niri. 1:21 Mara'kai

4:5 1:21 Isu'taronomi 18:15-18; Saira' 48:10-11 * 1:21 Pu'kena'—T_uuye'ton, t_uuye'sen Me'saya ekare'tise tasa' r_u'p_u ipi'.

† 1:23 Aisaya 40:3 (LXX)

24 Kamoro esi'pɥ tɥtonpa kon enno'sa' Pari'si amɥ' uya pe.

25 To' uya ekama'po'pɥ, “I'ri pe ken iyese pi' imiri uya to' pa'taisima, Kɥrai pe pɥra ri, Irais'a pe pɥra ri, pu'kena' pe pɥra ri iwe'tane?” ta'pɥ to' uya.

26 Isaan uya to' eikɥ'pɥ, “Uri uya to' pa'taisima tuna ke. E'tane moro man i'koro'tau'nokon, ini'tunɥ kon pen.

27 Kɥri ri esi tɥuye'sen uye'ma'pɥ pe, isapatooi euka uya pokena' pen ni,” ta'pɥ iya.

28 Seri ton e'kupɥ'pɥ Pe'tani pata yau, Isotan tuna ratoi po, Isaan uya ka'pon amɥ' pa'taisimato' airi.

Sises, Papa Iwano' Karimeru Mɥre

29 Miri ema'sa' yau, Isaan uya Sises uyepɥ tekare pi' ene'pɥ, miripan uya ta'pɥ, “Pɥse ri si Papa iwano' karimeru mɥre, non makooi mo'kanin!

30 Pɥse ri si kɥri ri unekama'pɥ, ‘Uye'ma'pɥ tau ka'pon uyepɥ eke kuru uyentaino, penaro' uwapi-yaro' rɥ'pɥ ri,’ ukataine'.

31 Uri uya ri kɥri ri i'tusa' pɥra iyese, inɥ' pe iyese tukai', e'tane uye'sa' na'ne' esi pa'taisiman nise'na tuna ke Esuwerɥ amɥ' ena' enpoika pe,” ta'pɥ iya.

32 Miri a'tai Isaan uya se ekama'pɥ: “Iya'kwarɥ u'ti ene'pɥ uya Epɥn poi wako'wa kasa, miripan uta'si'pɥ ipona.

33 I'tu uya pɥra ri mari iyese'pɥ. E'tane uyenko'nin nɥ'pɥ pa'taisimanin pe tuna ke uya uyauro'kasa' esi'pɥ, ‘Inɥ' ri pona Iya'kwarɥ uyepɥ ene auya a'tai, uta'si ri niri ipo te'ton pe, kɥri ri si kɥri ri Wakɥ A'kwarɥ ke pa'taisimanin,’ ta'pɥ iya.

34 Unene'p_u si ekama uya, p_use ri si esi Papa Mumu pe," ta'p_u Isaan uya.

Wapiyaro' Kon Sises Poitor_u Ton

35 Miri ema'sa' yau, miri yau ri mari Isaan esi'p_u, asa'ron kon t_upoitor_u ton pokon pe.

36 Sises usari uya tentaka kon ensa' t_uuya a'tai, "P_use ri si Papa iwano' karimeru m_ure!" ta'p_u iya.

37 Asa'ron kon ipoitor_u ton uya isaurok_u etasa' a'tai, to' uya Sises e'ma'p_uka'p_u.

38 Miri a'tai, Sises era'tisa' uya te'ma'p_uka to' uya ene'p_u. "I'ri warinpa auya'nokon?" ta'p_u iya to' pi'.

"Rapai (Ti'sa ta e'kwa pe), nai airi apata'se' esi?" ta'p_u to' uya.

39 "Entan_u'ti'," ta'p_u iya to' pi'. To' uti'p_u ipata'se' ense'na. Ipiyau to' uko'mam_u'p_u miri w_ui a'tai, ap_une p_ura pata uko'mansa' esi'p_u (4 a'k_ura' e'to' airi pata esi'p_u).

40 Isakon, Isaan usaurok_u etanin n_u'p_u, Sises e'ma'p_ukanin n_u'p_u esi'p_u Anturu, Saiman Pi'ta akon.

41 Wapiya kuru t_urui Saiman warinpai' iti'p_u, miripan uya ta'p_u ipi', "Ina uya Me'saya eposa' man, K_urai tato' ipi'," ta'p_u iya.

42 Miripan uya Sises piya' inee'p_u. Sises uya ene'p_u, miripan uya ta'p_u ipi', "Imiri k_uri ri Saiman, Isaan mu, Ke'pas[‡] pe iyesa'to' oton (Ti' ta e'kwa pe)," ta'p_u iya.

Sises Uya Piri' Miri Awonsi'ki Na'taniyer_u Ki'ma'p_u

‡ 1:42 Ke'pas (Arami' maimu yau), miri pe p_ura Pi'ta (Kiri' maimu yau), asa'ri ri mari esi ti' ta e'kwa pe.

43 Miri ema'sa' yau, Sises ekoneka'p_u Kiyarari pona tautito' pe. Piri' eporo'p_u iya, ta'p_u iya ipi', "Upikiri isi'ki."

44 Piri' esi'p_u Pe'saita winon, Anturu miri awonsi'ki Pi'ta pata'se' winon pe.

45 Piri' uya Na'taniyer_u eporo'p_u, ta'p_u iya ipi', "Mosi' n_umenuka'p_u Main yau, pu'kena' ton ni niri n_umenuka'p_u ipi', Sises, Nasare' winon, Isole' mumu eposa' ina uya man," ta'p_u iya.

46 Na'taniyer_u uya ta'p_u ipi', "Wak_u pe' epa'ka mi Nasare' poi?" ta'p_u iya.

"Ap_une entan_u'ki," ta'p_u Piri' uya ipi'.

47 Sises uya Na'taniyer_u uyep_u tekare pi' ensa' a'tai, ta'p_u iya ipi', "Ap_une enki, Esuwer_u kuru ri, enku'tinin pen ni," ta'p_u iya.

48 Na'taniyer_u uya ta'p_u ipi', "I'ri kasa ui'tu auya?" ta'p_u iya.

Sises uya imaimu eik_u'p_u, "Piri' uya iki'ma wapiya, pi' e' o'no iwesi a'tai, iyene'p_u uya," ta'p_u iya.

49 Na'taniyer_u uya ta'p_u ipi', "Rapai,§ imiri esi Papa Mumu pe, imiri esi Esuwer_u am_u' Kin pe!" ta'p_u iya.

50 Sises uya imaimu eik_u'p_u, "Pi' e' o'no iyene'p_u uya tasa' uya ipi' pi' ri pe' uyapuri auya? Miri entaino kuru ento' auya oton miri.

51 I'napairon ekama uya ipi'nokon, seri tapo Ep_un uta'koka ento' auya'nokon oton, Papa inser_ui ton u'tipit_u miri awonsi'ki enu'pit_u Ka'pon, Papa winon pona," ta'p_u Sises uya.

§ 1:49 *Rapai, Ti'sa ta e'kwa pe* 1:51 *Iseneses 28:12*

2

Temari'masan Kena Po

¹ Asa'ri wai tupo moro temari'masan esi'pu Kena po, Kiyarari airi. Miri yau, Sises san esi'pu.

² Sises miri awonsi'ki ipoitoru ton ki'masa' to' uya esi'pu miri pona.

³ To' yuku, waain u'ma'sa' a'tai, isan uya, "To' yuku, waain u'matu'pu man," ta'pu ipi'.

⁴ Sises uya eiku'pu, "Miri iku'ki kakai upi', ma'non. Uweyu e'seposa' para ri mari man," tukai'.

⁵ Isan uya nin si ta'pu miri to' poitoru ton pi', "Miri iku'ti' ta iya maku'tai'," ta'pu iya.

⁶ Esuweru amu' eseru esi'pu ekorukan tawon, miri to' nin si 6 kaisaron tuna yen ton ti' ka'pi'sa' wai amu' esi'pu miri, eke ton kuru ri, 20, 30 kiyaran e'to' airi tuna a'sinin.

⁷ Sises uya nin si, "Se ton wai amu' ipe'tipi'ti' tuna ke," ta'pu miri to' poitoru ton pi', miripan pe'tipitu'pu to' uya ite'pi ton tepopi'se.

⁸ Miri awonsi'ki nin si, "Imati' si, ari kon pa uta're'tin epuru piya'," ta'pu iya to' pi', miripan kon uya ari'pu itena'.

⁹ Miripan uya onpa'pu, tuna si enasa' waain pe. I'tu iya para iyese'pu nai wini iye'seposa' tukai' (e'tane to' poitoru ton uya riken i'tu'pu). Miripan uya warawo', temari'masen ki'ma'pu,

¹⁰ miripan uya, "Tanporon kon ni sa'ne wapiya waku kuru waain ekannin nan ko, tanporo iki'masa' kon uya nin si; ensika'sa' a'tai te'sen nu'kwai ri nin si ekamu to' uya miri. E'tane waku kuru ri enkurunpasa' auya man ko seri pu'ku pona!" ta'pu iya.

11 Seri si miri ti'tuto' ipikiri ku'pitu tauya sara'ti'pu Sises uya Kena po, Kiyarari airi. Miri si tameruntiru enpoika'pu iya, miripan apuri'pu ipoitoru ton uya.

12 Seri pata'pu pe, iu'ti'pu Ka'paneyan pona, tusan, takon non miri awonsi'ki tupoitoru ton pokon pe. Miri yau to' uko'mamu'pu aka'ne' pe ri.

Sises Uti'pu Esuweru Amu' Use'mato', Ipuremato' Iwu'Ta'

(Ma'siu 21:12-13; Ma' 11:15-17; Uru' 19:45-46)

13 Esuweru amu' uya Itepoi Iti'pu Weyu Ru'pu ku'to' weyu e'seporo esi'pu, miri pi' Sises uti'pu Surusiran pona.

14 Miripan uya, Esuweru amu' use'mato', ipuermato' iwu' pu'ku tau, ka'pon amu' uya paka amu', karimeru amu', wako'wa amu' kurupo'poma eporo'pu, purata ensimapi'nin nan ni ereutapi'sa' esi'pu tuteperuui kon piyau'ne.

15 Si'na' amu' tukonekai' to' ari'po'pi'to' tauya ike pe, paka amu', karimeru amu' enpa'kanuku'pu iya; purata ensimanin nan teperuui rawoipitu'pu iya, to' purataai taru'pitu'pu iya.

16 Miri awonsi'ki ka'pon amu' wako'wa amu' kurupo'pomanin nan pi', "To' akanu'ti' seri tapai, ukurunu iwu' ku'ku'tau kurupo'po pi' e'ni iwu' pe," ta'pu iya.

17 Ipoitoru ton enu ya' iyee'pu iye'menukasa' itekare, "Papa, iwu' kuru wenai uta'kwaraka ukiri'nuku pi' man,"* tawon.

18 Esuweru amu' epuru ton uyee'pu ekama'poi', "I'ri iit'uto' ipikiri kupu auya, seri ku'to' auya eka-manin pe?" ta'pu to' uya.

19 Sises uya to' eiku'pu, "Se Papa ena' use'man nito', ipureman nito' iwu' a'morukati', amito' pe uya osoruwau wui yau," ta'pu iya.

20 "Osoruwau wui yau si seri ami auya kanan?" tukai' to' uya ekama'po'pu. "46 kaisa ri sa'ne wuipiya amisa' ru'pu seri ko," ta'pu to' uya.

21 E'tane use'man nito', ipureman nito' iwu' Sises nusau' ai'ne' ipi' esi'pu miri tumiri pun pi' ri nin.

22 Miripan nin si e'mu'sa'kasa' a'tai teriku tupo, ipoitoru ton enu ya' iyee'pu miri, seri ta'pu iya ru'pu, miripan kon uya pena iye'menukasa' ru'pu itekare apuri'pu, miri awonsi'ki Sises maimu ru'pu.

23 Sises esi koro'tau Surusiran po, To' Epoi Iti'pu Weyu Ru'pu kupu to' uya a'tai, tu'kan kon uya ri apuri'pu, eke Papa turawasooi ti'tuto' ipikiri kupu iya ene tauya'nokon pi'.

24 E'tane Sises uya to' apuri'pu pen, apune para miri waraino kon tukai' to' i'tu tauya wenai.

25 Inu' uya ri ipana'tito' para iyesi ka'pon amu' pi', apune para to' ewan ni i'tu iya wenai.

3

Sises Uya Nekutimas Enupa

1 Moro ka'pon esi'pu Nekutimas itese', Esuweru amu' epuru, Pari'si amu' tonpa pe te'sen.

2 Iti'pu ewarupi nau Sises piya', miripan uya ta'pu ipi', "Ina uya i'tu, Rapai,* Papa nennoko'pu

2:19 Ma'siu 26:61; 27:40; Ma' 14:58; 15:29 * 3:2 Rapai, Ti'sa ta e'kwa pe; v. 26 yau niri

pe. Inu' uya ri i'tuto' ipikiri kupu para ri iyese miri maku'ai'ne', Papa para iye'tane tapiyau," ta'pu iya.

3 Entakanoma pe Sises uya ekama'pu, "I'napairon ekama uya ipi', inu' uya ri Papa e'to' esa' wannu pe ene para ri iyese iyakon ite'kwa pe iyentuka'sa' para te'tane,"† ta'pu iya.

4 "Nai kasa si isemo'kaka'sa' ri ka'pon entukapu kanan iyakon ite'kwa pe?" tukai' Sises ekama'po'pu iya. "Iyewonkapu poken para ri sa'ne iyese tusan ewan ya' tentuka'to' pe iyakon ite'kwa pe," ta'pu iya.

5 Sises uya eiku'pu, "I'napairon ekama uya ipi', inu' ri epa'ka Papa e'to' esa' wannu pe ya' para iyese miri tentusa' a'tai riken, tuna miri awonsi'ki iya'kwaru ke iyepa'ka.

6 Ka'pon entusa' miri tupun ke tusanon wini, e'tane iyentuka'sa' kanan iya'kwaru yau esi miri iya'kwaru winon pe ri.

7 Kisewansiukai, "Tanporo iyentukapu kon kanan miri,' ta uya pi' ipi'.

8 A'setun uti miri i'se te'to' awiri ri. Imaimu eta auya, e'tane miri wini iyepu, miyari iti tukai' i'tu auya para ri iyese. Miri kasa tanporon kon esi miri iyentusa' kon iya'kwaru wini," ta'pu iya.

9 "Nai kasa si seri esi?" ta'pu Nekutimas uya miri pi'.

10 Sises uya eiku'pu, "Eke sa'ne Esuweru amu' ti'saai imiri ko, miri pe' e'tane seri i'tu auya para iyese?"

† 3:3 iyakon ite'kwa pe iyentuka'sa' para te'tane; miri pe para, ka' winipai iyentusa' pe niri. Apune, v. 7 kanan enki.

¹¹ I'napairon ekama uya ipi', ina usauroku seri ina ni'tunꞰ pi', tꞰnene'pꞰ kon ekama ina uya, e'tane ina maimu ananꞰpai pꞰra inꞰ' ri esi.

¹² Uyapuri auya pꞰra iyesei seri non pon pi' ayauro'ka tane uya, nai kasa ken si uyapuri auya EꞰꞰ pon pi' ayauro'ka uya yau?

¹³ “Miripan, inꞰ' ri kanan enu'sa' pꞰra iyesei EꞰꞰ pona, Ka'pon, Papa winon niken EꞰꞰ winon.

¹⁴ Mosi' uya karukuri ka'sa' ikꞰi pe i'mꞰ'sa'ka'pꞰ yꞰi pi' rimono' tau kasa ri mari, Ka'pon, Papa winon i'mꞰ'sa'kato' pe iyesei,

¹⁵ tanporon kon si apurinin nan uya tiwiri ri uko'man nito' epoto' pe.

¹⁶ “Ipan pe seri non pon kon i'nꞰnka tꞰuya we-nai, Papa uya tikin nan kuru tꞰmu tꞰꞰ'pꞰ tanporo apurinin nan pe te'san uma'ta namai', e'tane tiwiri ri uko'man nito' epoto' pe to' uya.

¹⁷ Papa uya tꞰmu enno'sa' pꞰra iyesei seri non pon kon eseru aimenkanin pe, e'tane to' epika'tito' pe iporo.

¹⁸ InꞰ' ri imu apurinin eseru aimenka pen, apurinin pen eseru aimenkaka'sa' ri nin miri, apꞰne pꞰra tikin nan kuru ri Papa Mumu apurisa' iya kasa pꞰra.

¹⁹ “Seri kasa si Papa uya eseru aimenka miri: Iweyu uye'sa' non pona, e'tane ka'pon amꞰ' uya ewarupi i'nꞰnka iweyu entai, iri pe teseru kon esi ke.

²⁰ Tanporon kon iri kupꞰ pi' te'san uya iweyu ewaruma'ti. Iweyu winikꞰi' to' uyepꞰ pꞰra iyesei, teseru kon usenpoika namai'.

21 E'tane k_{uri} ri i'napairon ku'nin uyep_u iweyu ya', wak_u t_{eseru} usento' pe Papa eseru awiri," ta'p_u Sises uya.‡

Isaan Pa'tes Usaurok_u Sises Pi'

22 Seri ton t_upo, t_upoitor_u ton pokon pe Sises uti'p_u Isutiya pona. Miri yau iko'mam_u'p_u epa'taisiman nito' kup_u pi'.

23 Isaan niri esi'p_u pa'taisiman pi' Inon yau, Sarin piyau, ap_une p_ura eke pe tuna esi pi' miri yau. Ka'pon am_u' uti'p_u ipiya' inke ri epa'taisimai'.

24 (Seri esi'p_u miri Isaan t_uru rawiri pariki'si ta'.)

25 Miri a'tai, e'sei'pi'nito' esi'p_u Isaan poitor_u ton miri awonsi'ki Esuwer_u§ pokon pe ekorakan nito' pi'.

26 To' uyee'p_u Isaan piya', ta'p_u to' uya ipi', "Ra-pai, k_{uri} ri ipiyau ne'taine' Isotan ratoi po meka-mataine', k_{uri} ri si man epa'taisiman nito' kup_u pi', tanporon kon ka'pon am_u' uyep_u ipiya'," ta'p_u to' uya.

27 Isaan uya to' maimu eik_u'p_u, "I'ri ri eporo ka'pon uya p_ura iy_usi, Ep_un wini riken t_urepasa' a'tai eporo iya pe iy_usi.

28 Imiri'nokon uya eta'p_u, 'K_urai* pen uri; iwapiya enno'sa' pe esi,' ta'p_u uya.

29 "Temari'masen uri'san esi miri temari'masen warawo' iwano' pe ri. E'tane si ti, temari'masen warawo' tonpa esi ipiyau imaimu eta pi', miripan

‡ 3:21 Imaimu r_u'p_u u'mat_u v. 15 airon ite'ma airi. 3:24 Ma'siu 14:3; Ma' 6:17; Uru' 3:19-20 § 3:25 Esuwer_u; miri pe p_ura, Esuwer_u am_u'. * 3:28 K_urai (Kiri' maimu), miri pe p_ura Me'saya (Ipuru maimu), Papa Nan_um_u'p_u ta e'kwa pe. 3:28 Isaan 1:20

esi pori' pe imaimu eta tɔuya a'tai. Miri kasa si pori' pe e'to' e'seposa' seri, mararon pe pɔra.

³⁰ Eke pe iyena, aiko pe ena tane.

³¹ “Kuri ri ka'tapai tɔuye'sen esi miri tanporon kon entai ri; kuri ri non winon esi miri non pon pe ri, miri awonsi'ki non pi' niri isauroku. Kuri ri ka'tapai tɔuye'sen esi tanporon kon entai.

³² Tɔnene'pɔ, miri awonsi'ki tɔneta'pɔ ekama iya, e'tane inu' uya ri imaimu apuri pɔra iyese.

³³ Inu' ri i'napai ri imaimu anumu pi' na'ne', i'napai ri Papa esi tukai' ekama iya miri.

³⁴ Kuri ri Papa nennoko'pɔ usauroku Papa maimu pi', Papa uya eke pe ta'kwaru tɔru ipona tɔpu'ku ke pɔra.

³⁵ Ikuipanu uya tamu i'nanka, tanporon ni niri tɔsa' iya itena'.

³⁶ Kuri imu apurito' esa' pe na'ne' uya tiwiri ri uko'man nito' eporo, e'tane imu apurinin pen uya uko'man nito' ento' oton pen, apune pɔra Papa uya kota'man nito' uko'mamu ipo,”† ta'pɔ iya.

4

Sises Uya Sameriya Pon Uri'san Auro'ka

¹ Pari'si amɔ' uya eta'pɔ Sises uya tu'ke kuru tɔpoitoru ton eporo miri awonsi'ki to' pa'taisimapitu iya Isaan entai kuru tawon.

² Sises uya kuru inu' ri pa'taisimasa' pɔra ri iye'tane, ipoitoru ton uya riken ni nin ti.

³ Sises uya miri tawon etasa' a'tai, iyenna'po'pɔ Isutiya poi Kiyarari pona.

3:35 Ma'siu 11:27; Ɔru' 10:22 † **3:36** Imaimu ru'pɔ u'ma'to' pe nesii 30 airon ite'ma airi.

4 Sameriya poro itito' e'ma esi'pɔ.

5 Iyee'pɔ pata pona Sameriya pon Si'karɔ itese', innon kuru pen ni non Seko' natɔrɔ'pɔ tɔmu Iose' ena' piyapai.

6 Miri yau, Seko' tuna'kwaai yen esi'pɔ, Sises nin si useta'kasa' tɔuti ke ri, ereuta'pɔ miri tuna yen piyau. 12 a'kɔra' pata esi'pɔ.

7 Sameriya pon uri'san uyee'pɔ tuna kan, miripan pi', "Uyuku tuna intaki," ta'pɔ Sises uya.

8 (Ipoitorɔ ton uti'pɔ esi'pɔ pata pona kiyari ennai'.)

9 Miripan eikɔ'pɔ iya, "Esuwerɔ pon sa'ne imiri ko; uri esi Sameriya pon pe. Nai kasa mairi uyekama'po auya iuku pi'?" ta'pɔ iya ipi'. (Esuwerɔ amɔ' esi'pɔ isipɔsawɔ pokon kon pe pɔra. *)

10 Sises uya eikɔ'pɔ, "I'tunin pe iwesi yau Papa e'repato' ike miri awonsi'ki inɔ' uya iyekama'po tukai', mekama'poi'no, miripan uya iwo'pa'pɔ nesii'no to'panɔ'nin tuna ke," ta'pɔ iya.

11 "Itepuru, ipo'ki'tii pɔra iyese; i'nau ya'mu tuna yen esi. Nai yawon to'panɔ'nin tuna eporo auya?

12 Utamokori kon Seko' uya repan nɔ'pɔ ike seri tuna yen, kɔri ri, imunki amɔ' miri awonsi'ki itikan non ni uya tuna ensipitɔ'pɔ iyapai. Kɔri ri entai kuru ri kati eke pe iwesi?" ta'pɔ iya.

13 Sises uya eikɔ'pɔ, "Inɔ' ri seri tuna ensin nɔ'pɔ e'tuna'kiripakapɔ kanan miri,

14 e'tane inɔ' ri tɔwo'pa'pɔ uya ensin nɔ'pɔ e'tuna'kiripa pen ni nin miri. Tuna iwo'pa'pɔ uya

4:5 Iseneses 33:19; Isa'suwa 24:32 4:9 Esɔra 4:1-6; Ne'imaya 4:1-2 * 4:9 isipɔsawɔ pokon kon pe pɔra; miri pe pɔra, isitonpa pe pɔra to' usi'tupi'pitɔ'pɔ.

ike ena i'napaino ri i'tuna'kwaai pe ri, miri pan uya to'pana'nin tuna ke irepa, iko'manto' ike ke tiwiri ri," ta'pua iya.

15 "Itepuru, uwo'paka'ki ken si miri tuna ke, tuna'kiri' ke esi namai', miri enta' tuna kan ni uyepua namai'," ta'pua iya.

16 "Ataan'pua iki'mata iuye'kapua pa kanan seri ya," ta'pua Sises uya.

17 "Tutaan'pua kenan pen uri," ta'pua uri'san uya ipi'.

Sises uya eikua'pua, "Ipoken ni ausauroka, Tutaan'pua kenan pen uri,' ta auya a'tai.

18 5 kaisaron kon ya'iyemari'mapi'sa'† man, kari ri kanan si ipiyau me'ai'ne' ataan'pua kuru pen ni kanan. I'napairi ri iusekamasa' miri," ta'pua Sises uya.

19 "Itepuru, pu'kena' pe kinyi'tuyai'.

20 Utamokori kon ipuremapitu'pua seri wua' po, e'tane si seri pe imiri'nokon Esuwerua amua' uya Surusiran kuru miri Papa pi' ipureman pata ta auya'nokon," ta'pua iya.

21 Sises uya ta'pua ipi', "Uyapuriki uri'san, iweyu uye'ni pi' man ikupuanu pi' ka'pon amua' ipuremato' oton pen seri wua' po miri pe para Surusiran po ri.

22 Imiri'nokon Sameriya pon kon uya i'tu para ri iyesi iwipuremato' kon ipi'; e'tane ina ipurema tuni'tunu kon pi', apua para epika'tin nito' uyepua Esuwerua amua' wini.

23 E'tane iweyu uyepua, iye'ka'sa' ri, i'napai ri tuwipuremasan ipuremato' oton ikupuanu pi', a'kwarua yau miri awonsi'ki i'napairon yau.

† 4:18 iyemari'mapi'sa'; miri pe para, iyewipi'sa'

Pusamoro waraino kon tupa'i tawipuremasan warinpa ikupunua uya miri.

24 Papa esi a'kwarua pe; kamoro ipi' tawipuremasan ipuremato' pe iyese a'kwarua yau miri awonsi'ki i'napairon yau," ta'pua iya.

25 Uri'san uya ta'pua ipi', "Si'tuyai', Me'saya" (Kurai‡ tato) "uye'to' oton. Iye'sa' a'tai, tanporon ni ekamato' iya oton miri upi'nokon," ta'pua iya.

26 Sises uya eiku'pua, "Kuri ri ri uri, kuri ri ri usauro'ni pi' na'ne' ipokon pe," ta'pua iya.

27 Miri a'tai ri, Sises poitorua ton enna'posa' uyee'pua, miripan kon usewansiuka'pua ipan pe ri, uri'san pokon pe isauroka tepose. E'tane inua' uya ri, "I'ri i'se iwesi pi' auro'ka auya?" ta'pua pen ni ipi', miri pe para, "I'rito' pe ipokon pe ausauroka?" ta'pua to' uya pen ni Sises pi'.

28 Miripan uri'san uya ta'tuna'kwaai yen nimi'pua, iyenna'po'pua pata pona, miripan uya ka'pon amua' pi' ta'pua miri yau,

29 "Ka'pon entanua'ti' tanporon ni unku'pitu'pua ekamasa' iya upi'. Kurai pe pe' si puse ri esi seri?" ta'pua iya.

30 Miripan kon uti'pua pata apai Sises piya'.

31 Miri koro'tau, ipoitorua ton uya Sises pi', "Rapais enta'naki," ta'pua.

32 E'tane to' eiku'pua iya, "Ui'kiyari esi miri moro ini'tunua kon pen ni," ta'pua iya.

33 Miripan pi' ipoitorua ton usekama'popitu'pua, "Inua' uya ri pe' iti'kiyari nee'pua pe iyese?" tukai'.

‡ 4:25 *Kurai* (Kiri' maimu yau), miri pe para *Me'saya* (Ipuru maimu yau), asa'ri ri mari iyese, *Papa Nanamunua* ta e'kwa pe; v. 29 kanan.

§ 4:31 *Rapai*, *Ti'sa* ta e'kwa pe

34 “Ui'kiyari esi, uyenno'nin nã'pũ maimu awiri e'to' pe iyese, miri awonsi'ki iturawasooi i'ma'kato' uya pe iyese intũrũ'pũ iku'to' pe uya.

35 Tato' sa'ne ko, ‘Asakiri'ne riken kapũ e'ku'ka'sa' kiyari akũ'pũ rawiri.’ Ta uya ipi'nokon, apũne wakũ pe umi amũ enpi'ti'. Kiyari akũ'pũka'sa', tanũnsen pe iyenaka'sa'.

36 Ka'pon, anũmũ pi' te'sen e'ma miri, miripan uya kiyari amũranũkũ tiwiri ri uko'man nito' ya'. Miripan nin si, kũri ri ipinnin nã'pũ miri awonsi'ki anũnnin nã'pũ epori'mato' pe isi'kaisa ri.

37 I'napairi ri main esi miri, ‘Tikin nan uya ipimi; tũron ni uya anũmũ,’ tawon.

38 Iyenko'sa' uya 'nokon kiyari akũ'pũsa' anũnse'na, umi iye'turawasoma'pũ kon pen ni yawon ya'. Tũron kon e'turawasoma'pũ miri yau, miripan kon turawasooi otori'pi' nin si eporo auya'nokon,” ta'pũ Sises uya.

Tu'kan Kon Sameriya Pon Kon Uya Apuri

39 Tu'kan kon ni Sameriya pon kon miri pata yawon kon uya Sises apuri'pũ, apũne pũra uri'san uya, “Tanporon ni unku'piti'pũ ekamasa' iya upi',” tasa' pi'.

40 Miripan nin si, Sameriya pon kon uye'sa' a'tai nin si ipiya', to' uya ekama'po'pũ ipan pe tũpiyau'nokon iko'manto' pe; miri yau, Sises uko'mamũ'pũ asa'ri wũi to' piyau.

41 Tu'kan kon uya ri nin si apuri'pũ miri imaimu etasa' tũyua'nokon pi'.

42 Miripan kon uya ta'pũ uri'san pi', “Ina si napuriyan, tasa' auya pi' riken pen, e'tane tiwano' kon pe ri etasa' tũyua'nokon pi', ina uya si i'tu

i'napai ri kuru ri pata pika'tinin pe iyesei," ta'pua to' uya.

Sises Uya Kin Poitorua Pe Te'sen Mu Epi'ti

⁴³ Asa'ri wai ennoko tupo miri yau, miri tuninse Sises uti'pua Kiyarari pona.

⁴⁴ (Sises uya ri, "Pu'kena' namanin pan ni ipata'se' yau," tasa' esi'pua.)

⁴⁵ Kiyarari pona itisa' a'tai, miri yawon kon ka'pon amua' uya wakua pe kuru ereutanakua'pua, apua'ne para itisa' kon nua'san pe to' esi'pua To' Epoi Iti'pua Weyu Rua'pua pi' Surusiran pona, miripan kon uya tanporon ni inkupua' ensa' esi'pua miri a'tai.

⁴⁶ Seri riken pe Sises uya Kena, Kiyarari airon ka'kuranpa'pua, tuna koneka'pua tauya yau waain pe. Miri yau, ka'pon, kin poitorua pe te'sen esi'pua, takuru'kenan imu Ka'paneyan po.

⁴⁷ Pua'ri ka'pon uya Sises uye'sa' Isutiya poi Kiyarari pona ta etasa' a'tai, iti'pua ipiya' ekama'poi' itito' pe Ka'paneyan pona tamu epi'ti', teri'ka'sen ni.

⁴⁸ Sises uya, "Imua' uya apuri para ri iyesei eke Papa tarawasoi i'tuto' ipikiri miri awonsi'ki a'kwarupi'nin niken e'kupua a'tai apuri auya'nokon," ta'pua.

⁴⁹ Kin poitorua uya, "Itepuru, uya'kiri utinpai umare eriku rawiri," ta'pua ipi'.

⁵⁰ Sises uya, "Enta, imu ri uto'pamua miri," ta'pua ipi'.

Sises maimu tapurii' iti'pua.

⁵¹ Ite'matai tauye'se, itekare ke ipoitorua ton uya eporo'pua. "Imu uto'pan ni pi' ri man!" ta'pua to' uya.

52 To' ekama'po'pɛ iya, i'ri a'kɛra' kuru tɛmu uto'pamɛ'pɛ tukai', miripan kon uya, "Ko'mamiyau, 1 a'kɛra' ko'mamɛ pe iye'kɛi'mato' ereuta'pɛ," ta'pɛ to' uya ipi'.

53 Ikuipɛnɛ uya i'tu'pɛ miri a'kɛra' kuru ri Sises uya, "Imu ri uto'pamɛ miri," ta'pɛ rɛ'pɛ. Miri pi' kɛri ri miri awonsi'ki tanporo itonpa ton ena'pɛ apurinin nan pe.

54 Seri seri iyakon ite'kwa pe eke Papa turawasooi ti'tuto' ipikiri kupɛ'pɛ Sises uya tɛuyepɛ tɛpo Isutiya poi Kiyarari pona.

5

Epi'tin Iku'pi Mɛre'pɛ Kau

1 Miri tɛpo, Esuwerɛ amɛ' enta'nato' weyu pi' Sises uti'pɛ Surusiran pona.

2 Moro iyesi Surusiran po karimeru mɛra'ta airi, iku'pi mɛre'pɛ 5 kaisaron enkurun nito' itau ton esa'; Ipuu amɛ' maimu yau Pe'sata tato' ipi'.

3 Anpisin ton kuru ri takuru'kena' nan ipirinpi'sa' esi'pɛ miri tau'ne, tenku'na' nan, sekentei'pa' nan ipu'tika'sa' kon ni. (Tuna e'tukɛi'tukɛi'ma enupikiri to' enurikɛ,

4 apɛne pɛra isipikiri Papa inserɛi u'ti iku'pi mɛre'pɛ ka', miripan uya tuna sokousokouma. Takuru'kenan si wapiya tɛutisen iku'pi mɛre'pɛ ka' iyekousokouma'pɛ tɛpo usepi'tipitɛ'pɛ ti'tui' pɛra ri teparan kon pe te'sen apai.)*

5 Miri yau si ka'pon esi'pɛ miri takuru'ke iko'mansa' 38 kaisa ri wɛpiya.

* 5:4 Tɛron ni ton esi 3b miri awonsi'ki 4 airon ite'ma ton pɛra.

6 Sises uya iyipirinkasa' ene'p_u miri yau, i'tu'p_u iya inke ri takuru'ke iko'mansa', miripan uya, "Isepi'tipai pe' me'an?" ta'p_u ipi'.

7 Takuru'kenan uya eik_u'p_u, "Itepuru, in_u' p_ura ri iyesei seri yau ut_unin iku'pi ka' tuna e'sokousokouma a'tai, iti i'se ru'kw_i e'tane ika', taron ni utikap_u uwapiya," ta'p_u iya.

8 Sises uya, "E'm_u'sa'ka', ayapon tan_unse enta!" ta'p_u ipi'.

9 Miri a'tai ri isepi'ti'p_u; tapon tan_unse iti'p_u. Seri e'kup_u'p_u miri Sapa' a'tai.

10 Miri pi' Esuwer_u am_u' epuru ton uya, "Sapa' seri; wak_u pe p_ura iyesei Main, Mosi' winon pona ayapon ari pi' me'ai'ne'," ta'p_u to' uya ipi'.

11 To' eik_u'p_u iya, "K_uri uyepi'tinin n_u'p_u uya, 'Ayapon tan_unse enta, tasa' upi'," ta'p_u iya to' pi'.

12 To' uya ekama'po'p_u, "In_u' pe si k_uri ri esi, 'Ayapon tan_unse enta, tawon ipi'?" ta'p_u to' uya ipi'.

13 E'tane k_uri ri isepi'tisa' ru'p_u uya i'tu p_ura iyesei'p_u in_u' pe iyesei tukai', ap_une p_ura anpisiin pe miri yau to' esi'p_u, miripan kon koro'tawiri Sises uti'p_u esi'p_u.

14 Miri pata'p_u pe, Sises uya eporo'p_u use'man nito', ip_ureman nito' iw_u' tau, miripan uya ta'p_u ipi', "Ap_une enki, wak_u pe si iyenasa' miri. Amakooi inonkaki, isi kuru ri e'kup_u namai' ipi' inonka auya p_ura iyesei yau," ta'p_u iya ipi'.

15 Miripan uti'p_u Esuwer_u am_u' epuru ton pana'tii' Sises uya ken_u' tepi'tisa' ka'se'na.

16 Seri wenai, Sises ewa'noma pi' to' e'sara'ti'pɛ, apɛne pɛra usepi'tin ku'sa' iya pi' Sapa' a'tai.

17 Sises uya to' eiku'pɛ, “Ukɛipɛnɛ esi te'tɛrawasomasen inke ri; uri niri e'tɛrawasomato' pe iyesi,” ta'pɛ iya.

18 Seri tawon uya ri Esuwerɛ amɛ' epuru ton kupɛ'pɛ miyari ri inwipai; Main niken Sapa' pi' enupanin i'kwɛ'sa' iya pen, e'tane Papa esi tukɛipɛnɛ pe kuru tasa' iya pi', seri wini si Papa kaisari ri iye'ku'sa' pi'.

Imu Meruntirɛ

19 Miri pi' Sises uya to' eiku'pɛ, “Tɛnapairon ekama uya ipi'nokon: tiwano' pe i'ri ri kupɛ imu uya pen, tukɛipɛnɛ nukupɛnɛ riken ensa' tɛuya kupɛ iya, apɛne pɛra i'ri ri kupɛ ikɛipɛnɛ uya a'tai, imu uya ri niri ikupɛ.

20 Ikɛipɛnɛ uya imu i'nɛnka, miripan uya tanporon ni tɛnkupɛnɛ enpoika itena'. Seri entaino kuru ri enpoika iya miri iku'to' pe iya, miri uya iyewansiukato' oton kon.

21 Ikɛipɛnɛ iyeri'sa' kon i'mɛ'sa'kayai'ne' nurine to' ku'ai'ne' kasa ri mari, imu uya nurine ri to' e'to' pe to' kupɛ, i'se te'to' ton ni kupɛ iya nurine.

22 Miri riken pe pɛra, inɛ' ri eseru aimenka ikɛipɛnɛ uya pen. Tɛmu ena' eseru aimenkato' ike nonkasa' iya,

23 tanporon kon uya tɛmu namato' pe ikɛipɛnɛ nama tɛuya'nokon kasa ri mari. Inɛ' uya ri imu nama pɛra iyesi yau, ikɛipɛnɛ nama iya pɛra ri mari iyesi miri enno'nin nɛ'pɛ.

24 “I'napairon ekama uya ipi'nokon: Inu' uya ri umaimu eta a'tai, miri awonsi'ki uyenno'nin nu'pu apuri a'tai, kari ri uya tiwiri uko'man nito' eposa' miri. Iteseru aimenkato' oton pen ni, iye'kwiri'ka'sa' pe ri iyese uma'tan nito' apai uko'man nito' ya'.

25 “I'napairon ekama uya ipi'nokon: Iweyu uye'ni pi' man, iye'ka'sa' ri, iyeri'sa' kon uya Papa Mumu maimu eta weyu, kamoro nin si etanin nan uko'manto' oton.

26 Ikuipunu esi na'ne' kasa uko'man nito' esa' pe, miri kasa ri mari tumu konekasa' iya uko'man nito' esa' pe.

27 Miri awonsi'ki tumu repasa' iya eseru aimenka meruntiru ke, apune pura Ka'pon, Papa winon pe iyese pi'.

28 “Seri pi' kisewansiukatuu; iweyu uye'ni pi' man tanporon kon iyeri'sa' kon uruwai' yawon kon uya imaimu eta weyu,

29 miripan kon epa'kato' oton tūruwasii kon apai: kamoro waku ku'nin nu'san e'mu'sa'kato' oton tūko'manto' kon pe, miri awonsi'ki kamoro iri ku'nin nu'san e'mu'sa'kato' oton teno'mato' kon ya'.

Sises Eseru Ekama

30 “Uiwano' pe i'ri ri kupu uya pura iyese. Ka'pon eseru aimenka uya Papa uya uyauro'kasa' awiri. Miri wenai iye'to' awiri ka'pon eseru aimenka uya, apune pura i'se e'to' kupu uya kasa pura, e'tane kari uyenno'nin nu'pu e'to' i'se riken.

31 “Uri pe ri uyeseru ekama uya a'tai, unekamanu esi tapurisen pe pura ri.

32 Miri yau, taron ni esi uyekamanin i'napai ri uyekama iya tukai' i'tu uya.

33 Isaan piya' amaimu kon esanon ennoko'pɛ auya'nokon, miripan uya i'napairon enpoika'pɛ.

34 Ka'pon uya uyekama i'se e'tane pɛra ri, e'tane seri ta uya ipi'nokon iyepika'tisa' pe iwesi kon pa.

35 Isaan esi'pɛ raan'pu tepo'tisen pata weyu pe kasa, miripan weyu yau e'pai iwesi'pɛ kon aka'ne' pe ri.

36 “E'tane upiyau uiwano' pe ri usekamato' esi Isaan uya ekama'pɛ na'ne' entaino. Tɛrawaso unkuɛnɛnɛ i'ma'kato' pe uya ukɛipɛnɛnɛ nɛtɛrɛ'pɛ, miri ton uya ri ekama ikɛipɛnɛnɛ uya uyenko'sa' tukai'.

37 Ikɛipɛnɛnɛ uyenko'nin nɛ'pɛ usauro'sa' upi', imaimu etasa' auya'nokon pɛra iyese, itemɛ' niri ensa' auya'nokon pɛra ri niri iyese.

38 Imaimu ko'manɛkɛ auya'nokon pɛra niri iyese iyewan kon yau, apɛne pɛra inennoko'pɛ apuri auya'nokon pɛra iyese ke.

39 Iye'menukasa' itekare pi' iusenupa kon;† tiwiri uko'man nito' esi iyau tukai' iusenuminka kon pi', upi' ri si tɛusauro'sen.

40 E'tane ri, upiya' isi'pai pɛra iwesi kon iuko'manto' kon epose'na.

41 “Ka'pon amɛ' uya ri uyapuripi'to' i'se esi pen.

42 E'tane i'tu uya 'nokon Papa i'nɛnkato' auya'nokon pɛra iyese iyewan kon yau.

43 “Ukɛipɛnɛnɛ ese' yau uye'sa' e'tane uyereutanɛ'sa' auya'nokon pɛra iyese. E'tane

5:33 Isaan 1:19-27; 3:27-30 5:37 Ma'siu 3:17; Ma' 1:11; Ɔru' 3:22

† 5:39 *iusenupa kon*; miri pe pɛra, *iusenupati' wakɛ pe*

taron ni uye'sa' a'tai tese' yau, kəri ri ereutanuku auya'nokon miri.

⁴⁴ I'ri tukai' apuri auya'nokon itonpa kon wini ayapuripi'to' kon eponin nan pe esii'ma, e'tane i'ri ri kupu auya'nokon para iyese ayapuripi'to' kon eporo kon pa tikin nan ni Papa wini tauye'sen?

⁴⁵ “Kisenuminkatuu uri uya ikupunu ena' iyaseru'ti kon tukai', Mosi' riken kəri ri iyaseru'tinin kon, kəri ri anapuri'pu kon.

⁴⁶ Mosi' apurisa' auya'nokon pe iyese yau, uya-purisa' auya'nokon niri nesii'no, apune para uri pi' imenukasa' iya.

⁴⁷ E'tane inmenuka'pu apuri auya'nokon para iyese pi', i'ri tukai' umaimu apuri auya'nokon?" ta'pu iya.

6

5,000 Kaisaron Kon Eweku Sises Uya

(Ma'siu 14:13-21; Ma' 6:30-44; Uru' 9:10-17)

¹ Seri pata'pu pe, Sises enna'po'pu parau ku'piri Kiyarari (parau ku'piri Taipiriyas tato' ri mari) ratoi pona.

² Anpisin uya kuru ri e'ma'puka'pu, apune para ti'tuto' ipikiri ku'sa' iya pi' takuru'kena' nan pi'.

³ Sises enuku'pu i'kuru pona, miripan ereuta'pu tapoitoru ton pokon pe.

⁴ To' Epoi Iti'pu Weyu Ru'pu, Esuweru amu' nukupunu e'seporo esi'pu.

⁵ Sises uya tenu tusa' a'tai, anpisin pe kuru ri ka'pon amu' uyepu ene'pu iya tekare pi', ta'pu iya Piri' pi', “Nai yau pareti enna pasamoro ka'pon amu' ni'ton?” ta'pu iya.

6 (Seri ta'pɥ iya Piri' i'tupitɥ pe ri; tɥnkupɥnɥ pe te'sen i'tukapɥi'ma ri.)

7 Piri' uya eikɥ'pɥ, “8 kaisaron kapɥi yau e'tɥrawasoman nisa' epe'pɥ* uya eke pe kiyari enna pɥra ri iyese miri to' nonpa ton nɥ'kwɥ ri mara ri,” ta'pɥ iya.

8 Ipoitorɥ ton tonpa pe te'sen, Anturu, Saiman Pi'ta akon uya ta'pɥ ipi',

9 “Miri yau warawo' mɥre man, 5 kaisa ri pɥreti miri awonsi'ki asa'ron kon aiko ton moro' amɥ' esi ipiyau. Miri e'tane i'ri pɥ'kɥ pona iti tu'kan kon ewekɥ pi'?” ta'pɥ iya.

10 “Ka'pon amɥ' ereutato' pe iku'ti',” ta'pɥ Sises uya. (Miri yau, wana' e'kwa pe pata esi'pɥ.) 5,000 kaisaron kon ka'pon amɥ' ereutapitɥ'pɥ.

11 Sises uya pɥreti anɥmɥ'pɥ, miri awonsi'ki tenki ta'pɥ iya, miri awonsi'ki itɥpitɥ'pɥ iya iy-ereutasa' kon ka'pon amɥ' ena'. Miri kasa ri mari moro' amɥ' kupɥ'pɥ iya.

12 To' a'wetapi'sa' a'tai, Sises uya ta'pɥ tɥpoitorɥ ton pi', “I'pɥ'kɥ rɥ'pɥ ton amɥranɥ'ti', itonpa'pɥ uma'ta namai',” ta'pɥ iya.

13 Miri, to' uta're'ti'pɥ tonpa'pɥ amɥranɥkɥ'pɥ to' uya 12 kaisa ri pa'siki'ti amɥ' tɥpe' ke'ne.

14 Miri a'tai, ka'pon amɥ' seri eke Papa tɥrawasooi i'tuto' ipikiri e'kupɥ ennin nɥ'san uya ta'pɥ, “I'napai ri kuru ri pɥse ri esi Pu'kena'† tɥuye'ton ta'pɥ ipi' pe,” ta'pɥ to' uya.

* **6:7** 8 kaisaron kapɥi yau e'tɥrawasoman nisa' epe'pɥ; miri pe pɥra, 200 kaisaron pɥrata pun. Tikin ni miri pɥrata pun esi'pɥ tikin ni wɥi e'tɥrawasoman nisa' epe'pɥ, tenariyas itese'. † **6:14** Pu'kena': Apɥne Isaan 1:21 enki.

¹⁵ Sises uya to' uya tanamu tumiri ta'kwarukai' kin pe, tukai' i'tusa' a'tai, iti'pu tikin sari i'kuru pona.

Sises Usari Tuna Puro'po
(Ma'siu 14:22-33; Ma' 6:45-52)

¹⁶ Pata uko'mansa' a'tai, ipoitoru ton uti'pu parau ku'piri ka',

¹⁷ miripan kon ekanwa'tisa' uti'pu parau ku'piri ratoi pona Ka'panyan winikai'. Pata ewarumankaa'pu, Sises uye'sa' para ri mari iye'tane to' piya'.

¹⁸ Pana' pe a'setun uyee'pu isi pe sipa'sipa pe tuna tuku'se.

¹⁹ Ipoitoru ton utika'sa' esi'pu kanau yau 3 mayiru, 4 mayiru e'to' airi ri, miri a'tai Sises uyepu ene'pu to' uya tuna puro'po. A'ko pe kanau piya' iyepu a'tai, to' etaipitu'pu.

²⁰ E'tane, "Ketairi'tau; uri ri," ta'pu Sises uya to' pi'.

²¹ Miri a'tai, to' uya ikanwa'ti'pu kanau ya', miripan kon uya pata tautito' kon ya' eporo'pu inke para ri.

Ka'pon Amu' Uya Sises Warinpa

²² Miri ema'sa' yau, anpisin ton parau ku'piri ratoi po iye'ninsa' kon uya tikin nan niken kanau uti'pu i'tu'pu. To' uya i'tu'pu Sises uti'para iyesi'pu kanau yau tupoitoru ton a'kiri, ipokon pe para to' uti'pu.

²³ Turon ni ton kanau amu' uyee'pu Taipiriyas winipai'ne, miripan e'te'kapitu'pu a'ko pe ka'pon amu' anpisin ton uya pareti iku'pu airi, Sises uya tenki ta tupo.

24 Sises miri pe p̄ra ipoit̄ra ton ene t̄uya'nokon kasa p̄ra, ka'pon am̄' anp̄isin ton ekanwa'tip̄i'sa' kanau ton ya' uti'p̄u Ka'paneyan pona, iwarinpa pi'.

Sises Uko'man Nito' A're'

25 Ka'pon am̄' uya Sises eposa' a'tai parau ku'p̄iri ratoi po, ta'p̄u to' uya ip̄i', "Rap̄ai,‡ i'ri a'tai seri ya' iuyee'p̄u?" ta'p̄u to' uya.

26 Sises uya to' eik̄u'p̄u, "T̄napairon ekama uya ip̄i'nokon; uwarinpa auya'nokon, ap̄une p̄ra eke pe ri p̄areti i'sa' auya'nokon pi' i'se iwe'to' kon awiri ri, ui'tuto' ip̄ikiri ku'sa' uya to'ka'n̄u'sa' auya'nokon pi' pen ni.

27 Aka'nero' ri kiyari pi' ke't̄urawasomat̄u; e't̄urawasomati' tiwiri ri iuko'manto' kon pe iku'nin kon kiyari pi'. Seri kiyari ke Ka'pon, Papa winon uya irepa kon miri. Papa, ik̄uip̄u uya enpoikasa' iyena'nokon uri piyau merunti esi," ta'p̄u Sises uya.

28 Miripan kon uya ekama'po'p̄u, "I'ri kuru ken kup̄u ina uya, Papa t̄urawasooi kup̄u pe ta auya?" ta'p̄u to' uya.

29 Sises uya to' eik̄u'p̄u, "Se seri Papa t̄urawasooi ikup̄u auya'nokon i'se iye'to'; inennoko'p̄u apuriti'," ta'p̄u iya.

30 To' uya eik̄u'p̄u, "I'ri eke Papa t̄urawasooi ii'tuto' ip̄ikiri kup̄u auya ina nenton, ina uya aya-purito' pe? I'ri kup̄u auya?"

‡ 6:25 Rap̄ai, Ti'sa ta e'kwa pe 6:27 Saira' 24:19-22

³¹ Utamokori kon uya mana tato' i'piti'pua rimono' tau, itekare iye'menukasa' neka-mayai'ne', "To' ni'ton paretu ke to' repapiti'pua iya Epañ poi,' tukai'," § ta'pua to' uya.

³² "I'napairon ekama uya ipi'nokon; Mosi' uya irepa'pua kon na'ne' ike esi'pua Epañ poino pen ni; ukupuañ nin kua ri i'napairon Epañ poino paretu ke irepanin kon.

³³ Paretu, Papa naturuañ nin kua ri Epañ poi iu'tisa' pata repanin uko'man nito' ke," ta'pua Sises uya.

³⁴ "Itepuru, tiwiri ri ken si seri paretu ke ina irepapi'ki," ta'pua to' uya ipi'.

³⁵ "Uri ri esi uko'man nito' a're' pe; kua upiya' naye'ai'ne' e'to' oton pen ni iwan pe; kua uyapuri pi' na'ne' e'to' oton pen ni tuna'kiri' ke.

³⁶ Sekamai ko ipi'nokon; uyenka'sa' auya'nokon e'tane uyapuri auya'nokon pen ni.

³⁷ Tanporon kon ukupuañ urepayai'ne' ike ton uyepua miri upiya'; inu' ri upiya' tuuye'sen nurunpa uya para ri iyese,

³⁸ apuañ para uye'sa' seri Epañ poi uyenko'nin nu'pua eseru ku'se'na, uyeseru ku'se'na pen.

³⁹ Kua uyenko'nin nu'pua esi se kupua uya i'se; kamo urepa'pua iya ike ton nonka uya i'se para iyese, e'tane tanporo to' i'ma'sa'kato' pe uya pata weyu u'ma'sa' a'tai.

⁴⁰ Ukupuañ eseru esi tanporon kon imu ennin nu'san miri awonsi'ki apurinin nu'san uya tiwiri ri uko'man nito' epoto' pe; to' i'ma'sa'kato' pe uya pata weyu u'ma'sa' a'tai," ta'pua iya.

§ 6:31 E'sotas 16:4-15; Eren 78:24; Ipu'ketu 16:20-21.

41 Esuweru amu' e'sara'ti'pu ipi' entarun ni pi', arune para, "Uri kari ri pareti Epan poi iu'tisa'," ta iya pi'.

42 Miripan kon uya, "Sises sa'ne puse ri ko, Iose' mu, pen pe'? Ikuipunu miri awonsi'ki isan uni'tunu kon. Nai kasa, 'Epan poi u'tisa,' ta iya nin si?" ta'pu to' uya.

43 Sises uya to' eiku'pu, "Iyentarunto' kon e'paka'nu'ti'.

44 Inu' ri uyepu para iyese miri upiya' ikuipunu, uyennon'in nu'pu uya riken iki'ma a'tai upiya' iyepu ri; miripan i'ma'sa'kato' uya oton pata weyu u'ma'sa' a'tai.

45 Pu'kena' amu' uya imenukasa', 'Tanporon kon ni ka'pon amu' enupato' oton Papa uya, tawon.* Miri pi', tanporon kon ikuipunu maimu etanin nan miri awonsi'ki iwini tausenupasan uyepu upiya'.

46 Seri uya, inu' uya ri ikuipunu ene'pu ta pen; kari Papa winon uya riken ikuipunu ene'pu.

47 Inapairon ekama uya ipi'nokon; kari apuripi' na'ne' uya tiwiri ri uko'man nito' eposa'.

48 Uko'man nito' a're' pareti pe esi.

49 Atamokori kon amu' uya mana tato' i'pitu'pu rimono' tau, e'tane to' eri'pitu'pu.

50 E'tane seri nin si pareti Epan poi iu'tisa'; inu' ri i'nin nu'pu eriku pen ni nin.

51 To'panu'nin pareti pe esi, Epan poi iu'tisa'. Inu' uya ri seri pareti i'sa' yau, iko'manto' oton ni tiwiri ri. Pareti seri upun, untaton pata uya uko'man nito' epoto' pe," ta'pu iya.

52 Seri uya isi pe Esuweru amu' e'sei'pitu tiwano'

* 6:45 Aisaya 54:13

kon pe sara'ti'pu. “Nai kasa tupun ke uya're'ti' iya 'nokon?” ta'pu to' uya.

⁵³ Sises uya to' eiku'pu, “T'napairon ekama uya ipi'nokon; Ka'pon, Papa winon pun pi' auta're'tisa' kon pura iyesi yau, imanu ri ensisa' auya'nokon pura iyesi yau, uko'man nito' pura ri iyesi miri ayau'nokon.

⁵⁴ Inu' ri upun pi' tuta're'tisen, umunu ensinin uya tiwiri ri uko'man nito' eposa' miri, miripan i'mu'sa'kato' uya oton pata weyu u'ma'sa' a'tai.

⁵⁵ Upun esi pi' i'napairon kuru kiyari pe, umunu niri i'napairon tensisen pe.

⁵⁶ Upun pi' tuta're'tisen ni, umunu ensinin ni uko'mamu miri uyau, iyau niri uko'mamu.

⁵⁷ Tuuko'mansen ikupunu uya uyanno'sa', kari ri uriya' uko'mamu ri mari. Miri kasa ri, upi' tuta're'tisen uko'mamu miri uri uriya'.

⁵⁸ Se si esi pureti Epun poi iu'tisa'. Iku tupo atamokori kon amu' eriku'pu na'ne' waraino pen. Kari seri i'nin uko'manto' oton tiwiri ri,” ta'pu Sises uya.

⁵⁹ Sises uya seri ta'pu Esuweru amu' usenupato' iwu' tau to' enupa tuuya a'tai Ka'paneyan po.

Tu'kan Kon Iya'kiron Kon Uya Sises Nimi

⁶⁰ Seri etasa' tuuya'nokon a'tai, tu'kan kon ipoitoru ton uya, “Sa'man pe kuru se usenupan nito' man. Inu' uya ri seri anamu?” ta'pu.

⁶¹ Inu' uya tupana'tii' pura ri, Sises uya tupoitoru ton entarumu seri pi' i'tusa' esi'pu, miripan uya ta'pu to' pi', “E'nonkapai na'ki seri iku'atu?

⁶² F'ri pe iyesi Ka'pon, Papa winon enuku ene auya'nokon a'tai wapiya tesi'pu ya'?

63 Papa A'kwaru uya uko'man nito' taru; se pe ri nin ka'pon meruntiru esi miri. Main ton ayauro'kasa' uya 'nokon na'ne' ike esi, a'kwaru wannu miri awonsi'ki uko'man nito' ku'nin.

64 Miri e'tane moro man itonpa kon amu' apurinin nan pen," ta'pu iya. Sises uya i'tusa' esi'pu iyepiya'ti'pu si'kiri, apurinin nan pen miri awonsi'ki teparanka ton.

65 Miripan uya ta'pu, "Seri pi' sa'ne si kanyauro'kata'tui ko: inu' ri uyepu para iyesi upiya' ikupanu uya riken iye'ku'to' pe iku'sa' a'tai iyepu," ta'pu iya.

66 Miri wui awonsi'ki, tu'kan kon ni ipikiri tautisan enna'po'pu, iya'kiri to' uti para.

67 Miripan pi' Sises uya ta'pu 12 kaisaron kon tupoitoru ton pi', "Imiri'nokon si, e'nonkapai ri mari na'ki me'atuu?" ta'pu iya to' pi'.

68 Saiman Pi'ta uya eiku'pu, "Uyepuru, inu' piya' niri ina uti? Ipiyau sa'ne Main esi miri ko, tiwiri ri uko'man nito' pe ku'nin.

69 Ina uya i'tu miri awonsi'ki ina uya apuri imiri esi Waku, Papa iwano'," ta'pu iya.

70 Sises uya eiku'pu, "12 kaisaron kon pe' imiri'nokon anunnin nu'pu pen uri? Miri e'tane, itonpa kon esi makoi pe!" ta'pu iya.

71 (Isutas pi' isauroku'pu, Saiman Eskariya' mu pi'. 12 kaisaron kon tonpa pe ri esii'ma, Isutas uya teparankato' oton pi'.)

7

Sises Uti Surusiran Pona

¹ Miri tupo, Sises esi'pua upinin ni pi' Kiyarari awiri. Isutiya pona itipai para iyese'pua, apune para Esuweru amu' epuru ton esi pi' tawini i'se miri yau.

² Tausiwatuntipi'se Esuweru amu' nukupanu weyu e'seporo esi'pua.

³ Miri pi' si, iyakon non uya ta'pua Sises pi', "Seri taninse, Isutiya pona enta, ipoitoru ton uya eke Papa tarawasooi kupua auya ento' pe.

⁴ Inu' uya ri tankupanu tutarawasooi onamu para ri iyese miri ti'tu i'se e'ni yau. Seri ton amu' kupua auya pi', tiwi tanporon pata i'tui'," ta'pua to' uya.

⁵ Iyakon non uya ri niri apuri para iyese'pua.

⁶ Sises uya ta'pua to' pi', "Uweyu pe kuru te'sen e'seposa' para iyese. Iweyu kon nin esi miri ti'tui' para ri.

⁷ Pata uya iyewaruma'ti kon para iyese, e'tane uyewaruma'ti iya, apune para iri pe iyese man ta uya pi' tupa'.

⁸ Entanti' tuku'sen ya'. Miri ya' nin uti para man,* apune para uweyu pe kuru te'sen e'seposa' para iyese pi'," ta'pua iya to' pi'.

⁹ Seri ta tupo, Kiyarari po iye'nimi'pua.

Sises Tausiwatuntipi'se Tuku'sen Yau

¹⁰ Takon non uti'pua tuku'sen ya' tupo, Sises ri niri si utikaa'pua, e'tane ama'ai ri nin iti'pua, eke pe ti'tui' pen.

¹¹ Esuweru amu' epuru ton uya iwarinpa esi'pua tuku'sen yau. "Nai kari si?" ta'pua to' uya.

7:2 Ripaiti'kas 23:34; Isu'taronomi 16:13 * **7:8** *Uti'para man; miri pe para, uti'para man seri a'tai.*

12 Mi awiri ri anpisin koro'tawiri etarerun ni pi' to' esi'pu ipi'. “Waku kuru sa'ne,” ta'pu taron kon ka'pon amu' uya.

“Kane,” ta'pu taron kon uya, “Ka'pon amu' ri enku'ti iya,” ta'pu to' uya.

13 E'tane eke pe annau to' usauroku'pu pen ipi', apune para Esuweru amu' epuru ton pi' tenari'numu kon pi'.

14 To' nukupunu e'nonkaku'pu iwa koro'tau ri, Sises ewomu'pu Esuweru amu' use'mato', ipuremato' iwu' ta', miripan e'sara'ti'pu to' enupa pi'.

15 Esuweru amu' epuru ton usewansiuka'pu ipan pe ri, miripan kon uya ta'pu, “Nai kasa puse ri uya eke pe ri i'tu, uri'nokon kasa enupasa' kasa ri?” ta'pu to' uya.

16 Sises uya to' eiku'pu, “Iyenupato' kon uya ike esi uwinon pen ni, e'tane Papa, uyanno'nin nu'pu wini iyepu.

17 Inu' ri Papa e'to' i'se inku'pai na'ne' uya i'tuto' oton kinyenupayatui'ne' esi Papa winon pe miri pe para uiwano' pe ri tukai'.

18 Ka'pon tiwano' pe ri nusauro'ai'ne' esi tapurito' ipikiri ri i'se, kari tenno'nin nu'pu apurito' ipikiri i'se te'sen esi miri, usenku'tin ipi' pen ni.

19 Mosi' uya Main ke irepa'pu kon, pen ni kati? E'tane tikin nan ni iyawiron para ri iyesi. F'ri wenai uwipai iwesi kon?” ta'pu iya.

20 Ka'pon amu' anpisin ton uya eiku'pu, “Ene ri esi miri ayau! Inu' nai iwini i'se?” ta'pu to' uya.

21 Sises uya to' eiku'pu, “Tikin ni eke Papa tarawasooi kupu'pu uya, miripan pi' iusewansiuka'pu kon.

22 Mosi' uya ayapiyonti'p_u kon imunki kon yun pi'pi putur_ukapit_u kon pa (Mosi' pen ni e'tane atamokori kon am_u' uya isara'ti'p_u), Sapa' a'tai si warawo' m_ure yun pi'pi putur_uka auya'nokon.

23 Warawo' m_ure yun pi'pi si putur_uka yau Sapa' a'tai, Mosi' maimu si e'kwit_u namai', i'ri pi' ken si upi' ausakorota kon ka'pon epi'tisa' uya pi' Sapa' a'tai?

24 Kipo'po ri ka'pon eseru aimenkato' auya'nokon ereutan_u'ti', i'napairon yai eseru aimenkato' iku'ti'," ta'p_u iya.

Sises Pe' Esi K_urai Pe?

25 Miri a'tai, t_uron kon ka'pon am_u' Surusiran pon kon usekama'po'p_u, "P_use ri pen pe' iwini i'se to' na'ne'?"

26 Ap_une enti', iye'nama p_ura ri annau isaurok_u, in_u' uya i'ri ta p_ura ri ipi'. Pata epuru ton uya pe', K_urai† ri ta pe iyesi ipi'?

27 E'tane sa'ne, K_urai uye'sa' a'tai, in_u' uya ri miri winon tukai' i'tuto' p_ura ri nin iyesi. E'tane i'tu'nokon miri winon pe tukai'," ta'p_u to' uya.

28 Esuwer_u am_u' use'mato', ip_uremato' iw_u' tau ka'pon am_u' enupai'ma eke pe t_umaimu t_uku'se Sises uya, "Ui'tu auya'nokon kuru ri si, miri winon tukai' kuru ri niri. E'tane sa'ne uiwano' pe uye'sa' pen, e'tane ri uyenno'nin n_u'p_u esi ikasima auya'nokon pokena' pen ni. Ini'tun_u kon pen ni,

29 e'tane uni'tun_u, ap_une p_ura iwino'ne pe esi, miri awonsi'ki inennoko'p_u pe esi," ta'p_u iya.

7:22 Iseneses 17:10; Ripaiti'kas 12:3 7:23 Isaan 5:9 † 7:26
K_urai; miri pe p_ura, *Me'saya*; v. 27, 31, 41, miri awonsi'ki 42 yau ri niri.

30 Miripan a'si i'se to' esi'p_u, miri e'tane inu' uya ri a'pi'pitu'p_u pen ni, ap_une p_ura iweyu e'seposa' p_ura ri mari iyesi'p_u.

31 E'tane tu'kan kon anpin tonpa ton uya ri apuri'p_u, miripan kon uya, “Kurai uye'sa' a'tai, p_use ri naku'ai'ne' entai kuru niri ken pe' eke Papa tarawasoi ti'tuto' ipikiri ku'to' iya oton?” ta'p_u to' uya.

Erasu Ton Ennoko'p_u Sises A'sise'na

32 Pari'si am_u' uya seri ton pi' ka'pon am_u' etarerum_u eta'p_u, miripan kon uya use'man nito' tarawasomanin nan epuru ton miri awonsi'ki Pari'si am_u' uya use'man nito', ip_ureman nito' iw_u' erasu ton ennoko'p_u Sises a'sise'na.

33 Sises uya ta'p_u, “Ipiyau'nokon esi seri mara ru'kwi pari, miri awonsi'ki nin si uti miri uyenno'nin nu'p_u piya'.

34 Uwarinpatu' auya'nokon oton e'tane uyepoto' auya'nokon oton pen, ap_une p_ura iyau e'ai'ne' ya' iuti kon p_ura iyesi,” ta'p_u iya.

35 Esuwer_u am_u' epuru ton usekama'po'p_u tatonpa kon am_u' pokon pe esii'ma, “Nai ya' mairi iti eporo poken p_ura? Kiri' am_u' pata'se' airi kati iti Esuwer_u am_u' na'ne' airi, Kiri' am_u' enupai'?

36 ‘Uwarinpatu' auya'nokon oton e'tane uyepoto' auya'nokon oton pen,’ miri awonsi'ki, ‘Iyau e'ai'ne' ya' iuti kon p_ura iyesi,’ ta iya pi' sa'ne. I'ri ta iya e'kwa pe iyesi?” ta'p_u to' uya.

To'pan_u'nin Tuna

37 Taku'sen weyu u'matu esi'p_u ipan pe, eke pe kuru te'sen pe. Miri wai a'tai, Sises e'soto'kasa' uya

ta'pɛ eke pe tɛmaimu tɛku'se, "Inu' ri tuna'kiri' ke te'sen nɛyepɛi upiya' tɛyuku epose.

38 Inu' uya ri uyapuri pe iyese a'tai, iye'menukasa' itekare nɛkayai'ne' kasa ri, 'Inapaino ri to'panu'nin tuna epa'ka miri iyapai,' " ta'pɛ iya.

39 Seri ta'pɛ Sises uya miri, A'kwarɛ pi' kamoro tapurinin nan pe te'san nepoton pi'. Miri a'tai, A'kwarɛ e'tusa' pɛra ri mari iyese'pɛ, apɛne pɛra Sises enasa' pɛra iyese'pɛ tapuripi'to' ya'.

Ka'pon Amɛ' Epantakapitɛ'pɛ

40 Tu'kan kon ka'pon amɛ' anpisin koro'tawon kon uya seri ta iya eta'pɛ, miripan kon uya, "Pɛseri ri esi seri Pu'kena' pe," † ta'pɛ to' uya.

41 Tɛron kon uya, "Kɛrai pɛse ri," ta'pɛ.

Miri e'tane tɛron kon uya, "Kɛrai uye'to' pɛra ri iyese Kiyarari winipai.

42 Iye'menukasa' itekare uya ta, Kɛrai e'to' pe iyese kin Tepi' pa ru'pɛ pe, Pe'teri'en po iyentu, Tepi' uko'mamɛ'pɛ ru'pɛ yau," ta'pɛ to' uya.

43 Miri pi' si ka'pon amɛ' epantakapitɛ'pɛ kɛri ri uriya'.

44 Tɛron kon esi'pɛ a'si i'se, e'tane inu' uya ri temiyatɛ tɛru'pɛ pen ipi'.

Apurinin Nan Pen Esuwerɛ Amɛ' Epuru Ton

45 Erasu ton enna'po'pɛ use'man nito' tɛrawasomanin nan epuru ton miri awonsi'ki Pari'si amɛ' piya', miripan kon uya ta'pɛ to' pi', "I'ri pi' tɛne'se pɛra iwese'pɛ kon?" ta'pɛ to' uya.

7:38 Isi'kiyerɛ 47:1; Sakaraya 14:8 † 7:40 Pu'kena': apɛne Isaan 1:21 enki. 7:42 2 Sanwerɛ 7:12; Mai'ka 5:2

⁴⁶ Miri pi' erasu ton uya, “Inu' ri usauroku p̄ra iyesi p̄se ri kasa,” ta'p̄a to' uya.

⁴⁷ “Iyenku'tisa' iya 'nokon kanan na'ki?” ta'p̄a Pari'si am̄a' uya to' pi'.

⁴⁸ “Itepuru tonpa ton ni miri pe p̄ra Pari'si am̄a' tonpa ton ni uya pe' apuri tukai' mi'tuyat̄u?”

⁴⁹ P̄samoro uya main, Mosi' winon i'tu p̄ra iyesi miri; miri wenai, Papa n̄pa'n̄ku'san pe to' esi miri,” ta'p̄a to' uya.

⁵⁰ Nekutimas esi'p̄a to' tonpa pe, wapiya ewarupi nau itisa' ru'p̄a Sises piya',

⁵¹ miripan uya, “Main uya, 'Ka'pon pi' iri ta p̄ra iyesi eta t̄po p̄ra ri miri awonsi'ki inkup̄a'p̄a eposa' pen ni e'tane,' tasa',” ta'p̄a iya.

⁵² “Kiyarari pon ni mari pe' imiri? Iye'menukasa' itekare pi' isenupa'; miri a'tai, i'tu auya miri Pu'kena' uye'to' p̄ra ri iyesi Kiyarari wini,” ta'p̄a to' uya.

[Wapiyaro' iwa ton miri awonsi'ki en yawo'nan penaro' ton pari yau Isaan 7:53–8:11 p̄ra iyesi.]

⁵³ Miri a'tai, tanporon kon utunta'p̄a.

8

Uri'san Iyekuma Koro'tau Eposa'

¹ E'tane Sises uti'p̄a Are' W̄p̄a pona.

² Miri ema'sa' yau awanak̄i' iyenna'po'p̄a Es-uwer̄a am̄a' use'mato', ip̄remato' iw̄a' p̄a'ku ta'. Anp̄sin pe ka'pon am̄a' am̄ara'p̄a iwoi, miripan ereuta'p̄a to' enupase'na.

³ Main pi' enupanin nan miri awonsi'ki Pari'si am̄a' uya uri'san nee'p̄a, iyekuma koro'tau

tuneporo'pɥ kon, miripan soto'ka'pɥ to' uya tu'kan kon annau,

⁴ miripan kon uya ta'pɥ Sises pi', "Ti'sa, pɥse ri uri'san eposa' ina uya ekuman pi'.

⁵ Main yau Mosi' uya ina pi' tasa' kamoro waraino kon uri'sami'si amɥ tɥwisan ti' ke, tasa' iya. I'ri ken mukayan?" ta'pɥ to' uya.

⁶ Seri tukai' to' uya ekama'po'pɥ tɥmusunu kon pe eseru'tito' tɥuya'nokon ipikiri pe.

E'tane Sises e'timuika'pɥ, miripan e'sara'ti'pɥ non menuka pi' temiyatɥ ke.

⁷ Tekama'popitɥ pi' ri to' e'tane, iye'mɥ'sa'kasa' uya ta'pɥ to' pi', "Inɥ' ri i'koro'tawon kon esi yau imakooi pɥra, tiwi si asara'tii'nokon ti' ke iwini pi'," ta'pɥ iya.

⁸ Miripan e'timuikakaa'pɥ kanan non menukai'.

⁹ Miri pi', kamoro etanin nɥ'san e'sara'ti'pɥ utipi' ni pi' tikin pa'ne, kɥyi' amɥ wapiya, Sises ri'ken tɥnonkai', uri'san ni'ken si e'soto'kasa' miri yau pokon pe.

¹⁰ Sises e'mɥ'sa'ka'pɥ, miripan uya ekama'po'pɥ, "Ma'non, nai kamo si? Inɥ' uya iri ta uya uya iyeno'masa' pɥra ri?" ta'pɥ iya.

¹¹ "Itepuru, inɥ' pɥra ri man," ta'pɥ iya.

"Uri uya ri niri si iri ta pe iyeno'mato' pɥra man. Enta si, makoi yau iuko'manto' tɥnonkai'," ta'pɥ iya.*

8:5 Ripaiti'kas 20:10; Isu'taronomi 22:22-24 **8:7** Susana 34

* **8:11** Tu'kan ni imenukapi'sa' miri awonsi'ki pena iwa main enpoikapisa' yau seri ton pɥra iyesi; tɥron ni ton yau iyesi Isaan 21:24 pikiri; tɥron ni ton yau iyesi Ɔru' 21:38 pikiri; tikin nan ni imenukasa' yau iyesi Isaan 7:36 pikiri.

Sises Pata Weyu

¹² Ka'pon amꞰ' auro'kakapꞰ tꞰuya a'tai kanan, Sises uya ta'pꞰ, "Pata weyu pe esi. InꞰ' ri upikiri tꞰuye'sen uya, uko'man nito' weyu eporo miri, miri awonsi'ki ewarupi yau isato' oton pen ni," ta'pꞰ iya.

¹³ Pari'si amꞰ' uya ta'pꞰ ipi', "Miri si iwano' pe iusekama, makayai'ne' esi miri i'napai ri pꞰra ri," ta'pꞰ to' uya.

¹⁴ Sises uya to' eikꞰ'pꞰ, "Uiwano' pe ri si usekama pe iyesi yau, ukayai'ne' nin si esi i'napairi ri, apꞰne pꞰra iwini uye'sa' rꞰ'pꞰ miri awonsi'ki utito' ya' i'tu uya. E'tane nai wini uye'sa', nai ya' uti tukai' i'tu auya'nokon pꞰra iyesi.

¹⁵ Ka'pon pe kuru ri eseru aimenka auya'nokon; inꞰ' eseru aimenka uya pꞰra nin man.

¹⁶ E'tane inꞰ' ri eseru aimenka uya pe iyesi yau, iyawiri kuru iku'sa' uya miri, apꞰne pꞰra tikin sari esi kasa pꞰra, ikꞰipꞰnꞰ, uyenno'nin nꞰ'pꞰ pokon pe esi.

¹⁷ Iiwano' kon ni Main, Mosi' winon yau iye'menukasa', asa'ron kon ka'pon amꞰ' uya ekama a'tai i'napai ri iyesi tasa'.

¹⁸ Uiwano' pe ri si usekama, tꞰron ni uyekamanin kanan esi ikꞰipꞰnꞰ, uyenno'nin nꞰ'pꞰ," ta'pꞰ iya.

¹⁹ Miri a'tai, to' uya ekama'po'pꞰ, "Nai kari ken si ikꞰipꞰnꞰ?" ta'pꞰ to' uya.

"Ui'tu auya'nokon pꞰra iyesi, ukꞰipꞰnꞰ ri niri i'tu auya'nokon pꞰra iyesi. Ui'tu auya'nokon yau, ukꞰipꞰnꞰ ri niri mi'tutai'no," tukai' to' eikꞰ'pꞰ iya.

20 Serì ta pi' Sises esi'p_u to' enupai'ma Esuwer_u am_u' use'mato', ip_uremato' iw_u' p_u'k_u tau, to' use'mato' en ton pata piyau iwa esii'ma. E'tane in_u' uya a'si'p_u pen ni, ap_une p_ura iweyu e'seposa' p_ura iyesi pi'.

Iuti Kon P_ura Iyesi Utiyai'ne' Ya'

21 Sises uya kanan takaa'p_u to' pi', “Utito' oton miri. Uwarinpatō' auya'nokon oton, e'tane amakooi kon yau ri auma'tato' oton kon. Iuti kon p_ura iyesi utiyai'ne' ya',” ta'p_u iya.

22 Serì uya Esuwer_u am_u' usekama'po emapu'ti'p_u, “Tiwano' pe pe' iye'wini? Miri pi' pe', 'Iuti kon p_ura iyesi utiyai'ne' ya', ta' iya?” ta'p_u to' uya.

23 E'tane miyari ri ta'p_u iya, “Iyo'non winon pe iwesi kon, itepoino winon pe e'tane. Serì non pon kon pe iwesi kon, serì non pon pe p_ura e'tane.

24 Auma'tato' oton kon amakooi kon yau ta'p_u uya, k_uri ri uri, ukayai'ne'† apuri auya'nokon p_ura iyesi yau, auma'ta kon kuru ri amakooi kon yau,” ta'p_u iya.

25 “In_u' pe ken iwesi?” ta'p_u to' uya ipi'.

“Misi'kiri ri sa'ne k_uri ri ukayai'ne' ri,” tukai' Sises uya to' eik_u'p_u.

26 “Eke pe ri tato' uya man iyaseru kon aimenka pe. E'tane uyennō'nin n_u'p_u kuru esi i'napairon pe; k_uri ri wini uneta'p_u nin ekama uya non pon kon pi',” ta'p_u iya.

† 8:24 K_uri ri uri, ukayai'ne'; miri pe p_ura, K_uri ri uri Esuwer_u am_u' pona, ipan kuru wak_u Papa ese' pe “Yawe” esi'p_u; tenpoikasen pe “Uri” tukai'. Isaan n_umenuka'p_u itekare yau, “Uri” tawon apuripit_u'p_u Sises uya k_uri ri pe tesi ekamanin pe.

27 To' uya ito'ka'nukū pūra iyēsi'pū tukūipūnū pi' tauro'ka tane iya 'nokon.

28 Miripan pi' Sises uya ta'pū, “Ka'pon, Papa winon, anūnsa' auya'nokon a'tai ka'takūi', miri a'tai ui'tuto' auya'nokon oton inū' pe esi tukai', miri awonsi'ki i'ri ri kupū uya pūra iyēsi uiwano' pe, e'tane ikūipūnū uya riken uyēnupa'pū pi' us-aurokū.

29 Uyēno'nin nū'pū ri pokon pe esi; tikin sari unonkasa' iya pen, apūne pūra ipori'manin ku'nin pe esi ke,” ta'pū iya.

30 Isauro'tane ri mari, tu'kan kon uya ri apurito' tūuya'nokon tūgū'pū ipi'.

Epūra'an Munki Amū'

31 Esuwerū amū' tapurinin nan pi' ta'pū Sises uya, “Iyēnupato' kon uya pi' auta'sisa' kon yau, upoitōrū ton pe kuru ri iwesi kon miri.

32 Miri a'tai i'napairon i'tuto' auya'nokon oton, miripan uya imo'kasa' pe ikupū kon miri,” ta'pū iya.

33 To' uya eikū'pū, “Ina kamoro Epūra'an payan ton; inū' ri enawon kon ye' pen ni. Nai kasa imo'kasa' pe iwe'to' oton kon ta auya?” ta'pū to' uya.

34 Sises uya to' eikū'pū, “I'napairon ekama uya ipi'nokon; tanporon kon nūmakōitayai'ne' nan esi makōi poitōrū ton pe.

35 Ipoitōrū pe te'sen esi miri tūtonpa ton koro'tawon pen ni, e'tane imu riken esi miri, miri yawon tiwiro' e' pe ri.

36 Imu uya imo'kasa' kon pe iyese yau, imo'kasa' pe kuru ri iwesi kon miri.

37 Erura'an payan pe iwesi kon tukai' si'tuyai', miri ri e'tane uwini pi' iye'kayasa' kon, apune para umaimu pata para ri iwesi kon wenai ayau'nokon.

38 I'napairon ekama uya ipi'nokon; unene'pu ikupunu piyau; ikupunu kon wini ineta'pu kon kupu auya'nokon ni niri miri,"‡ ta'pu iya.

39 "Erura'an kari ri ina kupunu," tukai' to' uya eiku'pu.

"Erura'an muki pe ri ru'san pe iwesi kon yau, inkupu'pu maku'tai'no. §

40 Na'ne' ri si, uwini pi' iye'kupu kon, ka'pon sa'ne i'napairon ekamanin ni ipi'nokon tasetapu Papa winon. Erura'an uya maku'at'ai'ne' waraino ku'sa' para ri iyese.

41 Ikupunu kon nukupunu ri nin kupu auya'nokon miri," ta'pu iya.

"Parau ama' ton pen ni ina, Papa riken kari ri ina kupunu," ta'pu to' uya.

Makoi Muki Ton

42 Sises uya ta'pu to' pi', "Papa esi yau ikupunu kon pe, ui'nankatai'no, Papa winipai uye'sa'pi' seri ya'. Uiwano' pe uye'sa' pen, e'tane uyenko'sa' iya.

43 I'ri pe iyese pi' sa'man pe ri umaimu esi ipona'nokon? Umaimu inetapai para iwesi kon pi' iyese.

‡ 8:38 ikupunu kon wini ineta'pu kon kupu auya'nokon ni niri miri; miri pe para, miri pe iyese pi' ikupunu wini ineta'pu kon iku'ti'. Apune v. 58 enki niri. § 8:39 Erura'an muki pe ri ru'san pe iwesi kon yau, inkupu'pu maku'tai'no; miri pe para, Erura'an muki pe iwesi kon yau, inkupu'pu iku'ti'.

44 Ikuipunu kon, Makoi munki pe iwesi kon, ikuipunu kon maimu awiri e'pai iwesi kon. Te'wisen ye' kari ri iyepiya'ti'pu si'kiri ri, tauta'sisen pen ni i'napairon pi', i'napairon ye' pe para tesi pi'. Kasi pe iyesi a'tai, teseru pe ri te'sen kupu iya miri, kasi ye' pe tesi pi' miri awonsi'ki kasi ye' ton kuipunu pe tesi pi'.

45 I'napairon ekama tane uya, uyapuri auya'nokon para iyesi.

46 Inu' ri uya tumakooi ke ui'tu? I'napai ri us-auroku pe iyesi yau, i'ri pe iyesi pi' uyapuripai para iwesi kon?

47 Papa iwano' uya ri, Papa maimu eta miri. Eta auya'nokon para iyesi, apune para Papa iwano' pe para iwesi kon pi'," ta'pu iya.

Sises Usekama'pu

48 Esuweru amu' uya eiku'pu, "Ina uya pe' ta pan Sameriya pon pe iwesi, iri a'kwaru yen pe?" ta'pu to' uya.

49 "Iri a'kwaru yen pen ni uri," ta'pu Sises uya, "ukuipunu nama uya, e'tane unama auya'nokon para iyesi.

50 Uyapuripi'to' warinpa uya pen, e'tane moro iyesi miri iwarinpanin; kari ri kari ri eseru aimenkanin.

51 I'napairon ekama uya ipi'nokon; umaimu awiron esi yau, iyeri'to' oton pen ni," ta'pu Sises uya.

52 Miri pi' Esuweru amu' uya, "Seri si ina uya i'tu iri a'kwaru yen pe iwesi tukai! Epura'an eriku'pu, miri awonsi'ki pu'kena' amu' ri niri eriku'pu, miri

e'tane si inu' ri esi yau umaimu awiri iyeri'to' oton pen ni ta auya.

⁵³ Eke pe kuru pe' ina kuirunu Epura'an entai iwesi? Iyeriku'pu, miri awonsi'ki pu'kena' amu' ri niri eriku'pu. Inu' pe kuru iye'kupu?" ta'pu to' uya.

⁵⁴ Sises uya to' eiku'pu, "Uiwano' pe utapuripitu yau, utapuri pe para ri iyesei. Ukuirunu, ina e'to' itese' pi' makayatai'ne' uya nin uyapuripitu miri.

⁵⁵ I'tu tane auya'nokon para ri, i'tu uya nin. I'tunin pen uri ta uya yau, kasi pe esi, akasa'nokon, e'tane i'tu uya, imaimu awiri niri esi.

⁵⁶ Ikuirunu kon, Epura'an esi'pu pori' pe uweyu ento' oton tauya pi'; miripan uya ensa' epori'ma'pu," ta'pu iya.

⁵⁷ "50 kaisa ri para ri iwupiyaa man, miri pe' e'tane Epura'an ene'pu auya?" ta'pu Esuweru amu' uya ipi'.

⁵⁸ "I'napairon ekama uya ipi'nokon; Epura'an entu rawiri ri, uri esi*!" ta'pu iya to' pi'.

⁵⁹ Miri pi', ti' amuku'pu to' uya ipona eno'mapi'to' pe tauya'nokon, e'tane Sises e'so'namu'pu, iti'pu Esuweru amu' use'mato', ipremato' nono apai.

9

Tenku'ne Te'sen Ka'pon Epi'ti Sises Uya

* **8:58** *Uri esi*—Esuweru amu' pona, ipan kuru waku Papa ese' pe "Yawe" esi'pu; tenpoikasen pe "Uri" tukai'. Isaan namenuka'pu itekare yau, "Uri" tawon apuripitu'pu Sises uya kari ri pe tesi ekamanin pe. "Uri" miri Papa ese' "Yawe" tato' Esuweru amu' uya, ipan kuru waku Papa ta e'kwa pe. Apune Isaan 6:35; 8:24; 9:5; 10:7, 11; 11:25 enki.

1 Sises usari koro'tau, tentu'p_u si'kiri tenku'ne te'sen ka'pon ene'p_u iya.

2 Ipoitor_u ton uya ekama'po'p_u, “Rapai,* in_u' uya makoi kup_u'p_u—p_use ri ka'pon uya pe', isanon uya kati, tenku'ne iyentu temapu'tii'?” ta'p_u to' uya.

3 Sises uya to' maimu eiku'p_u, “P_use ri ka'pon e'makoimasa' p_ura iyese, isanon niri, e'tane Papa turawasooi usenpoikato' pe iyawiri iye'ku'sa' pe iyese.

4 W_ui nai pata esi koro'tau, uyenko'nin n_u'p_u turawasooi ku'pai'nokon. Ewarupi n_u'ye'an, in_u' ri e'turawasoma weyu pen.

5 Seri non po esi koro'tau, uri esi non weyu pe,” ta'p_u iya.

6 Seri kasa t_usauroku'p_u t_upo, non pona iyeta'ta'p_u. Tawa koneka'p_u iya eta' namanka'p_u ke, miripan t_ur_u'p_u iya ka'pon enu pona.

7 Ta'p_u iya ipi', “Ekumi'ta, Sairon ku'p_uri ka,” ta'p_u iya. (Sairon tawon main esi miri Enno'sa' ta e'kwa pe.) Miri a'tai, iti'p_u, iyekumisi'p_u, iyee'p_u ennin pe tenai'.

8 Miri a'tai, itonpa ton miri awonsi'ki wapiya tenku'ne ennin n_u'san uya ta'p_u, “P_use ri pen pe' tereutai' eta'kwan_un ni pi' n_uko'manpi'taine' pen?” ta'p_u.

9 T_uron kon uya, “P_use ri k_uri ri,” ta'p_u.

T_uron kon uya, “K_uri ri kasa ri mari isene,” ta'p_u. E'tane, “Uri ri k_uri,” ta'p_u iya.

10 Miri a'tai, “Iri tukai' iyenu uta'kokasa'?” ta'p_u to' uya ipi'.

* 9:2 Rapai, Ti'sa ta e'kwa pe 9:5 Ma'siu 5:14; Isaan 8:12

11 To' maimu eiku'pɛ iya, “Sises tukai' tesa'sen uya tawa koneka'pɛ. Miri tɔpo, uyenu pona iturɛ'pɛ iya. Ta'pɛ iya upi', 'Ekumi'ta Sairon ku'pɛri ka.' Uti'pɛ ekumi'se'na, miri tɔpo ene'pɛ uya,” ta'pɛ iya.

12 Miri tɔpo ta'pɛ to' uya ipi', “Nai kari ken si?”
“I'tu uya pɛra iyesei,” ta'pɛ iya to' pi'.

*Pari'si Amɛ' Uya Tenku'nan Nɛ'pɛ
Ekama'popitɛ'pɛ*

13 Tenku'ne iko'mansa' rɛ'pɛ nepɛ'pɛ to' uya Pari'si amɛ' piya'.

14 Sapa' a'tai Sises uya tawa koneka'pɛ, itenu niri a'koka'pɛ iya esi'pɛ.

15 Miri a'tai, Pari'si amɛ' uya kanan ekama'po'pɛ nai kasa ennin pe iyenasa' tukai'. Ta'pɛ iya to' pi', “Tawa nonka'pɛ iya uyenu pona, ikumisi'pɛ uya, ennin pe nin si esi seri,” ta'pɛ iya.

16 Miri a'tai, tɔron kon Pari'si amɛ' uya ta'pɛ, “Papa winon pe pɛra pɛse ri ka'pon esi, apɛne pɛra Sapa' apuri iya pɛra iyesei,” ta'pɛ to' uya.

“I'ri tukai' i'tuto' ipikiri kupɛ tamakooikenan ni ka'pon uya?” ta'pɛ tɔron kon ka'pon amɛ' uya, miripan kon epantakapitɛ'pɛ.

17 Tenku'nan pi' kanan tera'tii', “I'ri ta auya kari iyenu a'kokanin nɛ'pɛ pi'?” ta'pɛ to' uya.

“Pu'kena' pe iyesei!” ta'pɛ iya to' pi'.

18 E'tane Pari'si amɛ' uya apuri'pɛ pen tenku'ne iyesei'pɛ tukai', miripan enasa' ennin pe tukai', tenku'nan sanon ki'ma tɛuya'nokon pona ri.

19 To' uya to' ekama'po'pɛ, “Pɛse ri pe' esi imɛre kon pe? Tenku'ne iyentusa' rɛ'pɛ tato' auya'nokon

ipi'? Nai kasa ken si ennin pe iyenasa'?" ta'p_u to' uya.

20 Isanon uya to' maimu eik_u'p_u, "Ina uya i'tu p_use ri esi ina m_ure pe, iyentusa' r_u'p_u tenku'ne.

21 E'tane i'ri tukai' ennin pe iyenasa' tukai' ina uya i'tu p_ura iyesi. Inu' uya itenu a'kokasa' tukai' niri ina uya i'tu p_ura iyesi. Ekama'poti'. Eke pe iyesi; tiwano' pe t_usauro'sen pe iyesi," ta'p_u to' uya.

22 Seri ta'p_u isanon uya, ap_une p_ura enari'ke' to' esi'p_u Esuwer_u am_u' pi', ap_une p_ura Esuwer_u am_u' e'ku'sa' esi'p_u inu' uya ri K_urai[†] pe Sises esi tukai' ekamasa' a'tai, ipa'kato' pe iyesi usenupan nito' iw_u' tapai tukai'.

23 Miri wenai, "Eke pe iyesi; tiwano' pe t_usauro'sen pe," ta'p_u isanon uya.

24 Iyakon ite'kwa pe tenku'nan n_u'p_u ka'pon ki'makaa'p_u to' uya kanan. Ta'p_u to' uya ipi', "Papa apuripi'ki;[‡] p_use ri nin i'tu pi' ina man t_umakooikenan pe," ta'p_u to' uya.

25 To' maimu eik_u'p_u iya tai'ma, "T_umakooi ke iyesi, miri pe p_ura imakooi p_ura iyesi, i'tu uya p_ura iyesi, e'tane tikin nan ni i'tu uya; tenku'ne esi'p_u, e'tane seri pe ene uya!" ta'p_u iya.

26 Miri t_upo kanan to' uya ekama'po'p_u, "I'ri kup_u'p_u iya ipi'? I'ri tukai' iyenu a'koka'p_u iya?"

27 To' maimu eik_u'p_u iya, "Ayauro'kaka'a'p_u uya 'nokon, etasa' auya'nokon p_ura iyesi. I'ri pe iyesi

[†] 9:22 *K_urai* (Kiri' maimu yau), miri pe p_ura *Me'saya* (Ipuru maimu yau), asa'ri ri mari iyesi, *Papa Nan_utt_unn* ta e'kwa pe. [‡] 9:24 *Papa apuripi'ki*; miri pe p_ura, *Papa pi' Tenki ka'ki*. Seri seri e'se'ne' pe ta'p_u to' uya r_u'p_u ipi' i'napai ri isauro'to' pe. Ap_une Isa'suwa 7:19 enki.

pi' inetapai kanan iwesi kon? Ipoitoru ton pe niri pe' e'pai iwesi kon?" ta'pu iya.

28 Miri tupo to' uya ipa'nuku'pu, "Imiri esi miri ipoitoru pe! Ina nin Mosi' poitoru ton," tai'ma.

29 "Papa uya Mosi' auro'ka'pu tukai' ina uya i'tu, e'tane nai wini kari ri uye'sa' tukai' ina uya i'tu pu'ra iyesei," ta'pu to' uya.

30 Ka'pon uya to' maimu eiku'pu, "I'ri pan si ti'tupi'sen pen ni! Nai wini iye'sa' tukai' i'tu auya'nokon pu'ra iyesei, e'tane uyenu ton a'koka'pu iya.

31 Papa uya tumakooikena' nan eta pu'ra iyesei, tukai' i'tu'nokon, e'tane Papa uya tasa' kasa te'sen, iteseru niri kupu'ma eta iya.

32 Non e'sara'ti'pu si'kiri, isetasa' pu'ra iyesei inu' uya ri tenku'ne iyentusa' ru'pu enu a'kokasa' tawon.

33 Papa winon pe pu'ra pu'se ri ka'pon uye'sa' a'tai, i'ri kupu iya pen," ta'pu iya.

34 To' uya imaimu eiku'pu tai'ma ipi', "Makoi yau iyentu'pu! Nai kasa ru'kwi ina enupa i'se iwesi!" ta'pu to' uya. Miri tupo, to' uya enpa'ka'pu usenupan nito' iwu' tapai.

Iya'kwaru Yau Tenku'ne E'ni

35 Sises uya to' uya enpa'ka'pu eta'pu. Eposa' tu'uya a'tai, ta'pu iya ipi', "Ka'pon, Papa winon pe' mapuriyan?" ta'pu iya.

36 Imaimu eiku'pu iya, "Itepuru, inu' pe iyesei?" tukai', ekama'po'pu iya. "Ekamaki, apurinin pe e'to' pe," ta'pu iya.

37 Sises uya, "Ensa' auya miri; kari ri ipokon pe masau'ro'ai'ne'," ta'pu.

38 Ta'pɥ iya, “Uyepuru, ayapuri uya,” tai'ma iyepɥrema'pɥ ipi'.

39 Sises uya ta'pɥ, “Eseru aimenkato' wenai seri non pona uye'sa' kamoro tenku'ne te'san uya ento' pe, miri awonsi'ki kamoro ennin nan enato' pe tenku'ne,” ta'pɥ iya.

40 Pari'si amɥ' iya'kiri te'san kon uya seri ta iya eta'pɥ. Ta'pɥ to' uya ipi', “I'ri? Tenku'ne niri ina esi?” ta'pɥ to' uya.

41 Sises uya ta'pɥ to' pi', “Tenku'ne iwesi kon yau, imakooi pɥra iwesi kon, e'tane ennin pe iye'kupɥ kon pi', amakooi kon yau ri iwesi kon.

10

Karimeru Pa'simanin Miri Awonsi'ki Itikɥn Non

1 “I'napai ri ta uya ipi'nokon; kɥri ri mɥra'ta awiri pɥra tewonsen karimeru amɥ' iwɥ' ta' e'tane tɥron ni wini tewonsen esi miri ama' e', rapumanin ni.

2 E'tane kɥri ri mɥra'ta awiri tewonsen esi miri karimeru amɥ' esa' pe.

3 Itena' mɥra'ta tɥrawasomanin uya mɥra'ta a'koka, karimeru amɥ' uya imaimu eta. To' ese' ton yai karimeru amɥ' ki'ma iya, miripan kon pa'ka iya.

4 Tikɥn non karimeru amɥ' pa'kasa' iya a'tai, to' wapiya iti, karimeru amɥ' uya niri e'ma'pɥka, imaimu i'tu to' uya wenai.

5 Ka'kɥran e'ma'pɥka to' uya pɥra iyesi, e'tane to' apɥɥmɥ ipiyapai, apɥne pɥra ka'kɥran maimu i'tu to' uya pɥra iyesi.”

6 Sises uya seri panton ekama'pɥ, e'tane to' uya ito'ka'nɥkɥ pɥra iyesi'pɥ i'ri ton pi' isaurokɥ tukai'.

7 Miri tupo, Sises uya kanan ta'pua to' pi',
 "T'napairon ekama uya ipi'nokon; uri esi karimeru
 amua' mura'taai pe.

8 Tanporo kamoro wapiya iye'sa' kon esi ama' e'
 ton, rapumanin nan pe niri, e'tane karimeru amua'
 uya to' maimu eta para iyesi'pua.

9 Uri esi mura'ta pe, uri poro inua' ri ewomua a'tai,
 iyepika'ti. Iyewomua, miri awonsi'ki iyepa'ka niri
 ti'kiyari pata'se' epose'na.

10 Ama' e' uyepua ama'mase'na riken, miri
 awonsi'ki iwise'na, miri awonsi'ki ima'tanua'se'na.
 Uri uye'sa' uko'man nito' epoto' pe to' uya, eke pe
 kuru niri to' uya epoto' pe.

11 "Uri esi waku karimeru amua' pa'simanin.
 Waku karimeru pa'simanin pe te'sen uya
 tukomanto' nonka karimeru amua' iwano' pe.

12 E'tane kuri ri te'masen pe iye'to' pe
 ekama'posa', karimeru amua' esa' pen, karimeru
 amua' esi itikan non pe para. Ene kaikusi uyepua ene
 iya a'tai, karimeru amua' nimi iya. Iyainumua, ene
 kaikusi uya to' a'si, karimeru amua' niri e'taru'kwa.

13 Ka'pon ainumua, apua'ne para te'masen pe iye'to'
 pe ekama'posa' pe tesi ke, aiko tawon pe para iyesi
 karimeru amua' pi'.

14 "Uri esi waku karimeru amua' pa'simanin.
 Uikan non karimeru amua' i'tu uya; to' uya niri
 ui'tu—

15 ukupunua uya ui'tu na'ne' kasa, miri kasa
 ukupunua i'tu uya—miri awonsi'ki uko'manto'
 nonka uya karimeru amua' iwano' pe.

16 Moro taron kon karimeru amu' esi miri, seri yau para ri mari. Kamoro niri nepu uya. To' uya niri umaimu eta, miri awonsi'ki tikin ni iten to' esi,* tikin ni niri to' pa'simanin esi.

17 Ukupanu uya ui'nanka, apune para uko'manto' nonkasa' uya pi', ananka'to' pe uya kanan.

18 Inu' ri uya imo'ka para iyese upiyapai, e'tane uri pe ri inonkasa' uya. Inonkato' merunti esi upiyau, ananka'to' uya ri kanan. Seri uyapiyo'mato' eposa' uya ukupanu wini," ta'pu iya.

19 Seri ton main pikiri, Esuweru amu' kanan epantakapitu'pu.

20 Tu'kan kon uya, "Makoi esi ipiyau, iya'kwaru para iyese. I'ri pe iyese pi' imaimu eta auya'nokon?" ta'pu.

21 Taron kon uya ta'pu, "Makoi esa' maimu ton pen ni seri. Makoi uya pe' tenku'nan enu a'koka poken nai?" ta'pu to' uya.

Esuweru Amu' Apurinin Nan Pen

22 Esuweru amu' use'mato', ipuremato' iwu' uta'koka'pu Weyu Ru'pu e'seporo'pu Surusiran po. Ikomi' pe pata esi weyu pe iyese'pu.

23 Sises usari koro'tau Esuweru amu' use'mato', ipuremato' iwu' pu'ku tau, Saraman Epa'kato' Iya' fawiri,

24 miri a'tai, Esuweru amu' uyee'pu iwoi. Ta'pu to' uya ipi', "I'ri pu'ku pona ina ko'manaku auya

* 10:16 to'esi; miri pe para, to' enato'oton 10:22 1 Ma'kapis 4:36

usenuminkan pi? Kɛraɪ† pe iwesi a'tai, wakɛ pe ina pi' isekamaki,” ta'pɛ to' uya.

25 Sises uya to' maimu eikɛ'pɛ, “Ayauro'kaka'a'pɛ uya 'nokon, e'tane apuri auya'nokon pɛra iyese. Seri eke tɛrawaso siku'ai'ne' ukɛɪpɛnɛ ese' yau usaurokɛ uiwano' pe.

26 E'tane apuri auya'nokon pɛra iyese, apɛne pɛra uikɛn non karimeru amɛ' tonpa pe pɛra iwesi kon.

27 Uikɛn non karimeru amɛ' uya umaimu eta; to' i'tu uya, to' uya niri uye'ma'pɛka.

28 Tiwiri ri uko'man nito' ike ke to' repa uya, to' uma'tato' oton pen ni; inɛ' uya to' mo'kato' oton pen uyemiyatɛ apai.

29 Ukɛɪpɛnɛ urepanin nɛ'pɛ kamoro ke esi eke pe tanporon kon entai ri.‡ Inɛ' uya ri to' mo'ka pɛra iyese ukɛɪpɛnɛ piyapai.

30 Ikɛɪpɛnɛ ya' tiki ni ina esi,” ta'pɛ iya.

31 Miri tɛpo, Esuwerɛ amɛ' uya ti' ton amuku'pɛ iwito' pe tɛuya'nokon,

32 e'tane Sises uya ta'pɛ to' pi', “Ikɛɪpɛnɛ winon tu'kan ni eke tɛrawaso enpoika'pɛ uya iyena'nokon. Nai wenai kuru ti' ke uwini i'se iwesi kon?” ta'pɛ iya.

33 Esuwerɛ amɛ' uya imaimu eikɛ'pɛ, “Seri ton wenai ti' ke iwini i'se ina esi pen, e'tane isapema auya wenai. Ka'pon pe ri esii'ma Papa pe iye'kupɛ,” ta'pɛ to' uya.

† 10:24 Kɛraɪ (Kiri' maimu yau), miri pe pɛra Me'saya (Ipuru maimu yau), asa'ri ri mari iyese, Papa Напѣтѣнѣ ta e'kwa pe.

‡ 10:29 Wapiyaro' ton imenukasa' ton yau Ukɛɪpɛnɛ nɛ'ɛra'pɛ ike esi tanporo entaino pe, tawon esi. 10:33 Ripaiti'kas 24:16

34 Sises uya to' maimu eiku'p_u, "Iye'menukasa' p_ura pe' nai Main yau, 'Ta uya ipi'nokon papa pe'ne iwesi kon,'§ tawon?

35 Papa pe'ne to' esa'sa' iya yau, Papa maimu uyee'p_u na'ne' ipiya' ton, Papa Maimu i'kwitu' po-ken p_ura niri iyesi.

36 I'ri pe ken si k_uri nai, ik_uip_un_u nan_um_u'p_u tiwano' pe kuru, miripan enno'sa' iya o_u pona? I'rito' pe ken iri pe isapema pe t_usauro'sen ta auya'nokon, 'Papa Mumu uri,' ta uya pi'?

37 Uri k_usapuritu, uk_uip_un_u t_urawasooi ku'tane uya p_ura ri.

38 E'tane ikup_u uya a'tai, uyapuri auya'nokon p_ura iye'tane, eke t_urawaso am_u'kup_u uya apuriti', i'tu kon pa apuri kon pa niri uk_uip_un_u esi uyau, uri niri esi iyau tukai'."

39 Miri wenai kanan a'si i'se to' esi'p_u, e'tane to' enapai iyemo'ka'p_u.

40 Iti'p_u Isotan ratoi pona, Isaan uya epa'taisiman kup_u'p_u pena iwa'ne pata piya'. Miri yau, iko'mam_u'p_u.

41 Tu'kan kon ka'pon am_u' uyee'p_u ipiya'. Ta'p_u to' uya, "Isaan uya i'tuto' ipikiri kup_u'p_u pen, e'tane tanporon Isaan usaurok_u'p_u p_use pi' esi i'napai ri," ta'p_u to' uya.

42 Tu'kan kon uya Sises maimu apuri'p_u miri yau.

11

Urasaras Eri'to'

¹ Moro takuru'kenan ka'pon esi'p_u Ƴrasaras itese', Pe'tani eke iwa pata pon, Meri miri awonsi'ki Mata pata'se'.

² P_use ri Meri, ipi na'ne' esi'p_u takuru'ke, k_uri ri esi'p_u Sises karapaimanin n_u'p_u, i'ta niri a'munakanin n_u'p_u t_unse' ke.

³ Miri a'tai, ipasi ton uya iki'mai' t_umaimu kon ennoko'p_u, “Itepuru, ipan pe ini'n_ukan_u man takuru'ke,” tukai'.

⁴ Sises uya miri etasa' a'tai, ta'p_u iya, “Seri paran uya eri'n_u'ka pen ni, e'tane Papa meruntir_u usen-poikato' pe, Papa Mumu apurito' pe ipikiri iyesei,” ta'p_u iya.

⁵ Sises uya Mata, itakon, miri awonsi'ki Ƴrasaras i'n_unka esi'p_u.

⁶ Takuru'ke iyesei tukai' etasa' t_uuya a'tai, asa'ri w_ui iko'mam_u'p_u tesi'p_u yau ri.

⁷ Miri t_upo, t_upoitor_u ton pi', “Isutiya pona kanan utinpai'nokon,” ta'p_u iya.

⁸ Ipoitor_u ton uya ta'p_u ipi', “Rapai,* pena kuru p_ura ri Esuwer_u am_u' esi'p_u iwini i'se ti' ke. Miri pe' e'tane miri ya' iutikap_u kanan?” ta'p_u to' uya.

⁹ Sises uya to' maimu eik_u'p_u, “12 kaisa ri w_ui yau pata weyu p_ura pe' nai? In_u' usari a'tai w_ui nai ita'mo'ka pen, ap_une p_ura a'kwa pe non esi wenai.

¹⁰ E'tane ewarupi yau ka'pon usari a'tai, ita'mo'ka, ap_une p_ura a'kwa pe p_ura iyesei ke,” ta'p_u iya.

¹¹ Seri ton ta t_upo, ta'p_u iya to' pi', “Utonpa kon Ƴrasaras e'n_um_u, e'tane uti enpakase'na iye'n_unto' apai,” ta'p_u iya.

11:1 Ƴru' 10:38-39 **11:2** Isaan 12:3 * **11:8** *Rapai, Ti'sa* ta e'kwa pe

12 Miri tupo ipoitoru ton uya ta'pu, "Itepuru, iye'nansa' pe iyesei yau, ito'pamu ri miri," ta'pu to' uya.

13 Sises usauroku esi'pu iyeri'sa' pi', e'tane iye'namu pi' isauroku pe to' uya ekama'pu.

14 Miri a'tai nin si to' pana'tikaa'pu iya miri waku pe, "Urasaras eri'sa' kuru ri miri, tukai'.

15 Pori' pe e'ai', imiri'nokon pi', miri yau e'sa' pura iyesei pi', apuri kon pa. E'tane pura utinpai'nokon ipiya," ta'pu iya.

16 Miri tupo, Tamas (Titimas tukai' tesa'sen) uya ta'pu tatonpa ton, ipoitoru ton pi', "Utinpai'nokon ni niri uma'tan nito' pe ipokon pe," ta'pu iya.

Sises Uya Urasaras Pasi Ru'san A'kwaru Ne'pitu'pu

17 Sises uye'sa' a'tai, asakiri'ne wai uruwai' yau iko'manka'sa' eporo'pu iya.

18 Pe'tani esi'pu inni pura Surusiran piyapai, 2 mayiru e'to' airi ri.†

19 Miri a'tai, tu'kan kon Esuweru amu' uyee'pu Meri miri awonsi'ki Mata pokon a'kwaru ne'pi'se'na to' pi pata'pu yau.

20 Mata uya Sises uyeru eta pe ri, iti'pu ite'matai, e'tane Meri esi'pu iuti tau moro ri.

21 Miri a'tai, Mata uya ta'pu Sises pi', "Itepuru, seri yau iwesi yau, upi numa'tai'no pen.

22 E'tane i'tu uya i'ri ri ekama'po auya a'tai Papa pi', Papa uya irepa," ta'pu iya.

23 Sises uya ta'pu ipi', "Ipi kanan e'mu'sa'kato' oton," ta'pu iya.

† 11:18 2 mayiru e'to' airi—15 stetiya Kiri' maimu yau (3 kilometers e'to' airi).

24 Mata uya imaimu eiku'p_u, “Si'tuyai' iye'm_u'sa'kato' oton kanan e'm_u'sa'kan weyu a'tai, pata weyu u'ma'sa' a'tai,” ta'p_u iya.

25 Sises uya ta'p_u ipi', “Uri esi i'm_u'sa'kanin pe, uko'man nito' ku'nin pe ri niri esi. Uri yau apurinin esi a'tai, iyeri'sa' pe ri iye'tane, iko'manto' oton ni.

26 In_u' ri t_uko'mansen uyapuri pi' uma'tato' oton pen. Seri pe' mapuriyan?” ta'p_u iya ipi'.

27 “Ewai', uyepuru, sapuriyai' K_ur_{ai}‡ pe iwesi, Papa Mumu pe t_uuye'ton seri non pona, tasa' r_u'p_u,” ta'p_u iya.

28 Seri ta t_uuya t_upo, iti'p_u ama'ai takon ki'mase'na. “Ti'sa uye'sa' man, iki'ma iya,” ta'p_u iya.

29 Miri eta t_uuya pe ri, iye'm_u'sa'ka'p_u, iyee'p_u inke p_ura ipiya'.

30 Sises uye'sa' p_ura ri mari iyesi'p_u eke iwa pata pona, e'tane Mata uya teporo'p_u yau ri mari iyesi'p_u.

31 Esuwer_u am_u' Meri piyau iye'sa' kon iuti tau iya'kwar_u nep_u pi' uya iye'm_u'sa'ka' ensa' inke p_ura, miripan epa'ka a'tai, to' uya e'ma'p_uka'p_u, t_uuta'kwar_ukai' akaranse ti' akasa' uruwai' pe ya' iti' pe tekamai'.

32 Meri uya Sises pata eposa' a'tai, ensa' t_uuya a'tai, i'ta piyau ita'mo'ka'p_u, “Itepuru, seri yau iwe'sa' yau, upi n_uma'tai'no pen ni,” tai'ma.

33 Ikaram_u ensa' t_uuya a'tai, miri awonsi'ki Esuwer_u am_u' niri iya'kiri iye'sa' kon ukaram_u, ipan pe ipokoita'p_u tewan temo'kai'.

‡ 11:27 K_ur_{ai} (Kiri' maimu), miri pe p_ura Me'saya (Ipuru maimu), Papa Nan_uta'p_u ta e'kwa pe.

34 “Nai yau inonkasa' auya'nokon?” ta'pɛ iya to' pi'.

“Itepuru, entanɛ'ki,” ta'pɛ to' uya.

35 Sises ukaramɛ'pɛ.

36 Esuwerɛ amɛ' uya, “Ipan pe i'nɛnka iya!” ta'pɛ.

37 E'tane tɛron kon uya, “Tenku'nan enu a'kokanin nɛ'pɛ uya ri pe' pɛse ri ka'pon erikɛ namai' ikupɛ pɛra iyesi'pɛ?” ta'pɛ.

Sises Uya Ƴrasaras Eri'sa' Imɛ'sa'ka

38 Pokoi pe kuru ri mari esii'ma, Sises uti'pɛ uruwai' piya'. Ti' euta pe iyesi'pɛ eke ti' tɛsa' imɛra'taai po.

39 “Ti' amati',” ta'pɛ iya.

E'tane Mata, eke' pasi uya, “Uyepuru, iki pe ikitaka'sa' seri, asakiri'ne wɛi iko'manka'sa' miri yau,” ta'pɛ iya.

40 Miri a'tai, Sises uya, “Apuri auya yau, Papa meruntirɛ ene auya tukai' pe' apana'ti uya pɛn?” ta'pɛ.

41 Miripan kon uya ti' ama'pɛ. Miri a'tai, kakɛi' tenu tɛtɛse Sises uya ta'pɛ, “Papai, tenki ukayai' umaimu etasa' auya pi'.

42 I'tu uya umaimu etanin pe ri iwesi tiwiri ri, e'tane ta uya ri nin pɛsamoro iye'soto'pi'sa' kon na'ne' uya ri nin apurito' pe uyeno'sa' auya tukai',” ta'pɛ iya.

43 Seri ta tɛpo, eke pe iki'pi'nɛmɛ'pɛ, “Ƴrasaras, epa'ka'!” tukai'.

44 Iyeri'sa' ru'pɛ epa'ka'pɛ, auronpi'sa' pe itemiyatɛ ton i'ta ton, pon saai'pi'sa' kusan ton

pe epe'kena' pon renen tato' atɔ ke, miri awonsi'ki pon atɔ itemɔ' woi.

Sises uya, “Iponkatɔ' uruwai' pon apai, tiwi itito' pe,” ta'pɔ to' pi'.

Sises Wini Pi' To' E'kama

(Ma'siu 26:1-5; Ma' 14:1-2; Ūru' 22:1-2)

⁴⁵ Miri pi' si tu'kan kon ka'pon amɔ' Meri piya' iye'sa' kon, Sises nɔkupɔnɔ ennin nɔ'san uya apuri'pɔ.

⁴⁶ E'tane tɔron kon uti'pɔ Pari'si amɔ' piya' Sises nɔkupɔ'pɔ ekamai' to' pana ya'.

⁴⁷ Miri a'tai, use'man nito' tɔrawasomanin nan epuru ton eke ton kuru miri awonsi'ki Pari'si amɔ' uya tɔkonsɔrɔɔi kon mitimu kupɔ'pɔ.

“I'ri kupɔ'nokon nai?” ta'pɔ to' uya. “Pɔse ri ka'pon uya tu'ke ri eke Papa tɔrawasooi i'tuto' ipikiri kupɔ.

⁴⁸ Seri ku'tane iya enpi'sa' yau, tanporon kon uya ri apuri, miri awonsi'ki Roman amɔ' uya use'man nito', ipɔreman nito' iwɔ' miri awonsi'ki upata kon mo'ka miri,” ta'pɔ to' uya.

⁴⁹ Miri a'tai, to' tonpa, Kaya'pas itese', use'man nito' tɔrawasomanin nan epuru pe te'sen miri wɔipiya yau, usaurokɔ'pɔ, “Ini'tunɔ kon pɔra ri iyesi miri!

⁵⁰ Ito'ka'nɔkɔ auya'nokon pɔra iyesi wakɔ iwa pe iyesi ipona'nokon tikin ni ka'pon eri'to' pe ka'pon amɔ' iwano' pe, tanporon kon ka'pon amɔ' ekota'ma entai,” ta'pɔ iya.

⁵¹ Tɔmiri pe seri ta'pɔ iya pen ni, e'tane use'man nito' tɔrawasomanin nan epuru pe ri nin tesi pi' miri wɔipiya yau, Sises eri'to' oton ni nin ekama'pɔ iya ka'pon amɔ' iwano' pe.

⁵² Kamoro iwano' pe riken pen e'tane iye'ta'nū'sa' kon Papa munki amū' iwano' pe ri niri, to' amaranū'nin pe tikin ni to' takonekai'.

⁵³ Miri pi' nin si, iwini pi' to' e'kama'pū miri, miri wūi awonsi'ki.

⁵⁴ Miri wenai, Sises si usari pūra iyesi'pū miri Esuwerū amū' annawiri. E'tane ru'ku iyemo'ka'pū rimonota nono winikūi', eke iwa pata E'pūren tato' ya', miri yau iyesi'pū tūpoitorū ton pokon pe.

⁵⁵ Esuwerū Amū' Epoi Iti'pū Weyu Rū'pū e'sepokapū ri a'tai, tu'kan kon ni uti'pū miri pata yapai Surusiran pona, ekorakase'na miri Weyu wapiya.

⁵⁶ Sises ene i'se to' esi'pū, use'man nito', ipūreman nito' iwū' airi te'soto'pi'se' to' usekama'popitū'pū, "I'ri tukai' mi'tuyatū? Iyepū pen ni pe' seri Weyu Rū'pū pi'?" ta'pū to' uya.

⁵⁷ Use'man nito' tūrawasomanin nan epuru ton miri awonsi'ki Pari'si amū' uya tasa' esi'pū, inū' uya ri Sises esi miri yau tukai' i'tusa' yau, ekamato' pe iya, a'sito' pe tūuya'nokon.

12

Sises Ekarapaima Pe'tani Po

(Ma'siu 26:6-13; Ma' 14:3-9)

¹ 6 kaisa ri wūi To' Epoi Iti'pū Weyu Rū'pū rawiri, Sises uti'pū Pe'tani pona, Ūrasaras, Sises nū'mū'sa'ka'pū iyerikū'pū apai pata'se' ya'.

² Iyenta'nato' koneka'pū to' uya miri yau, Mata esi'pū ekamū pi', Ūrasaras e'tane Sises piyawon kon tūteire' kon po tepū'piyau te'san koro'tau.

³ Miri a'tai, Meri uya ten yau ri esukenan natū, epe'kena' po'piyun nee'pū, miripan ma'pū iya

Sises p̄ta pona, ikuka'p̄u iya t̄anse' ke, miripan po'piyun kitun uya a'po'ne iuti ki'n̄anpasa' esi'p̄u.

⁴ E'tane Sises poitor̄u ton tonpa, Isutas Eskariya', eparanka ton si pona ipoken p̄ra iyese'p̄u,

⁵ miripan uya, “I'ri pe iyese pi' seri po'piyun k̄ur̄upo'pomasa' p̄ra ri iyese, itepe'p̄u ke entu'manin nan repato' pe? Tikin ni w̄hipiya yau e't̄rawasoman nisa' epe'p̄u e'to' airi ri iyese miri,*” ta'p̄u iya.

⁶ Aiko tawon pe tesi pi' entu'manin nan pi' seri ta'p̄u iya pen ni, e'tane ama' e' pe tesi pi'. P̄rata paikii esa' pe tesi koro'tau, iyawon enno'nin pe iye'p̄it̄u'p̄u i'se te'to' pi'.

⁷ “Tiwi nesii,” ta'p̄u Sises uya. “Inenkurunpa'p̄u miri po'piyun uwu'na'ti weyu iwano' pe, tasa' iya ru'p̄u.

⁸ Inke ri i'koro'tau'nokon te'san kamoro entu'manin nan, e'tane inke ipiyau'nokon esi pen nin,” ta'p̄u iya.

⁹ Miri koro'tau anpisin ton kuru ri Esuwer̄u am̄u' uya etasa' esi'p̄u miri yau Sises esi tukai', miripan kon uyee'p̄u, k̄uri ri pikiri riken pen e'tane Ūrasaras ri niri ense'na, ini'm̄u'sa'ka'p̄u iyeriku'p̄u yapai.

¹⁰ Miri pi' nin si use'man n̄ito' t̄rawasomanin nan epuru ton e'kama'p̄u Ūrasaras ri niri wini pi',

¹¹ k̄uri ri uriya' tu'kan kon ni Esuwer̄u am̄u' uya t̄nonka kon pi' Sises piya' t̄utit̄o' kon pe miri awonsi'ki to' uya ri apuri pi'.

12:3 Ūru' 7:37-38 * **12:5** Tikin ni w̄hipiya yau iye't̄rawasomasa' epe'p̄u; miri pe p̄ra, 300 kaisaron p̄rata pun, tenariyas itese'. Tikin nan p̄rata pun esi isenupasa' pen n̄'kwi e'mato' ike. **12:8** Isu'taronomi 15:11

Sises Epa'ka'pua Surusiran Pona

(*Ma'siu 21:1-11; Ma' 11:1-11; Uru' 19:28-40*)

¹² Miri ema'sa' yau, anpisin ton kuru ri iye'sa' kon na'san Iweyu Ru'pu pi' uya Surusiran pona Sises uti etasa' esi'pu.

¹³ Miripan kon uti'pu ite'matai patawa ye' apimu ton itenau'ne, iki'pi'nunpitai'ma,

“Usana!”†

“Pori' pe kari esi miri Itepuru ese' yau naye'ai'ne!”‡

“Pori' kari ri kin Esuweru amu' epuru!” ta'pu to' uya.

¹⁴ Sises uya isa'ka'si mare eporo'pu, miripan ereuta'pu ipo, iye'menukasa' itekare uya ta awiri ri,

¹⁵ “Kenari'namuai, Sayan ensi ru'kwi;
enki, iyepuru, kin uye'ni pi' man,
iyereutasa' isa'ka'si mare po,”§
tawon.

¹⁶ Miri a'tai, ipoitoru ton uya tanporo seri ton to'ka'nuku'pu pen. Sises ri nin enasa' tapuripi'to' ya' tapo—iyeri'sa' ru'pu, e'ma'sa'kasa' tapo ri nin—to' uya i'tu'pu seri ton e'menukasa' esi'pu ipi', seri ton ni kenu' si ku'sa' to' uya esi'pu itiwano' pe.

¹⁷ Anpisin ton si iya'kiri iye'sa' kon na'san ni esi'pu ekama pi' Urasaras ki'ma'pu iya uruwai' apai, iyeri'sa' apai i'ma'sa'ka'pu iya ri ekama pi'.

¹⁸ Tu'kan kon ni uti'pu seri eke Papa tarawasooi i'tuto' ipikiri e'ku'sa' tetai' ite'matai.

¹⁹ Miri pi' si Pari'si amu' uya ta'pu miri tutonpa kon pi', “Menyatuu, i'ri kupu poken para ri iyesi.

† 12:13 *Usana!* Ipuru amu' maimu, *Pika'ti!* ta e'kwa iyenasa' apuripi'nito' yai pe. ‡ 12:13 *Eren 118:25-26* § 12:15 *Sakaraya 9:9*

Enti', tanporo pata yawon kon uti ipikiri!" ta'pu to' uya.

Sises Uya Tuma'tato' Ekama'pu

²⁰ Moro Kiri' amu' tonpa ton esi'pu to' koro'tau iparemai' itisa' kon nu'san Iweyu Ru'pu pi'.

²¹ To' uyee'pu Piri', Pe'saita, Kiyarari airon winon piya', i'se te'to' kon ekama'poi' ipi', "Itepuru, Sises inenpai ina man," ta'pu to' uya.

²² Piri' uti'pu Anturu pana'tii'; Anturu miri awonsi'ki Piri' uya nin si Sises pana'ti'pu miri.

²³ Sises uya to' eiku'pu, "Iweyu si e'seposa' man Ka'pon, Papa winon apuripi'to' weyu.

²⁴ Inapairon ekama uya ipi'nokon, a'nai' ena'pi uta'mo'kasa' non pona eri'sa' para iyese yau, tikin ni ri iko'mamu miri, e'tane iyeri'sa' yau, tu'ke ri nin itena'pi epamu miri.

²⁵ Ka'pon tuko'manto' i'nankanin uya inonka miri, kari tuko'manto' ewaruma'tinin seri non po uya ri nin iko'manuku miri tiwiri uko'man nito' iwano' pe.

²⁶ Inu' ri uyapiyo' pe na'ne' uya uye'ma'pakato' pe iyese; e'ai'ne' yau ri upoitoru ri kanan e'to' pe iyese. Ukaipanu uya ri uyapiyo' pe na'ne' nama miri.

²⁷ "Ekamura uyewan enasa' man, i'ri ken si ta uya? 'Papai, upika'tiki seri iweyu apai,' ta uya? Kane, seri pikiri sa'ne seri iweyu pu'ku pona uye'sa' seri ko.

²⁸ Papai, eke pe iyese' e'to' enpoikaki," ta'pu iya.

Miri a'tai main uyee'p_u Ep_un poi, "Enpoikaka'sa' uya ri man, miri awonsi'ki enpoikakar_u uya ri kanan miri," tawon.

²⁹ Anpisin miri yau te'san uya etasa' uya, "Kor_ume e'tur_unka," ta'p_u; turon kon uya, "Inser_u uya auro'ka," ta'p_u.

³⁰ Sises uya, "Iwano' kon pe seri main esi'p_u miri, uri iwano' pe pen," ta'p_u.

³¹ "Seri si iweyu or_u eseru aimenkato' yai. Seri or_u epuru pe si te'sen ain_un_upato'.

³² E'tane, uri utan_unsa' a'tai non apai, tanporon kon ni ki'mato' uya oton upiya'," ta'p_u iya.

³³ Seri ta'p_u iya, se kasa uma'tato' oton ta t_uuya ekama pe ri.

³⁴ Anpisin uya ta'p_u, "Ina uya etasa' man Main, Mosi' winon wini, K_urai* uko'manto' oton tiwiri ri, miri ken pe' e'tane, 'Ka'pon, Papa winon utan_unto' oton,' ta auya? In_u' p_use ri Ka'pon, Papa winon?" ta'p_u to' uya.

³⁵ Miri a'tai, Sises uya ta'p_u, "Iweyu e'to' oton miri ipiyau'nokon inke ru'kw_i ri mara ri. Ipininti' iweyu esi koro'tau, ewarupi uya iyeporo kon rawiri. Ka'pon ewarupi yau t_ut_utisen uya t_ut_uto' ya' i'tu p_ura ri iyesi miri.

³⁶ Iweyu apuriti' moro ipiyau'nokon iyesi koro'tau, iweyu munki am_u' pe iyena kon pa," ta'p_u iya. T_usauro'to' nonkasa' t_uuya a'tai, Sises uti'p_u, miripan e'so'nam_u'p_u to' piyapai.

Apurinin Nan Pen Esuwer_u Am_u'

* **12:34** *Kurai* (Kiri' maimu yau), miri pe p_ura *Me'saya* (Ipuru maimu yau), asa'ri ri mari iyesi, *Papa Nan_ut_un_u* ta e'kwa pe.

12:34 Eren 110:4; Aisaya 9:7; Isi'kiyer_u 37:25; Taniyer_u 7:14

37 Seri ton eke ton Papa turawasooi ti'tuto' ipikiri ku'sa' Sises uya e'tane tu'koro'tau'nokon, to' uya apuri para ri mari iyese'pu.

38 Seri esi'pu pu'kena' Aisaya maimu a'ku'tinin pe:

“Itepuru, inu' uya ina nekamanu etasa';
inu' ena' Itepuru meruntinu usenpoikasa?”†
tawon.

39 Miri wenai, to' uya apuri para ri iyese, Aisaya uya tasa' na'ne' awiri ri:

40 “To' enu ri a'kopi'sa' iya
miri awonsi'ki to' ewan ni sa'mantanu'pi'sa'
iya,

to' uya ene namai' tenu kon ke,
to' uya ito'ka'nu'ku' namai' tewan kon ke,
to' era'ti namai' to' epi'tito' pe uya,”‡
tawon.

41 Aisaya uya seri tasa' apune para Sises apuripi'to' ipikiri ensa' tu'ya pi', ipi' isauroku'pu.

42 Miri ri e'tane miri koro'tau ri tu'kan kon ni itepuru ton uya apuri'pu ri. E'tane Pari'si amu' esi'pi', tanapurinu kon inekamapai para to' esi'pu. To' uya tenpa'ka kon tausekupato' kon iwu' tapai tukai' to' enari'numu'pu;

43 ka'pon amu' uya tapuripitu kon i'se te'san pe tesi kon pi' Papa uya tapuripitu kon i'se tesi kon entai.

44 Miri a'tai, Sises usauroku'pu eke pe, “Ka'pon uya uyapuri a'tai, uri riken apuri iya pe iyese pen, e'tane kari uyenne'nin nu'pu.

45 Uyene iya a'tai, uyenne'nin nu'pu ene iya miri.

† 12:38 Aisaya 53:1 (LXX) ‡ 12:40 Aisaya 6:10

46 Uye'sa' serì pata weyu pe, inu' rì uyapurinin pe na'ne' enkurumu namai' moro ewarupi yau.

47 “Kuri nin ka'pon umaimu eta pi' na'ne' e'tane, ikupu iya para na'ne', iteseru aimenka uya pen ni, apune para pata eseru aimenkai' uye'sa' pen, e'tane ipika'ti'.

48 Moro unurunpanin miri awonsi'ki umaimu ananpanaino pen eseru aimenkanin esi miri, miri rì main usauro'ai'ne' uya eno'mato' oton pata weyu u'ma'sa' a'tai.

49 Uiwano' pe usauro'sa' kasa para, e'tane ikupunu uyanno'nin nup uya uyapiyo'masa' usauro'to' pe umaimu'tisa' iya rì.

50 I'tu uya, serì uya arin tiwiri rì uko'man nito' ya'. Miri pi' si usauro'ai'ne' ikupunu uya upana'tip r'p ekama uya,” ta'p iya.

13

Sises Uya Tupoitoru Ton Pata Koruka

1 To' Epoi Iti'p Weyu Ru'p pi' e'nito' rawiri kuru rì, Sises uya i'tusa' esi'p serì non ninto' tuuya weyu e'seposa', ikupunu piya' si tautito'. Tiwano' ton pe te'san i'nankakarup tupo, non po te'san, miripan kon ena' nin si ipan pe to' i'nankato' tuuya enpoikakaa'p iya.*

2 Ko'maan pe enta'nan nito' utanankaa'p, Makoi uya Isutas Eskariya', Saiman mu ku'sa' esi'p isenuminkato' pe Sises eparanka pi'.

* 13:1 *Miripan kon ena' nin si ipan pe to' i'nankato' tuuya enpoikakaa'p iya; miri pe para, miripan uya to' i'nanka iu'mat p'k pona.*

3 Sises uya tanporon ni nonkasa' ikuipunu uya tena' tukai' i'tu'pu; tuuye'sa' Papa wini, miripan enna'po Papa piya' tukai' ri.

4 Miripan e'mu'sa'ka'pu tepuru piyapai, tapon puro'pon mo'ka'pu iya, miripan uya toweru e'me'pu tuworopai pi'.

5 Miri tupo, tuna ma'pu iya pesan ya', miripan uya tupoitoru ton pata korakapitu'pu a'munakapitui'ma tuworopai pokon toweru ke.

6 Miripan uye'kaa'pu Saiman Pi'ta poi ri, tekama'po ton, "Uyepuru, u'ta si koraka auya?" tukai'.

7 Sises uya eiku'pu, "Ito'ka'naku auya pura iyesi miri siku'ai'ne', e'tane emennu'pu ito'ka'nu'to' auya oton," ta'pu iya.

8 "Kane, u'ta korakato' auya pura ri iyesi miri," ta'pu Pi'ta uya ipi'.

Sises uya eiku'pu, "Korakasa' uya pura iyesi a'tai, upu'ku pe iwesi pen," ta'pu iya.

9 Miri a'tai, Saiman Pi'ta uya eiku'pu, "Uyepuru, u'ta riken pen ken si e'tane, uyemiyatu ton miri awonsi'ki u'pai ri niri ken!" ta'pu iya.

10 Sises uya eiku'pu, "Ka'pon iyeku'pisa' esi ti'ta riken korakato' iya pe; tanporon nin ipun esi miri waku pe. Waku pe nin iwesi kon miri, tanporo kuru iwe'tane'nokon pura ri," ta'pu iya.

11 I'tu tuuya wenai teparanka ton; miri pi' nin si, tanporo waku pe iwesi kon pen, ta'pu iya na'ne'.

12 To' pata koraka nonka tuuya tupo, iyepontikaa'pu kanan, miripan enna'po'pu tupa'pu ya'. Miripan uya, "Mato'ka'nu'atuu pe' ipi'nokon siku'ai'ne'?" ta'pu to' pi'.

13 “‘Ti'sa,' ‘Uyepuru,' tukai' uyesak_u auya'nokon, miri esi ipoken ni, kari ri ri uri.

14 Miri si uri, iyepuru kon, iti'saai kon uya a'ta kon korakasa', itonpa kon p_uta si tukorakase e'ti'.

15 Ene kon pa iku'sa' uya miri, ikup_u kon pa ipi'nokon iku'sa' uya na'ne'.

16 I'napairon ekama uya ipi'nokon, ipoitor_u esi p_ura ri iyese eke pe tesa' entai, miri pe p_ura main anin ni esi p_ura iyese eke pe tenno'nin nu'p_u entai.

17 Seri ton i'tu auya'nokon pe iyese pi', ip_urema'nokon miri, miri ton kup_u auya'nokon yau.

Sises Uya Teparankato' Ekama

18 “Tanporon kon imiri'nokon pi' ta uya pen ni; i'tu uya kamo unan_um_u'san, e'tane seri esi iye'menukasa' itekare a'ku'tinin pe: ‘Upokon pe ri iyenta'nasa' ru'p_u enasa' uyewa'nomanin pe,† tawon.

19 Ekama uya seri ipi'nokon iye'kup_u wapiya, iye'kup_u a'tai apuri kon pa kari ri pe esi tukai'.

20 I'napairon ekama uya ipi'nokon, in_u' uya ri in_u' ri unennokon_u an_um_u uya uyan_um_u ri, miri awonsi'ki in_u' uya ri uyan_um_u uya kari uyanno'nin nu'p_u an_um_u,” ta'p_u iya.

21 Seri ta'p_u iya t_upo, ipan pe ipokoita'p_u ta'kwar_u yau, miripan uya ekama'p_u, “I'napairon ekama uya ipi'nokon, itonpa kon uya uyeparankato' oton,” ta'p_u iya.

22 Miripan poitor_u ton usenpitu'p_u, in_u' pi' ta iya ta pe.

13:15 Uru' 22:27

13:16 Ma'siu 10:24; Uru' 6:40; Isaan 15:20

† 13:18 Eren 41:9

13:20 Ma'siu 10:40; Ma' 9:37; Uru' 9:48; 10:16

23 To' tonpa Sises ni'nunkanu ipoitoru esi'pu ipiyau tateire' po.

24 Saiman Pi'ta uya kari ri wai'ka'pu ekama'poto' pe iya, "Ekama'po' inu' pi' ta iya tukai," ta'pu iya.

25 Sises pona nin si te'tunkai' ekama'po'pu iya miri, "Uyepuru, inu' si?" ta'pu iya.

26 Sises uya eiku'pu, "Kari sa'ne paretu piya'pi tuki'se itena' situyai'ne'," ta'pu iya. Miripan uya paretu piya'pi kii'pu, miripan taru'pu iya Isutas Eskariya', Saiman mu ena'.

27 Paretu a'si iya pe ri, Se'tan‡ ewomu'pu iya'. "Inkupunu pe te'sen iku'ki inke pura," ta'pu Sises uya ipi',

28 e'tane inu' ri enta'nan pi' te'sen uya ito'ka'naku'pu pen i'ri pe iyese pi' seri ta Sises uya ipi' tukai'.

29 Apune pura Isutas esi'pu purata esa' pe, taron kon ni nin si usenuminka'pu miri, i'se te'to' kon Iweyu Ru'pu pi' e'ni iwano' pe ri na'ki ennato' pe iya, miri pe pura entu'manin nan irepaki ta iya ri na'ki ta'pu to' uya.

30 Isutas uya paretu a'si pe ri, iyepa'ka'pu nin si. Ewarupi nau seri esi'pu.

Pi'ta Uya Tnonkato' Oton, Ekama Sises Uya

31 Iyepa'ka'pu pata'pu yau, Sises uya ta'pu, "Seri si Ka'pon, Papa winon apuripi'to' ipi', miri awonsi'ki Papa apuripi'to' si ri man iyau.

‡ 13:27 *Se'tan*—Makoi ese' isakon, *Papa eseru ewaruma'tinin* ta e'kwa pe.

³² Papa apuripi'to' esi yau, iyau, Papa uya ri niri tũmu apuripita miri tũyau, inke pũra apuripita iya miri. §

³³ “Umunki amũ, mara ru'kwĩ kuru inke ru'kwĩ esi seri ipiyau'nokon, uwarinpato' auya'nokon oton, Esuwerũ amũ pi' ukataine' kasa ri ta uya ipi'nokon: Utiyai'ne' ya' iuyepũ kon poken pũra iyesei.

³⁴ “Emenna' main ke irepa uya 'nokon: Itonpa kon i'nũnkati'. Ii'nũnkasa' uya 'nokon na'ne' kasa, miri kasa itonpa kon i'nũnkati'.

³⁵ Tanporo ka'pon amũ uya i'tu miri upoitorũ ton pe iwesi kon tukai' itonpa kon i'nũnka auya'nokon yau,” ta'pũ iya.

³⁶ Saiman Pi'ta uya ekama'po'pũ, “Uyepuru, nai ya' iuti?” ta'pũ iya.

Sises uya eikũ'pũ, “Utiyai'ne' ya' upikiri iuyepũ pũra iyesei, e'tane emennũ'pũ ri upikiri iuye'to' oton,” ta'pũ iya.

³⁷ Pi'ta uya ekama'po'pũ, “Uyepuru, i'ri pe iyesei pi' seri pe uti pũra iyesei ipikiri? Iwenai ri uma'ta miri,” ta'pũ iya.

³⁸ Miri a'tai, Sises uya eikũ'pũ, “Uwenai kuru pe' auma'ta? I'napairon ekama uya seri ipi', kiritiki uturumũ rawiri, osorũwau ite'kwa kuru ui'tunin pe pũra iye'ku'to' oton!” ta'pũ iya ipi'.

14

Sises Uya Tũpoitorũ Ton A'kwarũ Ne'pitiũ

§ **13:32** Papa apuripi'to' pe iyesei yau, iyau; seri tawon pũra iyesei miri tũron ni yau'ne. **13:33** Isaan 7:34 **13:34** Isaan 15:12-17; 1 Isaan 3:23; 2 Isaan 5

1 Sises uya ta'pɛ, “Kisewankamatɛ! Papa apuriti’;* uri ri niri apuriti’.

2 Tu'ke ri pata wannɪ man ukɛipɛnɛ iwɛ' tau; sekamai'no miri pe pɛra iyesi yau. Miri ya' uti seri apata'se' kon oton konekai’.

3 Utisa' pe iyesi yau apata'se' kon konekai', uye'kapɛ kanan ayase'na'nokon upiyau iwesi kon pa, e'ai'ne' yau iwesi kon pa.

4 Ite'ma i'tu auya'nokon miri utin nito' ya' utiyai'ne' ya',” ta'pɛ iya.

Sises Esi Ite'ma Pe Ikɛipɛnɛ Piya'

5 Tamas uya ta'pɛ ipi', “Uyepuru, ina uya sa'ne i'tu pɛra iyesi nai ya' iuti tukai’; nai kasa ken ina uya ite'ma i'tu?” ta'pɛ iya.

6 Sises uya eikɛ'pɛ, “Uri ri esi ite'ma pe, miri awonsi'ki i'napairon ni, miri awonsi'ki uko'man nito' ri. Inɛ' ri uti pɛra iyesi ukɛipɛnɛ piya' uri poro riken itito' esi.

7 I'napai ri kuru ui'tu auya'nokon pe iyesi yau, ukɛipɛnɛ ri niri i'tu auya'nokon miri. Seri awonsi'ki i'tu auya'nokon, miri awonsi'ki ensa' auya'nokon,” ta'pɛ iya.

8 Piri' uya ta'pɛ, “Uyepuru, ikɛipɛnɛ enpoikaka'ki ina ena'; miri riken i'se ina esi miri,” ta'pɛ iya.

9 Sises uya eikɛ'pɛ, “Ui'tu auya pɛra pe' iyesi, Piri', ipiyau'nokon ni inke ri uko'manka'sa' e'tane? Inɛ' ri kɛri uyennin pe na'ne' uya ri ukɛipɛnɛ ensa' pe iyesi. Nai pe mairi, 'Ikɛipɛnɛ enpoikaki ina ena',’ ta auya’

* 14:1 Papa apuriti’; miri pe pɛra, Papa apuri auya'nokon.

10 Apuri auya para pe' iyese uri esi ikupunu yau, ikupunu niri esi uyau? Main sekamayai'ne' ipi'nokon esi uiwano' pen e'tane ikupunu, uyau nako'manyai'ne' uya tatarawasooi kupu miri.

11 Uypuriti', uri esi ikupunu yau, ikupunu esi uyau ta uya a'tai; miri pe para, eke Papa tarawasooi amu' kupu uya ri apuriti'.

12 Inapairon ekama uya ipi'nokon, inu' ri uypurinin esi pe iyese yau, kuru ri uya iku'to' oton miri siku'ai'ne' ri. Miri entaino kuru ri ku'to' iya oton siku'ai'ne' entai kuru ri, apune para uti wenai ikupunu piya'.

13 Ikupu uya ri inekama'ponu kon uyese' yau, imu uya ikupunu apuripi'to' ipikiri enpoikato' pe.

14 Uyekama'po† auya'nokon ni miri i'ri pi' ri uyese' yau, ikupu uya ri miri.

Sises Usaurok_u Wak_u A'kwar_u Enno'to' T_uuya Pi'

15 "Ui'nanka auya'nokon pe iyese yau, umaimu awiri ri iwesi kon miri.

16 Ikupunu ekama'po uya miri, miripan uya ipika'tinin kon taron ni enno'to' pe, ipiyau'nokon te'ton tiwiri ri.

17 Puse ri Inapairon A'kwaru, seri non pon kon nanamunu pen ni, apune para ene to' uya para iyese, miri awonsi'ki i'tu to' uya para ri iyese, e'tane i'tu auya'nokon apune para ipiyau'nokon iyese, ayau'nokon ni niri iye'to' oton.‡

18 Piyapaino pe inimi uya 'nokon pen; ipiyau'nokon uyeru ri.

† 14:14 Uyekama'po; miri pe para, Ekama'po ‡ 14:17 ayau'nokon ni niri iye'to' oton; miri pe para, ayau'nokon ni niri iyese.

19 Seri pe ri, seri non pon kon uya uyene p̄ra iyena, miri e'tane uyento' auya'nokon oton. Ap̄ne p̄ra uko'mam̄ pi', imiri'nokon ni mari uko'manto' oton.

20 Uto'ka'n̄a'at̄ai'ne' a'tai i'tuto' auya'nokon oton uk̄ip̄n̄u yau esi, imiri'nokon esi uyau, miri awonsi'ki uri esi ayau'nokon.

21 In̄u' ri umaimu esa' pe na'ne' esi miri iyawiri ri, k̄uri ri k̄uri ri ui'n̄ankanin ye' ri. K̄uri ri ui'n̄ankanin i'n̄anka uk̄ip̄n̄u uya miri, uri uya ri niri i'n̄anka kanan miri awonsi'ki usenpoika ri itena'," ta'p̄u iya.

22 Miri a'tai, Isutas (Isutas Eskariya' pen) uya ta'p̄u, "E'tane sa'ne Uyepuru, i'ri pe iyesi pi' ina enu ya' iusenpoika, seri non pon kon enu ya' p̄ra ri?" ta'p̄u iya.

23 Sises uya eiku'p̄u, "In̄u' uya ri ui'n̄anka pe iyesi yau, tenupato' uya awiri ri iyesi miri. Uk̄ip̄n̄u uya i'n̄ankato' oton, miripan piya' ina uye'to' oton, iyau t̄pata kon koneka ina uya.

24 K̄uri ri ui'n̄anka iya p̄ra na'ne' esi miri tenu-pato' uya awiri p̄ra ri. Seri ton main am̄' metayat̄ai'ne' esi uiwano' pen; uyenno'nin n̄u'p̄u ik̄ip̄n̄u iwano' pe iyesi.

25 "Seri ton pi' usauroku miri ipiyau'nokon esi koro'tau.

26 E'tane k̄uri Ipika'tinin kon, Wak̄u A'kwara, ik̄ip̄n̄u, uyese' yau nenno'ai'ne' uya iyenupato' oton kon tanporon pi' ri, iyemiya'ponti iya 'nokon ni kanyauro'kapi'ta't̄aine' pi'.

27 T̄usewankamai' p̄ra iwe'to' kon nimi uya seri ipiyau'nokon; uiwano' pe te'sen t̄ru uya

iyena'nokon. Serì non nùtuyai'ne' kasa ituru uya pen. Kisewankamatuu, kenari'nantuu.

28 “Ta uya etasa' auya'nokon, ‘Uti serì, uye'kapu ri mari ipiya'nokon.’ Ui'nanka auya'nokon yau, pori' pe ri iwesi kon miri uti pi' ikupunu piya', apune para ikupunu esi eke pe uyentai.

29 Serì ekamasa' uya serì ipi'nokon iye'kupu rawiri, iye'kupu a'tai si ti apuri kon pa.

30 Inke kuru ayau'ka uya 'nokon pen, apune para serì pata epuru uye'ni pi' man. F'ri pe uku'nin pen ni,

31 e'tane serì non pon kon uya i'tuto' pe iyesi ikupunu i'nanka uya, miripan uyapiyo'ma'pa iya ru'pa kupu uya iyawiri kuru.

“Isti'ti', utinpai'nokon,” ta'pa iya.

15

Ite' Miri Awonsi'ki Ipanta Ton

1 “Uri esi i'napairon ite' pe; ukupunu nin si esi miri imainanpanin pe.

2 Upanta tepetasen pen a'tipitu iya, tepetasen pu'kuima iya ikaima pe, miyari ri iyepetato' pe.

3 Ikaimaka'sa' pe iwesi kon miri main kanyau'kayatane' ike uriya'.

4 Moro uyau iko'manti', moro ayau'nokon niri uko'manto' pe. Ipanta epeta para iyesi tiwa ri; moro taye' pi' iko'manto' pe iyesi. Imiri'nokon ni niri epeta para iyesi miri moro uyau iko'mamu kon para iye'tane.

5 “Ite' pe esi; imiri'nokon esi ipanta ton pe. Moro ka'pon esi yau uyau miri awonsi'ki uri niri iyau,

tu'ke ri iyepeta miri; uri para iye'tane i'ri kupu auya'nokon para ri iyese.

⁶ Inu' ri esi para iyese yau moro uyau, iyese miri eno'masa', useketasa' ipanta kasa; miri waraino ipanta ton amuku miri eno'mato' pe apo' ya', iyepo'tito' pe.

⁷ Moro uyau iwesi kon pe iyese yau, umaimu ri niri esi moro ayau'nokon, i'se iwe'to' kon ekama'poti', irepa kon ni miri ike.

⁸ Se uya ukupunu apuripi'to' enpoika, tu'ke iyepeta kon, upoitoru ton pe iwesi kon ekamanin pe.

⁹ "Ikupunu uya ui'nunkasa' na'ne' kasa, miri kasa ii'nunkasa' uya 'nokon. Moro si usi'nunkato' yau e'ti'.

¹⁰ Umaimu awiri iwesi kon yau, usi'nunkato' yau moro iwesi kon miri, ukupunu maimu awiri e'sa' na'ne' kasa kuru miri awonsi'ki moro isi'nunkato' yau e'ai'ne' kasa.

¹¹ Seri ke apana'tisa' uya 'nokon miri pori' pe e'to' pe ipi'nokon miri awonsi'ki pori' pe iwe'to' kon e'to' pe mararon pe para.

¹² Se seri apiyontin nito' uya: Itonpa kon i'nunkati', ii'nunkasa' uya 'nokon na'ne' kasa.

¹³ Inu' ri usi'nunkato' para ri iyese miri eke pe, kuri tatonpa ton iwano' pe tauko'manto' tunin entai.

¹⁴ Utonpa ton pe iwesi kon miri ayapiyo'ma'pu uya 'nokon kupu auya'nokon yau.

¹⁵ Upoitoru tukai' si iyesak uya 'nokon pen seri enta', apune para ipoitoru kuri ri tepuru tarawasoi i'tunin pen. E'tane ru'ku, iyesak uya

'nokon utonpa ton tukai', apune p̄ra tanporon ni usenupa'p̄a ipi' uk̄ip̄an̄a wini i'tu kon pa iku'sa' uya pi'.

¹⁶ Uyan̄ansa' auya'nokon pen, e'tane ayan̄ansa' uya 'nokon iuti kon pa epetai', iteperu moro t̄uko'mansen ye' pe. Miri a'tai, ik̄ip̄an̄a uya irepa kon i'ri ri uyese' yau inekama'pon̄a kon ke.

¹⁷ Seri seri apiyontin nito' uya: Itonpa kon i'n̄ankati'.

Or̄a Uya Ipoitor̄a Ton Ewaruma'ti

¹⁸ "Or̄a uya iyewaruma'ti kon yau, iyenu kon yau m̄aku't̄ai' wapiya uri ewaruma'ti'p̄a iya.

¹⁹ Or̄a iwano' pe iwesi kon yau, ii'n̄anka iya 'nokon miri tiwano' pe iwesi kon pi'. Na'ne' ri nin si, or̄a iwano' pe iwesi kon pen, e'tane ayan̄ansa' uya 'nokon or̄a apai. Miri wenai, or̄a uya iyewaruma'ti kon.

²⁰ Iyenu kon yau main usaurok̄u'p̄a r̄u'p̄a m̄aku't̄ai': 'In̄a' ri ipoitor̄a esi p̄ra iyesi eke pe tesa'entai,' tawon. To' uya ukota'masa' yau, to' uya ri mari ikota'ma kon miri. Uri uya tenupato' kon awiri to' esi yau, to' ri esi miri imiri'nokon uya to' enupa'p̄a awiri ri mari.

²¹ Seri kasa to' uya ikup̄a kon miri uyese' pi' iwesi kon pi', apune p̄ra to' uya i'tu p̄ra iyesi kari uyenko'nin n̄u'p̄a.

²² Uye'sa' p̄ra iyesi yau to' auro'kase'na, t̄amakooi ke to' esi pi' iri pe to' nesii'no pen ni. E'tane nin si, miri pi', t̄amakooi kon wapu'tito' uya poken p̄ra iyesi.

23 Kuri uyewaruma'tinin uya ukupunu ri mari ewaruma'ti miri.

24 Inu' nukupu'pu pen ni ku'sa' uya para iyesi yau to' koro'tau, tumakooi ke tesi kon pi' iri pe to' nesii'no pen ni. E'tane si seri eke turawaso amu' kupu uya ensa' to' uya, e'tane si asa'ri ri mari uri, miri awonsi'ki ukupunu ewaruma'tisa' to' uya.

25 E'tane seri iye'menukasa' Main uta'ku'tito' pe iyesi: 'Iwenai para ri to' uya uyewaruma'ti'pu,' tawon.*

26 "Ipika'tinin kon uye'sa' a'tai, unennoko'pu ikupunu winipaino, i'napairon A'kwaru, ikupunu yapai tepa'kasen uya uyekamoto' oton ipi'nokon.

27 Mekamatui' ri niri imiri'nokon upiyau iwe'sa' kon miri iyepiya'ti'pu si'kiri.

16

1 "Tanporo seri ke apana'tisa' uya 'nokon seri autano'ma kon namai'.

2 To' uya iyenpa'kato' oton kon usenupan nito' iwu' tapai; i'napai ri iweyu uye'kapu, iwinin e'ku'to' oton waku kupu tuuya pe tekamai' Papa iwano' pe.

3 Seri rupi ton kupu to' uya miri, apune para to' uya ikupunu miri pe para uri i'tu para iyesi pi'.

4 Seri ke apana'tisa' uya 'nokon, iweyu uye'sa' a'tai, apana'ti'pu uya 'nokon e'to' pe iyenu kon yau. Seri ke apana'ti uya 'nokon pan wapiya, apune para ipiyau'nokon esi pi'.

Waku A'kwaru Turawasooi

5 "Utiyai' si uyenko'nin nu'pu piya', e'tane inu' uya uyekama'po para man, 'Nai ya' iuti?' tukai'.

* 15:25 Eren 35:19; 69:4

6 Apune p̄ra si seri ton ekamasa' uya pi' iupokoitasa' kon nin si.

7 E'tane i'napairon ekama uya ipi'nokon: Waku pe iwesi kon pa uti seri. Utisa' p̄ra iyesi yau, ipika'tinin kon uyepu p̄ra iyesi ipiya'nokon; e'tane utisa' yau, ennoko uya miri ipiya'nokon.

8 Iye'sa' a'tai, oru pi' enpoika iya miri ipoken p̄ra makoi pi' iyesi pi', iyawiron pi', miri awonsi'ki eseru aimenkato' pi':

9 makoi pi', apune p̄ra ka'pon amu' uya uyapuri p̄ra iyesi pi';

10 iyawiron pi', apune p̄ra ikairunu piya' uti pi', miri enta' uyene auya'nokon p̄ra iye'to' ya';

11 miri awonsi'ki eseru aimenkato' pi', apune p̄ra seri oru epuru si esi pi' eno'masa' pe.

12 “Eke pe ri tato' uya man ipi'nokon, e'tane a'si auya'nokon poken p̄ra iyesi.

13 E'tane kari, i'napairon A'kwaru uye'sa' a'tai, ayari iya 'nokon miri i'napairon ya'. Tiwano' pe isauro'to' oton pen, t̄neta'pu pi' riken isauro'to' oton, miri awonsi'ki ekamato' iya oton miyari ri t̄uue'sen.

14 Uyapuripi'to' ipi' nepu iya miri uiwano' mo'ka t̄uuya wini i'tunin pe iwesi kon pa ikupu iya.

15 Tanporo ikairunu iwano' pe na'ne' esi miri uiwano' ri. Miri pe iyesi pi' ukayai'ne', Iya'kwaru uya uiwano' mo'ka i'tunin pe iwesi kon pa ikupu iya.

16 Seri pe iwa ri miri enta' uyene auya'nokon p̄ra iyena miri, miri awonsi'ki miri t̄upo uyento' auya'nokon oton miri,” ta'pu iya.

Ipoitoru Ton Pokooi Era'tito' Oton Epori'man Pe

17 Ipoitoru ton tonpa ton uya ta'pu tatonpa kon pi', "I'ri ta iya e'kwa pe iyese, 'Seri pe iwa ri miri enta' uyene auya'nokon para iyena miri, miri awonsi'ki miri tupo uyento' auya'nokon oton miri,' miri awonsi'ki, 'Apune para ikupunu piya' uti pi,' nikayai'ne?'" ta'pu to' uya.

18 To' esi'pu usekama'popi' ni pi', "I'ri ta iya e'kwa pe iyese, 'seri pe iwa ri' nikayai'ne?' Ito'ka'naku'nokon para man," ta'pu to' uya.

19 Sises uya ene'pu tekama'popai'nokon to' esi seri pi', miripan uya ta'pu to' pi', "Iusekama'popitu kon i'ri ta uya e'kwa pe iyese, 'Seri pe iwa ri miri enta' uyento' auya'nokon oton pen, miri awonsi'ki miri tupo uyento' auya'nokon oton ni miri?'"

20 I'napairon ekama uya ipi'nokon, iupokoitato' oton kon, tauta'kwarukai' aukaranto' oton kon pata epori'ma tane. Iupokoitato' oton kon, e'tane ipokooi kon era'tito' oton epori'man pe.

21 Tentusen uri'san utaimerunpa miri e'ne' pe tesi pi', apune para tawayu e'seposa' pi'; e'tane nin si tumare entusa' a'tai, e'ne' pe tesi'pu pu'tika'naku iya miri, apune para pori' pe tesi pi' mare entun'sa' tuuya pi' oru pona.

22 Miri kasa iwesi kon miri: Iupokoita kon weyu si seri, e'tane iyento' uya 'nokon oton; miri a'tai, iyepori'ma kon miri, inu' uya ri pori' pe iwe'to' kon mo'kato' oton pen.

23 Miri wui a'tai, i'ri pi' ri uyekama'po auya'nokon pen ni miri. I'napairon ekama uya seri ipi'nokon; ukupunu uya ri irepa kon uyese' yau inekama'po'pu kon ke.

24 Seri pu'ku pona ri i'ri ri ekama'posa' auya'nokon para man uyese' yau. Ekama'poti';

miri a'tai, eporo auya'nokon ni miri, mararon pe para pori' pe iwe'to' kon esi miri.

25 “Panton yai ayauro'kapi'sa' uya 'nokon, e'tane iweyu naye'an seri rupi main yai ayauro'kato' uya 'nokon weyu pen ni, e'tane sa'man yai para ri ukurunu ekamato' uya oton ipi'nokon.

26 Miri wai a'tai, uyese' yau ekama'poto' auya'nokon oton. Amaimu kon pe ukurunu ekama'poto' uya oton ta uya pen.

27 Kane, ukurunu uya ri tamiri pe iinanka kon, apune para uinankasa' auya'nokon pi' miri awonsi'ki Papa wini uye'sa' pi' apurisa' auya'nokon pi'.

28 Uyee'pu ukurunu winipai seri oru pona; seri nin si oru nimi uya, ukurunu piya' enna'po,” ta'pu iya.

29 Miri a'tai, ipoitoru ton uya ta'pu, “Miri si ausauroku ito'ka'nuku poken, panton yai para.

30 Seri si ina uya i'tu tanporon ni i'tunin pe iwesi miri awonsi'ki inu' uya ri iyekama'poto' i'se para ri iwesi. Seri uya ina kupu Papa winon pe ayapurinin pe,” ta'pu to' uya.

31 “Miri si apurisa' auya'nokon iu'matu ya' ri!”* tukai' Sises uya to' eiku'pu.

32 “E'tane iweyu naye'an, iye'ka'sa' ri, iye'tanu'to' oton kon apata'se' kon ya'ne. Tikin sari unonkato' auya'nokon oton. E'tane ri tikin sari esi pen, apune para ukurunu esi ke upiyau.

33 “Seri ton ekamasa' uya ipi'nokon, uyau iwesi kon pa ewankamanin para. Seri oru po eke

* **16:31** *Miri si apurisa' auya'nokon iu'matu ya' ri; miri pe para, Seri pe' nai apuri auya'nokon?*

ri iyewankamanin kon esi, e'tane iyewan kon imeruntitanu'ti': Oru wapiya'kasa' uya man," ta'pu iya.

17

Tu'pona Sises Ipu'rema'pu

¹ Seri ton ta'pu Sises uya tu'po, tenu taru'pu iya Epu'n winikai', miripan uya ta'pu,

“Papai, iweyu uye'sa' man. Imu apuripi'ki, imu uya niri ayapuripi'to' pe.

² Tanporon kon esa' pe iye'to' pe merunti ke irepasa' auya na'ne' kasa, tiwiri ri uko'man nito' tato' pe iya, irepa'pu auya na'ne' nan ena'.

³ Seri tiwiri ri uko'man nito', to' uya ituto' pe i'napairon Papa pe iwesi, Sises Kurai niri i'tuto' pe to' uya inennoko'pu tukai'.

⁴ Seri non po ayapuripi'to' ne'sa' uya man, tarawaso intaru'pu iku'to' pe uya i'ma'kasa' uya wini.

⁵ Papai, seri pe uyapuripi'ki upiyau iwesi ke ri, pena ipokon pe esi a'tai uyapuripi'taine' kasa non ekoneka wapiya.

Tupoitoru Ton Pona Sises Ipu'rema'pu

⁶ “Ituto' pe iyenpoika'pu uya* ka'pon amu' urepasa' auya na'ne' nan oru apai ena'. Hiwano' pe to' esi'pu; to' tusa' auya uyena', miripan kon uya amaimu apurisa'.

⁷ To' uya niri i'tusa' seri tanporon urepa'pu auya esi iwinon pe tukai'.

* **17:6** *Ituto' pe ikupu'pu uya; miri pe pu'ra, Iyese' ituto' pe ikupu'pu uya; v. 26* yau kanan.

⁸ Main urepa'p_u auya ike ke to' repasa' uya, miripan an_unsa' to' uya. To' uya niri i'tusa' iwini uye'sa' tukai', uyenna'sa' auya tukai' niri to' uya apurisa'.

⁹ To' pona ip_urema. Or_u pona ip_urema pen, e'tane urepa'p_u auya ton pona, ap_une p_ura iiwano' pe to' esi pi'.

¹⁰ Tanporo upiyau na'ne' niri esi iiwano' pe, tanporo ipiyau na'ne' esi niri iuwano' pe. Kamoro uriya' uyapuripi'to' uye'sa'.

¹¹ Inke seri or_u po esi pen, e'tane seri or_u po to' esi, miri awonsi'ki uti nin si ipiya'. Wak_u ik_uip_un_u, iyese' merunti ke to' iwapu'tiki—itese' urepa'p_u auya ike—tikin ni to' e'to' pe, tikin ni e'ni na'ne' kasa.

¹² To' piyau esi koro'tau, to' wapu pe e'sa' man, to' pa'sima pi' miri itese' urepa'p_u auya ike ke. In_u ri utano'masa' p_ura man, k_uri riken t_uma'tasen ye' pe ri iye'ku'sa' r_up_u iye'menukasa' itekare a'ku'tinin pe ri.

¹³ “Ipiya' si uti seri, e'tane seri ton ekama uya seri non po ri mari esi koro'tau, pori' pe e'to' eponin pe to' e'to' pe t_uyau'nokon.

¹⁴ Amaimu ke to' repasa' uya, miripan kon ewaruma'ti or_u pon kon uya, or_u pon kon pe p_ura to' esi wenai, uri niri esi or_u pon pe p_ura na'ne' kasa.

¹⁵ Ip_urema or_u apai to' mo'ka pa pen, e'tane to' wapu pe iwesi pa iri namai'.

¹⁶ Or_u iwano' ton pe p_ura to' esi, or_u iwano' pe p_ura e'ai'ne' kasa.

17 Wak_u pe i'napairon poro to' iku'ki, amaimu esi i'napairon.

18 Or_u pona uyenno'sa' auya na'ne' kasa, miri kasa ri mari to' enno'sa' uya non pon kon koro'ta'.

19 To' iwano' pe ekonekasa' wak_u pe, to' niri ekonekasa' e'to' pe wak_u pe.

*Tanporon Kon Apurinin Nan Pona Sises
Ip_urema'p_u*

20 “Kamoro riken pona ip_urema pen, e'tane kamoro uyapurinin nan pona niri to' maimu wenai.

21 Tikin ni tanporo to' e'to' pe, Papai, imiri esi na'ne' kasa uyau, uri niri ayau. To' niri e'to' pe tikin ni niri uyau'nokon, or_u pon kon uya apurito' pe uyenno'sa' auya tukai'.

22 Uyapuripi'to' pe urepa'p_u auya na'ne' ke to' repasa' uya, to' e'to' pe tikin ni, tikin ni e'ni na'ne' kasa ri mari:

23 uri to' yau, imiri niri uyau. To' ekonekato' pe wak_u pe tikin nan ni yau, uyenno'sa' auya tukai' or_u pon kon uya i'tuto' pe, to' i'n_unkasa' uya, ui'n_unkasa' auya na'ne' kasa.

24 “Papai, urepasa' auya ike na'ne' nan i'se esi upiyau e'ai'ne' yau, uyapuripi'to' ento' pe to' uya, urepa'p_u auya na'ne' ike, ap_une p_ura ui'n_unka auya pi', or_u ekoneka rawiri ri.

25 “Ipokena' Papai, or_u uya i'tu p_ura iye'tane, i'tu uya. Uyenno'sa' auya tukai' niri p_usamoro uya i'tu.

26 Iyenpoikasa' uya to' ena', miri kup_u uya miyari ri, ui'n_unkato' auya e'to' pe to' iwano' pe, uri ri niri si e'to' pe to' yau.”

tukai' iwipurema'pɥ.

18

Sises A'si'pɥ To' Uya

(Ma'siu 26:47-56; Ma' 14:43-50; Ɔru' 22:47-53)

¹ Tɥwipurema e'nonkasa' a'tai, Sises uti'pɥ tɥpoitorɥ ton pokon pe Kitaron aranta tɥni'kwiri'nɥ'se. Iratoi po are' e'kwa esi'pɥ, miri ya' tɥpoitorɥ ton pokon pe Sises uti'pɥ.

² Isutas si, eparankanin oton, uya miri pata i'tu'pɥ, apɥne pɥra miri ya' inke ri tɥpoitorɥ ton pokon pe tɥutip'i'sen pe Sises e'piti'pi'.

³ Miri pi', Isutas uti'pɥ are' e'kwa na', tamu'kuru' tawon kon soisa amɥ' ari pe miri awonsi'ki use'man nito' tɥrawasomanin nan epuru ton eke ton kuru miri awonsi'ki Pari'si amɥ' poitorɥ ton ari pe. To' uya ta'sɥrai' ton, raan'pu ton miri awonsi'ki tepaai kon ari esi'pɥ.

⁴ Sises uya tanporon ni tɥpi' te'ku'ton i'tu wenai, iti'pɥ to' ekama'poi', "Ɔnɥ' i'se iwesi kon?" tukai'.

⁵ "Sises, Nasare' pon," tukai' to' uya eiku'pɥ.

"Kɥri ri uri," ta'pɥ Sises uya. (Isutas nin si eparankanin e'soto'kasa' esi'pɥ miri to' pokon pe.)

⁶ Sises uya, "Kɥri ri uri," ta etasa' tɥuya'nokon a'tai, ta'poi kon ya' to' enna'po uta'mo'ka'pɥ non pona.

⁷ To' kanan ekama'pokaapɥ iya, "Ɔnɥ' i'se iwesi kon?" ta'pɥ iya.

Miripan kon uya, "Sises, Nasare' pon," ta'pɥ.

⁸ "Kɥri ri uri, ukayai'ne ko," ta'pɥ Sises uya. "Uwarinpa auya'nokon pe iyesi yau, tiwi pɥsamoro ka'pon amɥ' natii," ta'pɥ iya.

9 Serī e'kup_u'p_u isaurok_u'p_u a'ku'tinin pe: “Tikin ni ri urepa'p_u auya ton tonpa ano'masa' uya p_ura man,” ta'p_u iya ru'p_u.

10 Miri a'tai, Saiman Pi'ta, supara esa' pe te'sen uya imo'ka'p_u, miripan uya use'man nito' t_urawasomanin nan epuru poitor_u pana enwo'ne' winon a'ti'p_u. (Ipoitor_u ese' esi'p_u Mar_u'kas.)

11 Sises uya Pi'ta apiyo'ma'p_u, “Isuparaai emaika! Uk_uip_un_u uya pe' uwo'pasa' na'ne' ike ensi uya pen?” ta'p_u iya.

Anas Piya' Sises Ari

12 Miri a'tai, tamu'kuru' tawon kon Roman soisai am_u, tepuru kon pokon pe esii'ma, miri awonsi'ki Esuwer_u am_u erasu ton uya Sises a'si'p_u. To' uya auronpi'tu'p_u,

13 miripan kon uya ari'p_u wapiya Anas piya' Kaya'pas tamo, miri w_uipiya yau use'man nito' t_urawasomanin nan epuru pe te'sen.

14 Kaya'pas k_uri ri Esuwer_u am_u pi' wak_u pe iwa iyesi miri tikin nan ka'pon uma'tasa' a'tai ka'pon am_u iwano' pe tawon n_u'p_u.

Pi'ta Uya Sises Nonka'p_u

(Ma'siu 26:69-70; Ma' 14:66-68; Ūru' 22:55-57)

15 Saiman Pi'ta miri awonsi'ki t_uron ni ipoitor_u uya Sises e'ma'p_uka esi'p_u. Ap_une p_ura use'man nito' t_urawasomanin nan epuru ni'tun_u pe p_use ri ipoitor_u esi'p_u, miripan uti'p_u Sises a'kiri use'man nito' t_urawasomanin nan epuru iw_u' p_u'k_u ta'.

16 E'tane Pi'ta esi'p_u m_ura'ta nau itenupikiri e'ni pi'. T_uron ni ipoitor_u use'man nito'

turawasomanin nan epuru ni'tunɁ, enna'posa' uyee'pɁ, miripan uya miri yawon uri'san auro'ka'pɁ, miripan uya Pi'ta ewonnɁkɁ'pɁ.

17 “Imiri pen pe' kɁri ri, kɁri ri poitorɁ ton tonpa, imiri ri?” tukai' uri'san mɁra'ta nawon uya Pi'ta ekama'po'pɁ.

Entakanoma'pɁ iya, “Uri pen ni kɁri ri,” tukai'.

18 Komi' pe pata esi'pɁ, miri pi' to' poitorɁ ton miri awonsi'ki eke ton ni e'soto'pi'sa' esi'pɁ a'non pi' apo' piyau. Pi'ta ri niri e'soto'kasa' esi'pɁ to' koro'tau a'non pi'.

Sises Ekama'popitɁ'pɁ

(Ma'siu 26:59-66; Ma' 14:55-64; Ɔru' 22:66-71)

19 Miri koro'tau, use'man nito' turawasomanin nan epuru uya Sises ekama'popitɁ'pɁ ipoitorɁ pi' miri awonsi'ki enupan nito' iya pi'.

20 Sises uya imaimu eikɁ'pɁ, “Ama'ai pɁra us-auro'sa' man usenupan ku'sa' uya man EsuwerɁ amɁ' usenupato' iwɁ' tau, use'man nito', ipareman nito' iwɁ' tau, EsuwerɁ amɁ' amɁrato' yau'ne.

21 Ɔri pe iyese pi' uyekama'po auya? Uyetanin nɁ'san ekama'poki. To' uya ri i'tu miri umaimu rɁ'pɁ,” ta'pɁ iya.

22 Seri kasa isaurokɁ a'tai, soisa amɁ' tonpa iye'mɁ'sa'kasa' uya temiyatɁ ke itemɁ' pi' iwini'pɁ. “Miri kasa pe' tamaimu'sen kɁri use'man nito' turawasomanin nan epuru?” tai'ma.

23 Sises uya imaimu eikɁ'pɁ, “Ipoken pɁra us-auro'sa' pe iyese yau, ekama'. E'tane i'napairon pi' usauro'sa' pe iyese yau, i'ri pe iyese pi' uwini auya?” ta'pɁ iya.

24 Anas uya ennoko'p_u auronpi'sa' pe ri mari Kaya'pas piya' use'man nito' t_urawasomanin nan epuru.

Iyakon Ite'kwa Pe, Itosor_uwano Ite'kwa Pe Sises Nonka'p_u

(Ma'siu 26:71-75; Ma' 14:69-72; Uru' 22:58-62)

25 Saiman Pi'ta e'm_u'sa'kasa' esi koro'tau a'non pi'. “Ipoitor_u ton tonpa pen pe' imiri?” ta'p_u to' uya ipi'.

I'tunin pe p_ura iye'kuu'p_u, “Uri pen ni,” ta'p_u iya.

26 Use'man nito' t_urawasomanin nan epuru poitor_u tonpa pe te'sen, Pi'ta nakutu'p_u ipana tonpa pe te'sen uya ta'p_u, “Imiri pen pe' iya'kiri are' e'kwa nau sentaine' pen?” ta'p_u iya.

27 Pi'ta kanan e'ku'kaa'p_u i'tunin pe p_ura. Miri a'tai ri, kiritiki epiya'ti'p_u uturun ni pi'.

Sises Ari'p_u To' Uya Paire' Piya'

(Ma'siu 27:1-2, 11-31; Ma' 15:1-20; Uru' 23:1-5, 13-25)

28 Miri a'tai, Esuwer_u am_u' uya Sises ari'p_u Kaya'pas piyapai Roman am_u' kop_unaai iw_u' ta'. Awanaku'i' si pata enaka'sa' esi'p_u, iri pe enapai p_ura tesi kon pi' Esuwer_u am_u' ewom_u'p_u pen miri ya', enta'napai tesi kon pi' Itepoi Iti'p_u Weyu Ru'p_u a'taino pi'.

29 Paire' epa'ka'p_u to' piya', “I'ri waraino ke eseru'ti auya'nokon?” tase'na.

30 To' uya imaimu eiku'p_u, “Iri ku'sa' iya p_ura iyese yau, ina nanep_u'no pen iyena',” ta'p_u to' uya.

31 Paire' uya ta'p_u to' pi', “Ati' si iteseru aimenka kon pa main, Mosi' winon awiri,” ta'p_u iya.

Esuweru amu' epuru ton uya ta'pu ipi', "Main, Mosi' winon pe para ri iyese inu' ri tato' pe ina uya iyeri'to' ya'," ta'pu to' uya.

³² Seri e'kupu'pu Sises uya ta'pu ru'pu uta'ku'tito' pe miri kasa eri'to' oton ta'pu iya ru'pu.*

³³ Paire' kanan ewonkaa'pu tiwu' ta', miripan uya Sises ki'ma'pu, miripan uya ekama'po'pu, "Esuweru amu' kin pe' imiri?" tukai'.

³⁴ Sises uya imaimu eiku'pu, "Imiri pe ri pe' seri mukayan, taron kon uya ri kati ayauro'kasa' upi'?" ta'pu iya.

³⁵ Paire' uya imaimu eiku'pu, "Esuweru pe' uri? Itonpa ton, use'man nito' tarawasomanin nan epuru ton eke ton kuru uya itusa' uyena'. I'ri kupu'pu auya?" ta'pu iya.

³⁶ Sises uya imaimu eiku'pu, "Seri non po itesa' pe e'to' esi pen. Seri non po itesa' pe e'to' esi yau, upoitoru ton nepanta'mai'no Esuweru amu' uya uya'si namai', e'tane seri po itesa' pe e'to' esi pen taron ni yau ri iyese," ta'pu iya.

³⁷ Paire' uya ta'pu, "Kin pe ka'si iwesi wa!" ta'pu iya.

Sises uya imaimu eiku'pu, "Ipoken ni iwesi, kin pe esi mukayai'ne'.† I'nai ri, entu'pu seri wenai, seri pi' uyee'pu seri non pona, i'napairon ekamai'. Tanporon kon i'napairon wini na'ne' uya umaimu eta," ta'pu iya.

18:32 Isaan 3:14; 12:32 * **18:32** *miri kasa uma'tato' oton ta'pu iya ru'pu*—Sises uya tautanunse eriku' ta'pu, kurusu' po teriku' ta iya e'kwa pe iyese'pu. Roman amu' uya iye'wisa' kon wini eseru esi'pu kurusu' pona to' turokapi'se, e'tane miri kasa inu' ri wini Esuweru amu' uya i'se para to' esi'pu. † **18:37** *Kin pe esi mukayai' sa'ne ko; miri pe para, Ipoken ni miri ta auya miri.*

38 Paire' uya ta'pɔ ipi', "I'ri miri i'napairon?" Seri ta pe, iti'pɔ kanan Esuwerɔ amɔ' piya'. Ta'pɔ iya to' pi', "I'ri imakooi eposa' uya pɔra man.

39 E'tane iyaseru kon esi tikin ni a'sisa' nonkato' pe Itepoi Iti'pɔ Weyu Ru'pɔ a'tai. Miri wenai Esuwerɔ amɔ' kin ken pe' nonka uya iyena'nokon?" ta'pɔ iya.

40 Tuuki'pi'nɔmɔ kon yau, "Kane, kɔri ri pen. Parapas kuru!" ta'pɔ to' uya. Parapas esi'pɔ Roman kopɔnaai ewa'noma yau iye'sa' rɔ'pɔ.

19

Sises Tu'pɔ Kurusu' Pona Ipokapi'to' Pe

1 Miri a'tai, Paire' uya Sises anɔmɔ'pɔ, miripan ari'po'pi'to' pe ikupɔ'pɔ iya.

2 Soisa amɔ' uya tikakena' e'mepitɔ'pɔ aro', kɔron pe, miripan tu'pɔ to' uya i'pai pona. To' uya iponti'pɔ tutariren ya',

3 miripan ekare pi' to' utipitɔ'pɔ, "Miyari, Esuwerɔ amɔ' kin!" tapitai'ma. To' uya temiyatɔ kon ke iwini'pɔ itemɔ' pi'.

4 Paire' epa'kaka'pɔ kanan Esuwerɔ amɔ' pi' tase'na, "Apɔne enti', enpa'ka uya seri iyena'nokon i'tu kon pa iri pe iyesi tato' uya ipikiri pɔra ri iyesi," ta'pɔ iya.

5 Sises epa'kasa' a'tai, imi'ni si e'mepi'sa' iyarakooi pe miri awonsi'ki tutariren pe si ipon, Paire' uya si ta'pɔ to' pi', "Pɔse ri si!" ta'pɔ iya.

6 Ensa' tuuya'nokon a'tai, use'man nito' tu'rawasomanin nan epuru ton eke ton kuru miri awonsi'ki to' poitorɔ ton uki'pi'nɔnpitɔ'pɔ,

“Kurusu' pona ipokapi'ti'! Kurusu' pona ipokapi'ti'!” tukai'.

E'tane Paire' uya to' eiku'pɛ, “Ananti', kurusu' pona ipokapi'tu kon pa. Uri nin, iri pe iyesei tato' uya ipikiri pɛra nin man,” ta'pɛ iya to' pi'.

⁷ Esuwerɛ amɛ' uya ta'pɛ, “Main esanon ina, miri awiri ima'tato' pe ri iyesei, apɛne pɛra Papa Mumu pe iye'kupɛ pi',” ta'pɛ to' uya.

⁸ Paire' uya miri etasa' a'tai, miri uya ri miyari ri enari'pa'pɛ,

⁹ miripan enna'po'pɛ tiwɛ' ta', miripan uya Sises ekama'po'pɛ, “Nai winipai iuye'sa'?” tukai', e'tane Sises uya eiku'pɛ pen.

¹⁰ “Uyauro'kapai pɛra si iwesi?” ta'pɛ iya ipi'. “I'tu auya pɛra pe' iyesei tumeruntirɛ ke esi imo'kato' ike miri pe pɛra kurusu' pona ipokapi'to' ike?” ta'pɛ iya.

¹¹ Sises uya eiku'pɛ, “Uyentai imeruntirɛ pɛra iyesei ka'tapai irepa'pɛ ike. Miri pi' kɛri iyena' utɛnin nɛ'pɛ umakoitasa' miri eke pe kuru,” ta'pɛ iya.

¹² Miri si'kiri, Paire' esi'pɛ Sises inmo'kapai to' uya iwini namai', e'tane Esuwerɛ amɛ' uki'pi'nɛnpitɛ'pɛ, “Pɛse ri utito' pe iku'sa' auya yau, Sisa tonpa pe pɛra ri iwesi miri. Inɛ' ri kin pe ne'ku'ai'ne' esi miri Sisa ewa'nomanin pe,” ta'pɛ to' uya.

¹³ Seri etasa' tɛuya a'tai, Paire' uya Sises enpa'ka'pɛ, miripan ereuta'pɛ eseru aimenkato' apon po, pata, Ti' Konekasa' tato' yau, (Arami' pe Kapa'ta tato' ipi').

¹⁴ Itepoi Iti'pɛ Weyu Ru'pɛ e'ma ta' ekonekan nito' pe iyesei'pɛ, pɛre'po'si e'to' a'tai ri,

“Puse ri si kin, iiwano' kon,” ta'pua Paire' uya Esuweru amua' pi'.

15 E'tane to' uki'pi'nunpitu'pua, “Ati'! Ati'! Kurusu' pona ipokapi'ti'!” ta'pua to' uya.

“Kin pe' iiwano' kon pokapitu' uya kurusu' pona?” ta'pua Paire' uya to' pi'.

“Ina kin pua ri man, e'tane Sisa riken ina kin,” ta'pua use'man nito' turawasomanin nan epuru ton eke ton kuru uya.

16 Iye'nonka pe ri nin si, Paire' uya ituru'pua miri to' ena' kurusu' pona to' uya ipokapi'to' pe.

Kurusu' Pona Sises Pokapitu'pua To' Uya

(Ma'siu 27:32-44; Ma' 15:21-32; Uru' 23:26-43)

Soisa amua' uya nin si Sises a'sikaa'pua miri.

17 Tiwari ri tukurusukuui arii'ma iti'pua Pu'pi I'pua Ru'pua pata'se' ya' (Arami' pe Koruko'ta tato' ya').

18 Seri yau si kurusu' pona to' uya ipokapitu'pua miri, asa'ron kon taron kon pokon pe, sen wini'ne Sises si to' aporo' po.

19 Paire' uya ento' ipi' menukasa' esi'pua, miripan tusa' iya esi'pua kurusu' pi', SISES, NASARE' PON ES-
UWERU AMU' KIN, tawon.

20 Tu'kan kon Esuweru amua' uya seri tawon ene'pua, apune pua a'ko pe pata piyau Sises pokapi'sa' to' uya esi'pua, kurusu' pona ento' ipi' e'menukasa' esi'pua Arami' pe, Ra'ten pe, miri awonsi'ki Kiri' pe.

21 Esuweru amua' use'mato', iparemato' turawasomanin nan epuru ton eke ton kuru uya ta'pua Paire' pi', “ ‘Esuweru Amua' Kin' tukai' ku'menukai, e'tane puse ri e'kupu Esuweru amua' kin pe, tukai' riken imenuka',” ta'pua to' uya.

22 Paire' uya to' eik_u'p_u, “Imenukasa' uya na'ne' esi miri, imenukasa' uya pe ri,” ta'p_u iya.

23 Sises pokapi'sa' t_uuya'nokon a'tai kurusu' pona, soisa am_u' uya ipon an_um_u'p_u asakiri'ne t_ukaisari'nokon to' uya ekam_u'p_u, iyo'non niken t_unonkai'. Seri ipon esi'p_u to'sa ri ika'sa' tikin nan ni inakapu ponsi'ki ip_urakon p_u'k_u pona.

24 “Ikarapi'pai'nokon p_ura, ap_une t_uusi'tui' te'wapiya'kai' imo'kapai'nokon,” ta'p_u to' uya.

Seri e'kup_u'p_u iye'menukasa' itekare uta'ku'tito' pe,

“To' uya t_ukaisari'nokon upon ekam_u'p_u,
miri awonsi'ki t_uusi'tui' te'wapiya'kai' to' uya
upon an_um_u'p_u,”*

tawon. Miri si kup_u'p_u soisa am_u' uya miri.

25 Sises kurusukuui piyau isan e'soto'kasa' esi'p_u, isan pasi Meri, K_uro'pas no'p_u, miri awonsi'ki Meri Mataren.

26 Miri yau Sises uya t_usan ensa' a'tai, miri awonsi'ki t_upoitor_u t_uni'n_unkan_u e'soto'kasa' a'ko pe, ta'p_u iya t_usan pi', “K_uri ri si im_ure,” ta'p_u iya,

27 miri awonsi'ki t_upoitor_u pi', “K_uri ri si asan,” ta'p_u iya. Miri a'tai ri, ipoitor_u uya ari'p_u t_upata'se' ya'.

Sises Eriku

(*Ma'siu 27:45-56; Ma' 15:33-41; Uru' 23:44-49*)

28 Emenn_u'p_u, tanporon ni enuka'sa' i'tu t_uuya pi', imenukasa' si itekare uta'ku'tito' pe, ta'p_u miri, “Tuna'kiri' ke e'ai,” ta'p_u iya.

* 19:24 Eren 22:18 19:28 Eren 69:21; 22:15

29 Moro iyesei'p_u miri yau wai yawon waain peneka, miripan ka' su'pa tuki'se, iyai i'so'pu ye' pi' to' uya inta na' itaru'p_u.

30 Miripan ku'kasa' t_uuya a'tai, Sises uya, “Nu'ma'tai si,” ta'p_u. Miri pe ri nin si, ti'pai t_upeimai' ta'kwaru t_uru'p_u iya miri.

31 Miri si esi'p_u miri ekonekan weyu pe, miri ema'sa' yawon Sapa' esi pi' eke pe kuru To' Epoi Iti'p_u Weyu Ru'p_u pe. Ap_une p_ura Sapa' a'tai eke' am_u' i'se p_ura tesi kon wenai kurusu' po'ne, Es-uweru am_u' uya Paire' ekama'po'p_u to' pisi ton i'kw_i'pi'to' pe iku'to' pe iya, miripan kon ekepu nu'tipi'to' pe kurusu' poi.

32 Miri pi' si soisa am_u' uyee'p_u wapiyaro' pisi ton i'kw_i'pi'se'na Sises pokon pe kurusu' pona ipokapi'sa' ru'p_u, miri awonsi'ki si isakon pisi ton.

33 E'tane si Sises piya' to' uye'sa' a'tai, iyeri'ka'sa' pe to' uya ene'p_u; miri wenai, to' uya i'si ton i'kw_i'pi'tu'p_u pen.

34 E'tane nin, soisa am_u' tonpa uya apuruka'p_u iteire' airi suparari ke, miripan yai man miri awonsi'ki tuna e'kwamu'p_u.

35 Ka'pon ennin nu'p_u uya ekamasa', miripan nekama'p_u esi i'napai ri. I'tu iya i'napai ri t_unekamanu esi tukai', imiri ri niri uya apurito' pe takasimai' p_ura.

36 Seri ton e'kup_u'p_u iye'menukasa' itekare uta'ku'tito' pe, “Tikin ni ri iy_i'p_u e'kw_i'to' oton pen,”† tawon,

37 miri awonsi'ki t_uron ni kanan iye'menukasa', “T_unapuruka'p_u kon enpi'to' oton to' uya,”‡ tawon.

† 19:36 E'sotas 12:46; Nonpa 9:12; Eren 34:20. ‡ 19:37 Sakaraya 12:10; Isenpoikasa' 1:7

Sises U'na'ti'p_u Isole' Uya

(Ma'siu 27:57-61; Ma' 15:42-47; Uru' 23:50-56)

³⁸ Emenn_u'p_u iwa ri, Isole', Arama'tiya pon uya Sises ekepu ekama'po'p_u Paire' pi'. Isole' esi'p_u Sises poitor_u pe, e'tane ama'ai, ap_une p_ura Esuwer_u am_u' pi' tenari'n_um_u pi'. Paire' uya ewai' tasa' pi' iyee'p_u Sises ekepu kan.

³⁹ Nekutimas esi'p_u isakon pe, pena iwa Sises piya' ewarupi nau itisa' r_u'p_u. Nekutimas uya karapa mir_u isumasa' aro tato' pokon pe nee'p_u, 75 pon e'to' airi ri.

⁴⁰ Asa' ipi' si esii'ma Sises ekepu asa' t_uuya'nokon onti'p_u to' uya miri a'po'nan pokon pe, pon renen tato' at_u saai'pi'sa' ke. Seri esi'p_u miri Esuwer_u am_u' uya tekepu kon u'na'ti eseru yau.

⁴¹ Pata, Sises pokapit_u'p_u to' uya kurusu' pona na'ne' airi iyesi'p_u umi, miri umi yau emenna' pe ti' akasa' uruwai' pe esi'p_u in_u' ri emaikasa' r_u'p_u pen ni ya'.

⁴² Ap_une p_ura si Esuwer_u am_u' ekonekato' weyu pe iyesi pi', miri awonsi'ki a'ko pe ti' akasa' uruwai' pe esi pi', miri ya' Sises emaika'p_u to' uya.

20

Iyar_u P_un Ti' Akasa' Uruwai'

(Ma'siu 28:1-10; Ma' 16:1-11; Uru' 24:1-12)

¹ Awanak_ui' kuru, suntaaka epiya'ti pe, ewarupi pe ri mari pata e'tane, Meri Mataren uti'p_u ti' akasa' uruwai' pe pona, miripan uya ti' utamasa' im_ura'taai apai ene'p_u.

² Miripan eka'tunsa' uti'p_u Saiman Pi'ta miri awonsi'ki taron ni ipoitor_u, k_uri Sises ni'n_unkan_u piya', miripan uya ta'p_u, "To' uya Itepuru mo'ka'p_u man ti' akasa' uruwai' pe apai, miripan i'tu p_ura ri iyesei nai ya' ri nawon to' uya it_uru'p_u!" ta'p_u iya.

³ Miri pi' si Pi'ta miri awonsi'ki taron ni ipoitor_u ton e'sara'ti'p_u ti' akasa' uruwai' pe pona utin pi'.

⁴ Asa'ri ri to' eka'tum_u esi'p_u, e'tane isakon uya Pi'ta entaka'p_u, miripan uya ti' akasa' uruwai' pe eporo'p_u iwapiya.

⁵ Te'timuikai' tenu t_upi't_u p_u iya pon renen at_u saai'pi'sa' kusan pe ene'p_u iya miri yau, e'tane iyewom_u'p_u pen.

⁶ E'tane nin si Saiman Pi'ta, ite'ma'p_u pe te'sen uyee'p_u, miripan ewom_u'p_u ti' akasa' uruwai' pe ya'. Pon saai'pi'sa' kusan pe renen tato' ene'p_u iya miri yau,

⁷ eke' on pe kanan te'sen Sises i'pai won n_u'p_u. T_upona ri e'mepi'sa' esi'p_u, pon renen at_u saai'pi'sa' kusan pe pokon pe p_ura.

⁸ Miri awonsi'ki nin si taron ni ipoitor_u, ti' akasa' uruwai' pe eponin n_u'p_u wapiya, ri mari ewom_u'p_u. Miripan uya t_unene'p_u apuri'p_u.

⁹ (To' uya ito'ka'n_uk_u p_ura ri mari iyesei'p_u iye'menukasa' itekare Sises e'm_u'sa'kato' oton teriku'p_u apai, tawon.)

Sises Usenpoika Meri Mataren Piyau

¹⁰ Miri a'tai, ipoitor_u ton enna'po'p_u t_upata kon ya',

¹¹ e'tane Meri, e'soto'kasa' esi'p_u ti' akasa' uruwai' pe piyau ukaran ni pi'. Akaram_ui'ma

te'timuikai' tenu t̄apit̄u'p̄u iya ti' akasa' uruwai' pe ya',

¹² miripan uya asa'ron kon aimu'nan ipon ton inser̄u am̄a' ereutapi'sa' ene'p̄u, Sises ekepu pata'p̄u yau, i'pai pata'p̄u airi miri awonsi'ki i'ta pata'p̄u airi isakon.

¹³ To' uya ekama'po'p̄u, “Ma'non, i'ri pi' aukaram̄u?” ta'p̄u to' uya.

“To' uya uyepuru ari'p̄u, nai ya' ri nawon to' uya it̄ur̄u'p̄u,” ta'p̄u iya.

¹⁴ Tai'ma iyera'ti'p̄u, miripan uya Sises ene'p̄u iye'soto'kasa' miri yau, e'tane Sises tukai' i'tu iya p̄ura iyesi'p̄u.

¹⁵ “Ma'non, i'ri pi' aukaram̄u? In̄u' warinpa auya?” ta'p̄u iya ipi'.

Umi t̄arawasomanin pe ri nin si tekamai', “Ap̄une ken, ari'p̄u auya pe iyesi yau, ekamaki nai ya' it̄ur̄u'p̄u auya, ikan ut̄ito' pe,” ta'p̄u iya ipi'.

¹⁶ “Meri,” ta'p̄u Sises uya ipi'.

Iyera'ti'p̄u Sises winik̄ai' iki'pi'n̄um̄ai'ma Arami' pe, “Raponai!” (Ti'sa ta e'kwa pe).

¹⁷ Sises uya ta'p̄u, “Up̄i' kata'sii, ap̄une p̄ura enna'posa' p̄ura ri mari man ik̄aip̄un̄u piya'. E'tane, enta ru'ku uyakon non piya', to' pana'tii', ‘Utiyai' uk̄aip̄un̄u piya', miri awonsi'ki ik̄aip̄un̄u kon piya', itese' pi' e'to' piya', miri awonsi'ki itese' pi' iwe'to' kon piya', ” ta'p̄u iya.

¹⁸ Meri Mataren nin si uti'p̄u miri itekareei esa' pe ipoitor̄u ton piya', “Itepuru ene'p̄u uya,” ta'p̄u iya. Tauro'ka'p̄u iya ke to' pana'ti'p̄u iya.

*Sises Usenpoika'p̄u T̄upoitor̄u Ton Piya'
(Ma'siu 28:16-20; Ma' 16:14-18; Ɔru' 24:36-49)*

19 Miri ri suntaaka e'sara'ti ko'mamiri pe, a'samutu yau ipoitoru ton esi a'tai, mura'ta ta'kopi'se Esuweru amu' pi' enari'ke' pe tesi kon pi', Sises uyee'pu, miripan e'soto'ka'pu to' koro'tau, miripan uya, “Miyari'nokon!” ta'pu to' pi'.

20 Seri ta tupo, temiyatu miri awonsi'ki tateire' enpoika'pu iya to' ena'. Ipan pe ri ipoitoru ton epori'ma'pu itepuru ensa' tuya'nokon a'tai.

21 Sises uya kanan takaa'pu to' pi', “Miyari'nokon! Ikuipunu uya uyennosa' na'ne' kasa ri, iyennoko uya 'nokon seri,” ta'pu iya to' pi'.

22 Miri tai'ma to' pona ise'netu'ka'pu, “Waku A'kwaru ananti,” tai'ma.

23 “Inu' makoi ton pi' ri iusentu'ma yau, ipi' ri usentu'man; miri ton pi' iusentu'ma para iyese yau, miri ton pi' ri usentu'man para iyese miri,” ta'pu iya.

Sises Usenpoika Tamas Piya'

24 Tamas nin si (Titimas tato' ipi'), 12 kaisaron kon tonpa para iyese'pu, tatonpa ton koro'tau Sises uye'sa' a'tai to' piya'.

25 Taron kon nin si ipoitoru ton uya, Itepuru ensa' tuya'nokon nu'pu ekama a'tai, ta'pu iya, “Tui' i ru'pu itemiyatu pokon, miripan ya' uyemiyatu tusa' uya a'tai, miri awonsi'ki iteire' ya' uyemiyatu tusa' uya a'tai kuru nin apuri uya miri,” ta'pu iya.

26 Tikin ni suntaaka pata'pu pe, ipoitoru ton kanan esi'pu iuti tau, Tamas nin si esi'pu miri to' piyau. Mura'ta ri uta'kosa' e'tane, Sises uyee'pu

to' koro'ta' e'soto'kai', miripan uya ta'pɛ, “Miyari'nokon!” ta'pɛ iya to' pi'.

²⁷ Miri a'tai, ta'pɛ iya Tamas pi', “Iyemiyatɛ ituki se ya'; uyemiyatɛ ton enki. Iyemiyatɛ tinkai' uteire' ya' ituki. Ikasimato' auya tɛnonkai' apuriki,” ta'pɛ iya.

²⁸ Tamas uya ta'pɛ ipi', “Uyepuru miri awonsi'ki Papa, itese' pi' e'to'!” ta'pɛ iya.

²⁹ Miri a'tai, Sises uya ta'pɛ ipi', “Apɛne pɛra uyensa' auya pi', apurisa' auya; pori' pe kamo esi miri ene tɛpo pɛra ri apurinin nan,” ta'pɛ iya.

³⁰ Sises uya tu'ke ri eke Papa tarawasooi ti'tuto' ipikiri kupɛ'pɛ tɛpoitorɛ ton uya entane, e'tane seri kareta pi' iye'menukasa' pɛra iyese.

³¹ E'tane seri ton e'menukasa' apuri kon pa,* Sises esi Kɛrai,† Papa Mu, miripan apuri auya'nokon wini iuko'manto' kon eporo kon pa itese' yau.

21

Sises Usenpoika Tɛpoitorɛ Ton Tonpa Ton Piya'

¹ Miri pata'pɛ pe, Sises kanan usenpoikakaa'pɛ tɛpoitorɛ ton piya', Taipiriyas* ku'piri piyau. Se kasa iyese'pɛ:

² Saiman Pi'ta, Tamas (Titimas† tato' ipi'), Na'taniyerɛ, Kena, Kiyarari yawon winon; Sepiti

* **20:31** *Seri ton e'menukasa' apuri kon pa; miri pe pɛra, Seri ton e'menukasa' miyari ri apuri kon pa* † **20:31** *Kɛrai* (Kiri' maimu), miri pe pɛra, *Me'saya* (Ipuru maimu) *Papa Nanɛmu'pɛ* ta e'kwa pe. * **21:1** *Taipiriyas; miri pe pɛra, Kiyarari* † **21:2** *Titimas—Esimunui'* ta e'kwa pe.

munki amü', miri awonsi'ki asa'ron kon taron kon ipoitorü ton esi'pü a'samätü yau.

³ “E'saponka seri moro' amü' a'sii',” ta'pü Saiman Pi'ta uya to' pi', miripan pi', “Aya'kiri ina uti seri,” ta'pü to' uya. Miripan kon utisa' ekanwa'tipitü'pü kanau ya', e'tane miri ewarupüi tau, moro' amü' a'si'pü to' uya pen ni.

⁴ Awanaküi' kuru, Sises e'soto'kasa' esi'pü tuna e'pi po, e'tane ipoitorü ton uya ito'ka'nükü püra iyesi'pü Sises pe.

⁵ To' ki'pi'nünpa'pü iya, “Utonpa ton, moro' amü' pe' a'sisa' auya'nokon püra nai?” ta'pü iya.

“Kane!” ta'pü to' uya.

⁶ “Ipunwerü kon eno'mati' kanau enwo'netü winiküi'; miri a'tai, to' ri eporo auya'nokon miri,” ta'pü iya. To' uya iku'sa' a'tai, to' uya ipi'sikü poken püra ri to' punwerü esi'pü, apüne püra tu'ke ri moro' amü' esi ke.

⁷ Miri a'tai si, ipoitorü Sises ni'nüankanü uya Pi'ta pi', “Itepuru pe man!” ta'pü miri. “Itepuru pe man,” ta iya etasa' tūuya pe ri, Saiman Pi'ta uya tapon püro'pon e'me'pü tawoi (imo'kasa' iya esi'pü), miripan e'sanämü'pü tuna ka'.

⁸ Taron kon ipoitorü ton uya nin si e'ma'püka'pü miri kanau yau, tu'kan kon moro' amü' en punwe tewa'tii' to' uya ipi'sikü'pü, apüne püra inni kuru püra ri 300 pi'‡ e'to' airi ri tuna e'pi piyapai tesi kon ke.

⁹ To' e'te'kasa' a'tai, enkena' pe apo' e'simikasa' ene'pü to' uya moro' e'puru ipo, miri awonsi'ki püreti esi'pü.

21:3 Üru' 5:5 **21:6** Üru' 5:6 ‡ **21:8** 300 pi'; miri pe püra, 200 kiyupi' amü'; 90 mi'ta e'to' airi.

10 Sises uya, “Moro' amu' si seri pe kuru ma'situne' inne'ti',” ta'pu miri to' pi'.

11 Saiman Pi'ta ekanwa'tisa' uya nin si punwe pi'siku'pu miri makai'. Tu'ke ri, 153 kaisa ri eke ton moro' amu' esi'pu, e'tane punwe ekaraka para ri iyese'pu.

12 Sises uya, “Isi'ti', enta'natanu'ti',” ta'pu to' pi'. Ipoitoru ton uya, “Inu' imiri?” ta para ri iyese'pu ipi'. Itepuru pe to' uya i'tu'pu.

13 Sises uyee'pu, pureti tanunse to' repa'pu iya, miri kasa ri moro' ke to' repa'pu iya.

14 Seri si seri itosoruwano ite'kwa pe Sises usenpoika'pu tapoitoru ton ena', teriku tapo te'mu'sa'kasa' a'tai.

Sises Uya Pi'ta Eri'to' Ekama'pu

15 Tenta'na kon e'nonkasa' a'tai, Sises uya ta'pu Saiman Pi'ta pi', “Saiman, Isaan mumu, ui'nanka auya kuru ri pe' pmsamo entai?” ta'pu iya.

“Ewai', uyepuru, ii'nanka uya ri i'tu auya,” ta'pu Pi'ta uya.

Sises uya ta'pu ipi', “Uikan non karimeru munki amu' ken si ewe'ki,” ta'pu iya ipi'.

16 Sises uya kanan takaa'pu ipi', “Saiman, Isaan mumu, ui'nanka auya kuru ri pe'?” ta'pu iya.

Eiku'pu iya, “Ewai', uyepuru, ii'nanka uya ri i'tu auya,” ta'pu iya.

Sises uya, “Uikan non ken si karimeru amu' ipa'simaki,” ta'pu ipi'.

17 Itosoruwano ite'kwa pe Sises uya ta'pu ipi', “Saiman, Isaan mumu, ui'nankayan pe'?” ta'pu iya.

Pi'ta ena'pɯ pokoi pe, apɯne pɯra Sises uya tekama'posa' pi' osorɯwau ite'kwa, “Ui'nɯnkayan pe'?” tukai', miripan uya, “Uyepuru, tanporon ni i'tu auya; ii'nɯnka uya ri i'tu auya,” ta'pɯ.

Sises uya, “Uikɯn non ken si karimeru amɯ' ewe'ki.

¹⁸ I'napairon ekama uya ipi'; moine pe iwa iwesi a'tai, iiwano' pe ri iyepontipitu'pɯ miri awonsi'ki iutipitu'pɯ i'se iwe'to' ya'; e'tane iukɯi'pansa' a'tai, iyemiyatu ton inka auya miri awonsi'ki ka'pon uya nin si iponti miri, miripan uya ayari itipai iwe'to' pen ni ya',” ta'pɯ iya ipi'.

¹⁹ Sises uya seri ta'pɯ Pi'ta uma'tato' eseru ekama tɯuya pe Papa apuripi'to' ipi' pe, miripan uya, “Upikiri isi'ki!” ta'pɯ ipi'.

²⁰ Pi'ta uya tenu ra'ti'pɯ, miripan uya ipoitorɯ, Sises ni'nɯnkanɯ uyepɯ tɯpikiri'nokon ene'pɯ. (Pɯse ri kɯri ri Sises pona iye'tɯnkasa' rɯ'pɯ to' enta'na a'tai, “Uyepuru, inɯ' uya si iyeparankato' oton?” tawon nɯ'pɯ.)

²¹ Pi'ta uya ensa' a'tai, ekama'po'pɯ iya, “Uyepuru, pɯse kanan si?” ta'pɯ iya.

²² Sises uya eiku'pɯ, “Iko'mamɯ i'se esi yau enna'po pona ri, i'ri pe miri esi ipona? Hsiri, upikiri isi'ki,” ta'pɯ iya ipi'.

²³ Miri si etasa' tɯuya'nokon tukai' itonpa ton esi'pɯ miri, pɯse ri si ipoitorɯ eriku pɯra iye'to' oton, tukai'. E'tane Sises uya iyeri'to' oton pen tasa' pɯra iyesi; “Iko'mamɯ i'se esi yau enna'po pona ri, i'ri pe miri esi ipona?” tasa' iya riken esi.

²⁴ Puse ri si kari ri ipoitoru ekama pi' na'ne' imenukasa' iya ri na'ne'. I'tu i'napai ri inekamanu esi.

²⁵ Sises uya tu'ke ri taron ni ton ni niri kupu'pu. Tanporo ri iye'menukasa' pe iyesi yau, si'tuyai', seri non po imenukapi'sa' kareta ton pata para iyesi.

**Wakɔ Itekare: Emenna' Pe Ekonekan Nito'
New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akawaio

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 18 Apr 2025 from source files dated 29 Jan 2022

0a50da4e-768d-5472-9dd1-d9747ff5918f